

PROSPERI ALPINI DE PLANTIS AEGYPTI LIBER.

IN QVO NON PAVCI, QVI CIRCA
herbarum materiam irrepsērunt, errores, deprehenduntur, quo-
rum causa hactenus multa medicamenta ad vsū medicinę ad-
modum expetenda, plerisque medicorum, non sine artis iactura,
occulta, atque obsoleta iacuerunt.

AD IOANNEM MAVROCENVM
*Antonij Filium Patricium Venetum
Clarissimum.*

Accessit etiam liber de Balsamo aliàs editus.



VENETIIS, M. D. XCII.

Apud Franciscum de Franciscis Senensem.

PROSPERI ALPINI

DE PLANTIS AEGYPTI LIBER.

IN QVO NON PAVCI, QUI CIRCA
herbarum materiam inpleantur errores, deprehenduntur, quo-
rum causa haecenus multis medicamentis ad usum medicum ad-
modum expectanda, plerisque medicorum, non sine acrius iactura,
occulta, atque oblecta.



CAD-IOANNES
Antonij Filium Patricium Vinctum
Classicum.

5D 629

Accessit etiam liber de Balsamo alijs editus.



VENTILIS M. D. XCII.

Abbas Franciscum de Franciscis Sententem.

K/12/96



IOANNI

MAVROCENO
ANTONII FILIO

Patritio Veneto Clarissimo.

PROSPER ALPINVS. S. D.



LANTARVM cognitionem, Ioannes Maurocene Clarissime, à magno illo Chirone Centauro Saturni filio, vel ab Apolline, vel denique ab Aesculapio (quos pro Dijs aliquando cœca mortalitas coluit) inuentam, cum Pythagoras sapientia clarus, tum alij prodiderunt. Posteaq; perspectis ad corporum sanitatem ipsarum apud omnes admirandis viribus, multi non solum sapientissimi Philosophi, inter quos Democritus clari nominis vir, istius scientia amore multas regiones peragrauit, verum etiam maximi Reges (quorum nomina id significantia hucusq; in aliquibus plantis conseruantur) in earum studio plurimum insudarunt. Non est itaque cur cuiquam mirum videatur, si & ipse de plantis, quas olim in locis Aegypti inspexi, ac obseruauì, librum à me conscriptum, nunc in lucem

aditurus, tibi viro generis nobilitate, ac singularium virtu-
tum claritate Illustri dicare voluerim; Cum præsertim omnium
etiam disciplinarum studijs te maxime delectari sciam. Spe-
raui enim ex hac noua stirpium historia, te non parum uolupta-
tis suscepturum. Accedit etiam, quod cum hic Plantarum
liber, quem una cum alijs libris, de medicina Aegyptiorum
uocatis, tuoq; Illustrissimo patri dicatis, nuper coniunxeram,
nunc studiosorum commodo separatim sit edendus, Tibi tan-
quam patri, cui in primis cum alijs fuerat destinatus, pro-
piori offerendus erat. Quod eò libentius feci, ut plurimam
in te quoque ac reliquos fratres, quibus semper fui addictissi-
mus, meam obseruantiam perspectam redderem. Accipe
itaque vir Clarissime, hoc munusculum à me hilari vultu (etc-
nim si maius quid vel præstantius, quo te dignum scio, nunc
habuisssem, tibi libentius adhuc obtulisssem) atque ipsum ut à
detractorum linguis defendas, te etiam, atque etiam rogo.
Vale diu fœlix, meique memor. Venetijs Anno Salutis
humanae. M. D. XCII.

LECTORI OPTIMO.



POST libros de medicina Aegyptiorum, en tibi, optime lector, libellum exhibemus, qui est De plantis Aegypti, quem primo cum illis libris coniunxeramus, nunc verò tuis commodis consulentes, separatim imprimendum curauimus. Accipe igitur hilari animo munusculum hoc meum, in quo id saltem assequuti uidemur, ut ob rerum uarietatem, & peregrinarum stirpium historiam, atque eorundem effigies, egregie, ut opinor delineatas, non indigna penitus elegantioribus auribus scripsisse arbitremur. Vale.

INDEX OMNIVM CAPITVLORVM QVAE IN TOTO OPERE CONTINENTR.

LIBER DE PLANTIS Aegypti Capita.



VR. de plantis in Aegypti locis prouenientibus sit agendum. Cap. I.	fol. 1
De Cassia Fistula, Chaiarxābar vocata. Cap. II.	fol. 1.
De Siliquis dulcibus, carub ab Aegyptijs voca tis. Cap. III.	fol. 3
De Acacia. Cap. IIII.	fol. 4
De Paliuro Athenaei, Nabca appellato. Cap. V. f. 7	fol. 8
De Sycomoro Giumez uocata. Cap. VI.	fol. 10
De Palma Dachel. Cap. VII.	fol. 12
De Sebesten. Cap. VIII.	fol. 13
De Tamarisco Atlè vocata. Cap. IX.	fol. 15
De Tamarindo Derelside vocata. Cap. X.	fol. 16
De Agiahalid. Cap. XI.	fol. 17
De Vzeg, atque an sit Lycium indum, Cap. XII.	fol. 18
De Ligustro Aegyptio, elhanne, uel tamarhendi vocato. Cap. XIII.	fol. 20
De Balsamo, Balassan ab Aegyptijs uocato. Cap. XIII.	fol. 25
De Calaf seu Ban. Cap. XV.	fol. 26
De Bon. Cap. XVI.	fol. 26
De Baobab. Cap. XVII.	fol. 28
De Gossipio arboreo, Gotne Msegia appellato. Cap. XVIII.	fol. 29
De Sambac Arab, siue Gelsimino Arabico. Cap. XIX.	fol. 30
De Phaseolo nigro lablab vocato. Cap. XX.	De


De phaseolo rubro, Abrus vocato. Cap. XXI.	fol. 31
De Mauz seu Musa. Cap. XXII.	fol. 32
De Sesban. Cap. XXIII.	fol. 33
De Sophera. Cap. XXIII.	fol. 34
De Beidelsar. Cap. XXV.	fol. 35
De Achaouan Abiat, idest Artemisia alba. Cap. XXVI.	fol. 37.k
De Bammia. Cap. XXVII.	fol. 38.k
De Melochia. Cap. XXVIII.	fol. 39.k
De Zatarendi. Cap. XXIX.	fol. 40.k
De Piperelongo. Cap. XXX.	fol. 40.k
De Abfus. Cap. XXXI.	fol. 37
De Sefamo seu Sempsem. Cap. XXXII.	fol. 37
De Culcas siue colocasia. Cap. XXXIII.	fol. 39
De loto Aegyptio Nuphar vocata. Cap. XXXIII.	fol. 40
De Stratiote, Haihalem maoui uocato. Cap. XXXV.	fol. 41
De Papyro Berd vocato. Cap. XXXVI.	fol. 42
De Cypero. Cap. XXXVII.	fol. 43
De Chatè, Abdellani, & Batecha el naui. Cap. XXXVIII.	fol. 44
De Achaouan seu parthenio inodoro. Cap. XXXIX.	fol. 46
De Neiemelmfalib, siue gramine crucis. Cap. XL.	fol. 47.
De Meliloto Aegyptio Alchimelech uocato. Cap. XLI.	fol. 48
De kellù, psyllio, melanthio, cappare, vrtica, solano somnifero, coriandro, ocymo, hyosciamo albo, conyza, nuce methela, Secamonè.	
Cap. XLII.	fol. 49
De plantis per iter obseruatis. Cap. XLIII.	fol. 53



LIBRI DE BALSAMO

CAPITULA.

- D**E Balsami planta, succo, fructibus, & virgis esse loquendum. Cap. I. fol. 62
- An balsami planta, eiusque succus, fructus ac virgæ nunc reperiantur, & in quibus locis proueniat. Cap. II. fol. 63
- Plantæ, quæ ab antiquis Arabiæ medicis Balesan, à Græcis βάλαμον, & à Latinis Balsamum uocabatur, fructuum, succique descriptio. Cap. III. fol. 67
- Veri opobalsami cognitio unde sumatur, & qui ex antiquis verè hunc succum litteris prodiderint. Cap. IIII. fol. 70
- De notis, quibus verum opobalsamum à non vero, Syncerum ab adulterato tutò cognoscitur, ac discernitur. Cap. V. fol. 92.
- Veri carpopalsami, & xilobalsami cognitio, & consideratio. Cap. VI. fol. 75
- Cur Petri Bellonij obseruationes in Aegypto circa balsami plantam factæ hic adnotatæ sint. Cap. VII. fol. 78
- Aegyptij balsami obseruatio ex Petro Bellonio in libro X. itinerariarum obseruationum, capite XXXIX. collecta. Cap. VIII. fol. 78





PROSPERI ALPINI DE PLANTIS AEGYPTI LIBER.

CVR DE PLANTIS IN AEGYPTI LOCIS
prouenientibus sit agendum. Cap. I.

ALPINVS, GVILANDINVS.



VINTA nunc agitur dies, ex qua in viridarium nos colloquendi causa conuenimus, in quo vbi medicinae eius, quae penes Aegyptios habetur, historiam ad finem perduxerimus, nihil aliud de illorum medicina dicendum nobis superfuisse, arbitror. Quare alijs nos sermonibus hac die in solito huius amoenissimi viridarij recessu, sub horum arborum vmbra sedentes, animum recreabimus. GVILAND. Quid? an non etiam illorum locorum plantae agnoscendae supersunt? de quibus quidem te sermonem quoque facturum alias es pollicitus: cum ipsarum historia, ob varias in medendo utilitates, ad sermones haecenus de Aegyptiorum medicina inter nos habitos maxime pertinere uideatur? nec enim minus ex his utilitatis, atque voluptatis, quam ex illis nos esse suscepturos speramus cum à nullo haecenus illae rectè obseruatæ, ac traditæ sint, maximeque quo ad ipsarum veras ichones, quas nemo profectò hucusque rectè & accurate cognouit. Quod quidem ex Cassia Aegyptiaca, quam vulgus medicorum, fistulam, aut solutiuiam vocat, Paliuro Achenei, quam ij Napca appellant, ex alcanna Auicennae scilicet ligustro Aegyptio, Cypro à nonnullis dicto: ex balsamo, Acatia, Lycio, Tamarisco, Faba Aegyptia, Strathiotæ, at-

A que

DE PLANTIS AEGYPTI

que alijs quamplurimis nostri temporis plantarū studiosis prorsus ignotis, plane est manifestū. Itaque Aegyptiarum plantarum sic ab omnibus desiderata historia, non est à te nunc silentio prætereūda. ALPIN. Posteaquam te has plātas, quas loca Aegyptia producant, tātoperè ex me audire delectat, cur ego tui obseruatissimus, tibi plane morem gerere non debeo? Illas igitur hac die, quoad potero diligentius, tibi omnes aperire tentabo, ac præterea quos hæc ad me dendum vsus apud eas gentes habeant. GVILAND. Nunquam equidem de plurima tua erga me humanitate, & beneuolentia dubitare potui. Quare nihil optatius, ac gratius mihi contingere poterat. Pluresque ideo nunc tibi gratias habeo: tuaque erga me hæc animi promptitudo esset nunc multis laudibus efferenda, quod mi nime faciam, ne summam tuam modestiam offendam. At hæc nunc omittamus, neque in his hodiernum tempus conteramus. Vbi itaque in viridarij huius amico recessu, quo Solis radij pertingere nequeunt, sub istac vmbra confedimus, vt plantarum illarum historiæ principium facias tempus suadet; ac primum ab arborum narratione exordiens, de cassia fistula agito.

De cassia fistula, Chaiarxambar vocata. Cap. II.

A L P I N V S.



CASSIA fistula, quam Aegyptij Chaiarxambar appellant, est arbor nucis, trunco, ramis, folijsque proxima, trūcus corticem habet planum, mollem, atque cineritium, qualis omnino in crescenti nuce spectatur. Folia multo plura quam in nuce, alæ adligata pendent, in alis folia decem spectantur: totque ex qualibet ferè ala pendere obseruantur, vtrinque ordinatim quinque posita; sunt etiam huiusce arboris folia nucis folijs duplo lōgiora, & in extremo aculeata. Flores fert aureos, multos, leucoijs proximos, sed multo maiores, numerosioresque, florum anagyridis instar, alæ adligatos, ac pēdentes; alę siquidē omnes innumeris ferme floribus onustę ac graues deorsum uergere cernuntur. sunt etiam hi valde odorati, præsertimque oriente Sole. Aegyptij diluculo per Cassiarum loca deambulare sapius odoris causa consueuerunt: quippe aura à cassijs, eximium ac gratissimum odorem spirantibus, ad ipsos delata, oblectantur. Apud illos enim florescentes

arbores

arbores aer matutinus perpetuò eximium, ac suauiore odorem redolet. Flos quilibet in medium multa capillamenta, tenuissima, rosarum flosculis similia habet, quæ paulatim crescentia, in crassiores fistulas postea mutantur. spectantur primo ipsa tenuissima obliqua, ac obtorta, deincepsque magis peraucta, crassiora euadunt, ac magis recta; tandemque iustam magnitudinem adepta, rectissima, ut Calami fiunt. Fistulæ maiores cannæ crassioris magnitudine spectantur, atque duorum ferè cubitorum longitudine. Arbor florere incipit mense Iunio, floret toto etiam mense Iulio Alexandria & Cayri. Pelusij vero nunc Damiatæ, cassias mense etiam Septembri florere vidi. Cannæ vel fistulæ toto anni spacio maturantur, totoque anno semper hæ in arbore manent, quas Aegyptij Iunio tantum mense Cayri colligunt, quo tempore multæ, parvæ, recenter ex primis floribus productæ virides spectantur, phaescolorum siliquis ualde similes: quæ paulo post crescentes, paulatim viridem colorem in nigrum commutant. Has recentes & paruas, virides aqua in primis ebullitas saccharo illi condiunt. Quarum sic conditarum ingès copia in varias regiones asportatur. Quæ Pelusij in arboribus leguntur, corticem habet crassiorem, & parum intus substantiæ obtinent. Cayrinæ uerò, & Alexandrinæ cortice constant tenuiori, multaque substantia intus plenæ, ex quo hæ cæteris omnibus bonitate præferuntur. Quæ, ut aliàs quoque dictum est, duplicis sunt differentia: etenim aliquæ aliæ subrubræ, quas Abes vocant, à colore illiusce gentis, cernuntur: quæ sunt omnium optimæ, & aliæ nigræ. Quod de cassijs aliqui dixere, optimas cannas manibus concussas sonum non edere, ibi planè falsum obseruatur, quando omnes recentes motæ sonum edant, atque etiam in arboribus cannas à uentis motas, seminibus intus motis, multū sonum edere quotidie propè eas habitantes, audiunt. Quod etiam dulces siliquæ faciunt, quæ uerò ex cassijs nō sonant, ab Aegyptijs vituperantur, opinātibus id ob aqueam humiditatem intus collectam, vitiata pulpa accidere. Neque immaturæ colliguntur, ut aliqui referunt. Emuntur vero sæpesæpius ab adueniis mercatoribus senio confectæ, cum ingens copia sæpè in ædibus ad eā rem paratis, annos ad vsque quadraginta adseruetur. Collectas enim ex arbore continuo in opportuna loca sic ij claudunt, ut nullus aer ingrediatur, cum ex minimo aeris contatu cassiæ corrumpantur. Hincq; sæpissime ad nos vetustatæ uitiatæ ac etiam acidæ mitti solent. quam ob rem rogatos esse uelim

DE PLANTIS AEGYPTI

omnes pharmacopolas, ac medicos, ne post hac se decipi sinant, & semper ex illis seligant recentes, quarum substantia subdulcis est, antiquasque acidum, ponticumque saporem sapientes effugiant. Aegyptij cassijs non utuntur recentibus, sed saltem post quartum mensem: quandoquidem iuniores, recentioresque inutiles neque à noxa immunes obseruantur. Utuntur uero, atque nostri quoque faciunt, fistularum pulpa uel in bolis, uel in potione, parata. Est hac pulpa quo ad calorem temperata, atque humida supra primum gradum, bilemque, ac etiam pituitam à stomacho, atque uenis mesenterij educit, & sanguinem calidiorem contemperat, atque puriorem reddit. Abissina uocata cœteris in urbe Cayri præfertur ad morbos biliosos, ac melancholicos, præcipueque in affectibus pectoris, à distillatione acutorum humorum concitatis, quibus mire subuenit. Pulpa hac cum saccharo candido, & liquiritia pro secreto uti solent ad renum, uesicæque uitia: renum enim extinguit immodicum calorem, humoresque ab his partibus abstergit, atque per urinam expellit: proinde ipsius frequenti usu homines se à calculis præcauent. Ea etiam utuntur ad tussim antiquam, dispnæam asthma, & orthopnæam cum agarico. pro calidis articulorum doloribus, maximeque in podagra, dolentibus partibus, emplastri modo ipsam adhibent, nec non ad calidas inflammationes eodem modo eius usum sequuntur. Siliquas uero cassiarû, proinde ac phaseoli paruas uirides in aqua prius parum ebullitas, & mox in umbra ab humiditate siccatas, saccharo, uel melle condiunt, atque ad usum seruant puerorum delicatarumque mulierum; exhibent uero ad summum eas usque ad vntias quatuor, & ad untiam in pueris. Hisque utuntur ad eosdem nuper dictos affectus. GVILAND. Placuit mihi hæc cassiarum historia, sed cupio ut tu mihi & cassiæ, & aliarum, quas obseruasti, plantarum figuram ostendas, quando te probe omnes delineasse, ac pinxisse certò sciam, quod nemo antea recte id nobis præstiterit. Quamobrem prius uisa cassiæ arboris ichone, alias plantas narrare mihi pergito.

CASSIA FISTULA, CHAIARXAMRAR.




De siliquis dulcibus, carub, ab Aegyptijs vocatis.


Cap. III.

A L P I N V S.

CASSIAE proxima est arbor carub, uel carnub ab Aegyptijs dicta, quæ cum in Aegypto nascatur, dicenda quoque à me erat. Arbor est nobis notissima, cum harum arborum in multis etiam Italiae locis multa sit copia, quales sunt, quæ in Neapolitano agro, & Apulia cernuntur: in ijs locis etenim copiosissimi aluntur. Ex hac arbore Aegyptij siliquarum tantum usum cognoscunt; Mel quidem ex ipsis extrahunt dulcissimum, quo Arabes sacchari loco, cassias solutiuas recentes ac paruas, zinzibere, mirabolanos, Tamarindos, atque alios multos fructus condiunt. Huius quoque mellis usus est frequentissimus uice ueri mellis ad Clysteres, & aliqui etiam per os sumendum concedunt ad subducendum aluum: ipso etenim aluus non minus quàm pulpa cassiæ ibi ad excretionem mouetur. Vtuntur etiam in rennm inflammationibus eo, intus extraque appposito. Ad tussientes, asthmaticos ipsum non secus, quàm cassiam exhibent, valdeque ipsos iuuat, nō minus decoctum ex siliquis paratum eadem hæc præstat. At modo de spina Aegyptia, acatia uocata, multis hætenus ignota loquamur. **G V I L A N D.** Nihil mihi carius esse nūc poterit, quante de hac planta dicentem audire, quem planè in illis locis eius ueritatem cognouisse scio.



SILITQVA DVLCIS CARVB,
& carnub uocata.



De Acacia Cap. 1111.

A L P I N V S.



CACIA, quam Sant Aegyptij appellant, in Aegypti locis à mare remotis nascitur: huiusq; arbores copiosissimæ in montibus Synai, pene rubrum mare positae proveniunt. Crescuntque ad mori magnitudinem, ramosque sursum latius expandentes; quod etiam Dioscorides admonuit,

nuit, dicens, arborem non in rectum se attollere. Caudex quanta est pruni magnitudo cernitur corticemque habet nigrum, asperum, multis acutissimis spinis munitum. Arborès, quæ in prædictis montibus spectantur, spinis albis horridissimæ existunt, asperrimoque Cortice truncus cernitur: Folia oblōga, parua minutissime incisa habet, tanacetum proxima. & Flores paruos, pallidos subflauos, atque etiā albos, rotundos, paruos lanæ floccos imitantes, platani fructibus forma planè similes, his tamen longe minores, & nihil aliud flos huiusce arboris uidetur, quàm mollis lanugo paruū rotundumque globulum efformans, non ingrati est odoris. Quæ Cayri aluntur, flores habent flauos uel pallidos, & quæ sunt in montibus Arabiæ, albos. Ex floribus siliquæ lupinorum amulæ proferuntur, ipsis ueruntamen minores, inprimis uirides, & mox nigrae apparent; quæ semina dulcium siliquarum seminibus sunt similia, & in siliquarum folliculis sunt conclusa. folia, flores, ac fructus gustum asperitate multa ac stipticitate feriunt. Ex immaturis siliquis, uiridibus succum expriment, quem coquunt, ut indurent. Nonnulli etiam ex folijs, floribus imperfectis succum parant, sed eo est hic bonitate inferior. Cayri Coriarij, ad denigrandas pelles multam copiam illiusce succi absumunt. Huius arboris mas atque foemina reperitur, Mas quidem spinis est horridus, fructus non edit. Femina spinis paucioribus, mollioribusque referta est, eaque intra ramos non habet, sed tantum extra. Quæ arbor est fecundissima, florereque orientibus Pleiadibus, Nouembrio Mense incipit, & rursum iisdem occidentibus; scilicet mense Martio. bisque in anno fructus fert, atque maturat. Sine dubio hanc arborem esse ueram antiquorum Acaciam, uel spinam Aegyptiam, ex notis affirmandum est: præcipueque quia nulla alia arbor spinosa in Aegypto reperitur, quæ magis notis acaciæ tributis respondeat, atque multo magis quod illi Kachiam quoque nominant. G V I L A N D. Hinc ego multos non possum non uehementer admirari, qui nesciant acaciæ uerum succum huc ex Aegypto quotidie comportari. Nunc enim pauci pharmacopolæ existunt Patauij, ac Venetijs, qui eum succum ignorent, quem Orientalem acatiam appellant, ad illiusce succi, quem multi pro acatia substituunt, differentiam, qui ex syluestribus prunis à quibusdam paratur. Neque minus etiam miror nonnullos, quod hanc plantam non à Clarissimorum Venetorum consulum medicis, uel pharmacopolis in Aegypto multos annos uersatis acceperint, potiusquam

ex Græcia, quam acatiæ feracem fuisse nemo antiquorum dixit, veluti multi, quod in Aegypto hæc planta viuat, spinam Aegyptiam ipsam nominarunt. Huiusmodi itaque plantæ genus nõ ex Græcia ut Andreas Mattheolus Bizantio se habuisse ait, in quo tamen non parum deceptus fuit, sed ab Aegypto foret petendum, in qua omnes scriptores acatiam copiosissime prouenire affirmarunt. Tibiq; acatiæ illam imaginem, quam Mattheolus pinsit, planè falsam esse notissimũ ex dictis puto. ALPIN. Aliud de acatia erit animaduertendum, quippe multos sic etiam errasse, ut putarint gummam, quam arborem hanc ferre multi meminerunt, apud nos utique nõ reperiri, neque ex Aegypto veram comportari, quod ipsam formam vermiculari constare Dioscorides prodiderit. Gummamque hanc, quàm falso Arabicam appellant, aiunt, esse similem potius aliarum arborum, quippe cerasorum, prunorum, persicorum, pomorum, pyrorumque gummis. Quare veram Arabicam, vel Aegyptiam, quæ in Caudice acatiæ arboris, ut scriptores herbarum prodiderunt, gignitur, nequaquam reperiri. GVILAND. Quid tu ea de re sentis? ego uero horum esse nugas puto. ALPIN. Hoc certe scio, me sæpissime hisce manibus Cayri in Viridarijs multis acatiæ arboribus refertis, ex ipsorum truncis multam collegisse: ac præsertim in Viridario propè eadẽ Veneti cõsulis posito, in quo sunt multæ arbores acatiæ; ex quibus Gūma manat, pace Dioscoridis dixerim, nõ tota, sed paucissima, quæ vermiculari forma spectetur, neq; tota alba, ac clara. Vno etenim colore, ac vna figura neutiq; omnes acatiæ arboris gumme spectantur. talemq; formam uel figuram accipit gumma, qualem motus succi è cortice manantis fit, nam interim ubi ad modum est crassus, non multum deorsum mouetur, sed statim ferè excretus coalescit, granosaque gumma tunc fit, tenuiore vero succo exeunte, multumque fluxili, aliquando oblongam gummam reddit. atque vno verbo dico, me vidisse gummas acatiarum, figura atque colore plerasque cerasarum prunorum ue gummis haud dissimiles. Præterea scies quoque, totam gummarum quantitatem, quæ ad nos ex Aegypto conuehitur, esse acatiæ arborum: quando nulla ibi arbor sit hac excepta, quæ gummas educat. Aegyptus siquidem ac Arabia, prunis, cerasis, pomis, atque alijs gummosis arboribus omnino caret. ex quo non ex alia, quàm ex acatia gummas Arabes ac Aegyptij colligunt. GVILAND. vera loqueris, sed dic quæso etiam eius medicos vsus, quos tu apud eam gentem probè obserua-

B sti?

DE PLANTIS AEGYPTI

fiti. A L P I N. Aegyptij acatię arboris utuntur succo, ex siliquis immaturis expresso, vel etiam ex floribus, folijs, uel ex fructibus etiam. Succus huius usus apud eos frequentissimus est ad oculos roborandos, atque ab inflammationibus, quę ibi sunt frequentissimę, tuendos: ad oris, auriumque omnia vlcera. nec non ad labiorum fissuras. ad dentes collabentes roborandos, atque firmandos. succo in puluerem redacto, postablutionem ex decocto eiusdem succi, vel foliorum vel florum parato, factam, vtuntur supra gingiuas asperso, ac eo dentibus confricatis. Sanguinem spuentibus dragmam singulomane aliquo liquore dissolutam, potandam offerunt, mirasque ad quamcumque sanguinis fluxionem firmandam semper vires habuisse apud eos cognitum est. Ego sepiissime hoc solo auxilio multas mulieres ab immodico vteri profluuiio penę mortuas reuixisse, atque sanatas fuisse certo scio. In ijs quidem, quę has immodicas patiuntur vacuationes, clysteribus ex acatię foliorum, florumque decocto paratis, in vterum iniectis vtuntur. atque etiam succo puluerizato, predicto cum decocto dissoluto, atque immisso. In alui fluxionibus eodem modo tũ clysteres frequentat, tũ per os succum feliciter exhibent. Ad anum, vterumque foras procidentę succo dissoluto cum foliorum, florumque decocto, nihil habent prestatius, ac frequentius, quo vtantur. Ad eos, qui ex quacumque causa articulos debiles habent, fomentum, ex iisdem omnibus paratũ pro presentaneo auxilio habent. neque immerito. cum acatię preualidissima adstringendi vi prædita sit. Omnes eius fomento vtuntur ad defendendos articulos ab humorum decursu. atque non minus in iisdem tumefactis; atque inflammatis, præsertim in principio dum humores adhuc in cursu existunt. Hincque usus ad podagricos dolores frequentissimus est, maximamque vim habet acatię, ut à podagricis incursum homines præseruet. Non desunt, qui ad ea mala non modo foris fomenti, uel balnei modo acatię utuntur, uerum etiam succi modicum per os sumere ante fluxionis tempus per aliquot dies consuecunt, ut ipsę internæ vię angustiores factę minus cursui humorum pareant. Aliqui, etiam ex succo acatię, atque aceto linimentum parant, ad liniendos articulos debilitatos, quo sanę mirifice eos roborant, ac firmanant. Multos noui recenter à podagra tentatos, vsu assiduo acatię planę conualuisse; qui singulis diebus per horam ad minus pedes in decoctum acatię calidum detinebant; eoque fomentabatur,

pedesque

pedesque absterfos linimento ex succo acatiæ, opobalsamo, aceto-
que parato etiam inungebant. Ad pudendorum, aliarumque debi-
lium partiū ulcera difficilia, succi aqua pluries loti poluerizati usus
est illis familiarissimus, decocto etiam utuntur, ad exsiccan-
das pustulas omnes, præsertimque Gallicas, sed deco-
ctum parant etiam cum modico ligni Guaiaci.

In pueris etiam ad acores in capite orientes,
& decocto, & pulvere utuntur, hic-
que acatiæ est usus apud eam
gentem nunc fre-
quentatus.



DE PLANTIS AEGYPTI

ACATIA, SANT, ET KAKIA.



De

De Paliuro Athenæi, Nabca appellato. Cap. V.

A L P I N V S.



ARBOR in Aegypto, quam illi Nabca dicunt, loti magnitudine spectatur, instar acatiæ spinosa, folia ferens iuiubæ proxima, ueruntamen latiora, & flores iuiubæ floribus quoq; planè similes, albos ac paruos, à quibus erumpunt pomula rotunda, odorata, dulcia, gustuiq; ualde suauia, cerasorum maiorum Marosticensium appellatorum æmula, quæ apud primates Aegyptios, ac Turcas sunt in magno pretio. Arbor bis in anno, scilicet vere, ac autumno floret, fructusque maturat, secundissimaque existit, ueruntamen uere fructus non perfecte maturant, nec, ut in Autumno perficiuntur, pleriq; enim ipsorum prius putrescunt, quàm matureseant. Autumno perfectissima ac optima euadunt.

G V I L A N D. Sine dubio hanc arborem esse paliurum & conorum olim ab Alexandrinis appellatum, Athenæi scriptis constat. De qua arbore sic in lib. 14. scripsit: Meminit de ijs Agathocles Cyzicenus his verbis libro historiarum patriæ tertio: Cum in sepulchrum fulmen irruisset, arbor ex tumulo pullulauit, quam illi conorum nominant. Est autem planta vlmī piceæque magnitudine, nihil que minor. Truncos habet frequentes, & oblongos, spinasque paulum prominentes: Folium est tenerum ac viride, phyeque simillimum. Fructum bis quotānis producit, vere scilicet, ac Autumno, qui dulcis est omnino, & oliuæ, oleastrique fructui similis. Carnem osque illi simile habet; at differt, succi voluptate, cuius fructus etiā viridis comeditur. **A L P I N.** Sine dubio puto prædictam arborem esse cannorum, siue paliurum eandem, quam Athenæus prodidit. etsi fructus osque non uideatur omnino similis Nabca fructui, ac ossi, quando ij similes pomis sint, ossaque rotunda, & non oblonga, qualia in oliuiis cernuntur existant. Nusquam tamen in Aegypto ex siccatis illis fructibus farinam fieri apud eos animaduerti. Sed precipuus vsus ipsorum est recē ium, ac viridum pro cibo. eis siquidem omnibus, atque nostris, cerasa mandere, consuetudo est. Sed nunc ad eius vsum in medicina explicandum transeamus.

G V I L A N D. Fructuum vsum esse videtur, Arabibusq; notissimus, de quo Serapio sic scripsit. Sadar dux sunt species, vna est

Affri,

Cap. 20.


”
”
”
”
”
”
”
”
”

DE PLANTIS AEGYPTI

„ Affri, & alia est adhal: sed affri non habet spinas acutas: & folia am-
 „ barum spetierum sunt lata, & rotunda: & nabuch ex adhel sunt par-
 „ ui: & meliores ex eis sunt illi, qui sunt ex ea regione, & offeruntur re-
 „ gibus: & sunt dulciores omnibus alijs: & melioris odoris, & aroma-
 „ tizant os comedentis, & indumenta, sicut alia aromata. Horum fru-
 „ ctuum facultas est frigida & sicca in primo gradu, perfecte maturi
 „ aliqualem habent humiditatem, sunt omnes adstringentes ante ma-
 „ turationem. quorum vsus frequens est ad stomachi aluiq; relaxatio-
 „ nem firmandam: ad quæ mala succum etiam ex ipsis immaturis ex-
 „ pressum, familiariter tum per os sumptum, tum Clysteribus iniectum
 „ sequuntur. vtuntur etiam ipsidem fructibus siccatis, atque in aqua in-
 „ fusis. aqua enim infusionis ipsorum vtuntur, ut dictum est, ad relaxa-
 „ tionem intestinorum, atque etiam ad ulcera intestinorum. Sed ma-
 „ turorum siccatorum decoctum, uel infusio familiarissima est ad om-
 „ nes pestiferas febres: aiunt enim hos fructus miram aduersus vene-
 „ nosas qualitates, & putredinem efficaciam habere, corq; strenue ro-
 „ borare. Succus perfecte maturorum optimus est ad purgandam bi-
 „ lem à stomacho, atque à primis ductibus venarum. In omnibus
 „ putridis febribus infusione ex ipsis parata libenter ad sedandum ca-
 „ lorem utuntur. Esui summe iucundi existunt hi fructus, præcipue-
 „ quæ maturi, tamen parum nutriunt, facileque, ut cerasa, in stoma-
 „ cho corrumpuntur, si immoderate ipsorum esui indulgeatur,
 „ stomachusque offenditur. GVILAND. Non desunt
 „ multi, qui (neque immeritò) inter iuiubas hanc
 „ arborē recensent, quo factum est, vt mirum
 „ non sit, aliquos etiam uiros doctissi-
 „ mos iuiubam paliurum esse vo-
 „ luisse. Sed arboris huius
 „ nunc detegas
 „ figuram.



NABCA PALIVRVS ATHENEI CREDITA



De Sycomoro Giomez vocata. Cap. VI.


A L P I N V S.

AR B O R vastissima ab Aegyptijs Giomez vocata, in Aegypto prouenit, quam nostri Sycomorum, ac ficum Aegyptiam appellant. Hanc proceram arborem in arenosis, sterilibusque Aegypti locis Natura sagacissima perduxit, sub qua possent homines ab iniuria radiorum ardentium solis aliquando se tueri. Maxima siquidem arbor est, ramosque sic latissime spargit, ut magnam umbram viatoribus præbeat, quæ in huiusmodi calidis locis, arenosis, ac ferè solis calore inflammatis, libenter expeti ab omnibus soleat. G V I L A N D. in lib. 2. de alim. facult. Galenus scripsit, se Alexandriæ Sycomorum uidisse parue ficui similem: quamobrem crescentis adhuc, iuuenisque Sycomori, & non adulti magnitudinem spectasse arbitror: quod tam grandem arborem, omnibus communem, ipse non animaduertit. Dioscorides melius ipsam describens, dixit. Sycomorum aliqui etiam sicaminum, idest morum uocant, cuius fructus Sycomorum, propter inefficacem gustum appellant. Arbor est magna, fico similis; frondosa, multo lacte abundans, folijs mori, pomum ter, aut quater anno fert, non ramis, ut ficus, sed caudice ipso caprifico non dissimile, dulcius grossis, sine granis interioribus: quod non maturescit, nisi ungue aut ferro sculpatur. A L P I N. Hæc descriptio ueram utique Sycomori figuram exprimit, sed ubi ait, folijs mori adderem crassioribus, candidioribus, atque asperioribus, quod hæc folia non nisi magnitudine ac forma, à ficus folijs differant. G V I L A N D. Vnde Aegyptij dicunt tantam hanc arborē habere cum fico & moro similitudinem, in qua utriusque figura spectatur? A L P I N. In sitionem fici supra morum plures illorum affirmant, ueluti Musam insitam quoque fuisse canem saccharū ferentis supra radicem colocassæ aliquibus est suatum: quod tamen nondum experientia verum esse didici. Sine dubio in hac arbore, truncus, rami, cortexque ipsorum, fructus, lac, foliorum asperitas, colorque fici apparet; & foliorum figura, magnitudo moro respondet. Fructusque tarde, neque perfecte maturescere, atque saporem aqueum & iucundum habere: hinc aiunt,

mori

mori frigiditarem impedire, quominus fructus perfectam maturationem consequantur. Hæc arbor, ut multi etiam meminerunt, sic est fecunda, ut nunquam multis fructibus careat, qui caudici adnascuntur, minimeque ramis, neque fructum hæc arbor producit, nisi prius multis verberibus sæpe laceretur, sic ut caudicis quoque cortex vulneretur, ex quibus uulneribus lac continuo exit, unde ramus parvus, ficus ferens interim ternos, interim qui nos, interim septenos, & plures etiam. Hæc arbor ex seminibus non nascitur, cum ficus seminibus careant, sed ramis insertis propagatur, estque ex ijs, quæ citò crescunt, diutissimeque, quod mirum uidetur, uiuunt. Quæpiam Sycomorus in Mattherea uisitur, quæ sic ab habitatoribus credita est antiqua, ut omnes pro certo habeant in illius trunci cauitate quadam olim Verginem beatissimam, iram Herodis Hierosolima fugientem, illuc se recepisse, & Christum puerulum Seruatorem nostrum per multos dies occultasse: ex quo ea arbor apud multos in multa est ueneratione, maximèque eius trunci meatus, qui Christum occultauit, quem ipsi Dei magni spiritum fuisse fatentur. Fabulosum est quod dicit Matthæolus, truncos ramosque huiusce arboris nunquam sicari, nisi prius in aqua proijciatur, & morentur aliquantulum. Vfus ficuum in cibo est stomacho nocuus, ipsumque laxat, labefactat atque subuertit. Eos uero ficus utiliter comedunt, qui uel itinere, uel sole incaluerint, refrigerationeque opus habent, & humectatione: fructus siquidem hi frigidi temperate existunt, multumque humidi. aluum facile lubricant, atque relaxant. tumores omnes calidos, atque duros ficubus emplastri modo vsi sanant. Pauci sunt, qui succum, ut meminit Dioscorid. ex trunco vulnerato colligant: affirmant tamè præsentaneum esse auxilium ad emolliendos scirrhosos tumores, atque ad pestem non ignobilem usum habere.

DE PLANTIS AEGYPTI
SYCOMORVS GIVMEZ APPELLATA.



SYCO

De

De Palma Dachel. Cap. VII.

A L P I N V S.

PALMA notissima est arbor non modo Aegyptijs, Arabibus, Syris, alijsquè orientalibus populis, sed Italiae quoque multis populis, de qua ob id paucis mihi agendum puto. Arbor est simplici caudice in rectum se attolens, uiginti passuum & amplius altitudine. Folia ensibus similia habet, deorsum cannarum modo decidentia. Vere floret. Ramus enim quodam inuolucro oblongo, vesicae modo, ad ver usque clauso, & tunc aperto praeditus, flores emittit paruos, albos, odoratos racematim deorsum ab inuolucro residentes, ac pendentes. Martio siquidem mense inuolucra illa suis alis adligata aperiuntur, è quibus globus florum infinitorum profilit, floresquè his filis, vel capillamentis appensi cernuntur, à quibus dactili parui virides, uuarum racemos immitantes producuntur, qui Autumno maturantur. Varij hi fructus inter se obseruatur magnitudine, figura & colore. Alij etenim oblongi magni, crassi, perinde ac pruna alba (quæ Iulio mense in agro Bassanensi maturantur) spectantur. Alij sunt parui, longi, glandibus quercuum similes, alij rotundi, crassi. Alij virides, alij albi, alij flauui, alijq; rubri, immaturi omnes gustu aspero styptico què feriunt, maturi dulcissimi, qui uero propè sunt, ut perfecte maturentur, gustum Castanearum, dulciorem, suauioremqùe reprehendant. Hæc arbor alternis tantum annis copiosiores fructus edit, neque (quod dictu valde mirabile videtur) foeminae concipiunt, ac fructificat, ni in ramis maris foeminæ ramos aliquis permiscuerit, ac se quasi osculari permiserit. Plerique foeminas ut foecundent, non ramos, sed puluerem intra maris inuolucrum inuentam supra foeminarum ramos, atque cor spargunt, vel alij flores maris pulueris loco spargere solent. ni enim Aegyptij hoc fecerint, sine dubio foeminae vel nullos fructus ferent, vel quos ferent, non retinebunt, neque hi maturescunt. G V I L A N. Haud credendam istam palmarum conceptionem, quæ fit arte à te narrata, arguere videntur innumeri dactili, qui in Arabiae desertis feruntur; in quibus syluestrium palmarum syluæ reperiuntur, quæ sine hominum cultu optimos fructus ac copiosos producunt, retinent, ac maturant, ex quo iudi-

DE PLANTIS AEGYPTI

co foeminas ad foecunditatem moueri non ramis, vel pulueribus, aut floribus marium, vt Plinius, atque alij quoque meminerunt, sed magis non secus quam aliae arbores radicum marium, atque foeminarum contactu facere solent, se ad foecunditatem parare.

A L P I N. Arabes palmarum cultus periti respondebunt, palmarum foecunditatem in Arabiæ desertis, licet arte non fiat (quando in his locis hae arbores, vt dictum est, sine vlla cultura fructus producant) adiuuare ventos, marium è ramis pulueres, floresque ad ramos foeminarum asportantes. Radicum vtriusque sexus palmarum mutuam coniunctionem esse conceptionis causam, dicendum non puto, quando sic breuioribus radicibus palmae omnes donatae sint, vt etsi ferè simul cohaereant, nullus tamen radicum contactus inter eas esse possit, mirabileque dictu, palmarum altissimos vastissimosque caudices seu truncos posse sic breuib, tenuioribus, paucioribusque radicibus in aerem subsistere, neque sua multa grauitate, ventisque etiam vehementibus saepe ipsos quatientibus humi concidere. Accedit, quod caudicis postrema pars humi proxima, pondus totius arboris sustinens multo gracilior, atque debiliior reliquo caudice existit. Hinc plures Aegyptiorum hoc miraculo ducti dixere, palmas non terra radicibus attracta, sed aere ex sublimiori arboris parte ali, ac viuere. quod hac etiam coniectura sibi ipsis persuadent. Quia si palmae sublimior pars, quam cor ipsi uocant, excidatur, vniuersam plantam ilico arescere obseruari: quod non accidit inferiori radicum concisa parte. Non est alia vlla arbor palma humano generi vtilior, siquidem ex truncis domorum trabes faciunt, ex ramis, parietes, multaque alia lignea vasa ad vsum, quae Cussaz nominant, ex folijs flabella & sportas, è caudicis cortice funes pro nauibus. fructuum verò vtilitas satis omnibus nota est. Sed quem ipsi ad medendum usum habeant, nunc quoque dicam. Ex fructibus tria sunt praecipue, quibus sanitatis gratia vtuntur, quippe spartum, puluis sparto, uel inuolucro contenta, atque dactili. sparti igitur membrana tum puluis facta vtuntur, tum ex ea parato decocto. Puluis maximum vsum habet per os sumpta ad Diarrhaeam, lienteriam atque dysenteriam, non minusque ad omnes alias vel sanguinis, vel alterius humoris innaturales vacuationes firmandas: praecipue verò ad hepaticum fluxum, hemorrohidum, atque vteri cruentam vacuationem, atque ad sputum sanguinis. Hoc puluere quoque vtuntur ad firmanda vlcera depascentia, ad vix relaxationem, ac ad denti-

commotionem. Decocto ad omnia prædicta quoque vtuntur, sed sæpe cum comisto prædicto puluere. articulos debiles aptosq; fluxionibus mirum in modum ipsum iuuat, eos firmando & roborando. Puluere vero albo in inuolucro veris tempore inuenta, quando scilicet palmæ florere incipiunt, vtuntur familiarissime, ad faucium raucedinem, tussim, & opthalmias cū saccharo misto. Estque ipse dulcis subadstringens, mulieres eum habent familiarissimum, ad firmandos menses retinēdumq; foetum. Eundem vtique vsum habent dactili immaturi tum in cibum vsitati, tum ipsorum decoctū, ad sputum sanguinis, & quācumq; sanguinis vacuationē cohibendā: & ad lienterias, diarrhæas, & dysenterias: ad uomitū sanguinis, hæmorrhoidas exiccandas, atque ad vlcera vulnera que simplicia persananda. in frequentissimo vsu ad nuper dictos affectus habent syrupum ex dactilis immaturis confectum. iisdem dactilis vtuntur probe maturis, qui tunc admodum dulces existūt, cum obscura adstrictione idcirco eos frequentant ad faucium raucitatem, tussim, dispnæam, pleuritim, ac peripneumoniam. nō minusque ipsorum decoctum frequentatur ad adiuuandas variolarum in pueris excretiones.


Vocant arborem Dachel, & ramum cui appensi sunt dactyli Samarrhich, dactylorumq; inuolucrum, dux, ac dactylum recenter enixum prorsus immaturum talla, & grandiore factum nim, & ramich perfectionem siue penè maturum, Maturumq; bellan.

Siccos maturos tamar, &
qui fere putridi sunt
rotob, foliaq; ar
boris Zaaf.



DE PLANTIS AEGYPTI

PALMA DACHEL.



PAL

De

A L P I N V S.




SEBESTEN arboris in Aegypto nascentis duplex genus reperitur, alterum sylvestre pruno simile, atque domesticum alterum folijs latioribus, crassioribus a seluestri differens. Vtraque arbor flores fert albos, paruos, geranii proximos, à quibus fructus crescunt paruis prunis rotundisq; similes. quorum nuclei tricostrati cernuntur. Illa arbor fert fructus minores, tarde maturescentes, imperfectiores, ijs, quos domestica Sebesten profert, qui sunt maiores, melioresque. toto autem anno in arbore fructus cernuntur. Vere florent, Autumnoque fructus maturant. ex pulpa ipsorum optimum uiscum conficiunt, quippe Sebesten maturos contundentes, atque lauantes. Sunt aliqui, qui mastichando, pulpam ab osse lingua expuentes, viscum parant; quantitatem horum fructum in uase collectam, parum quoad aqua humiditas absumatur, bullientes. Visco vtuntur omnes emplastri modo ad omnes scirrhosos tumores. ipse quidem calidus est in primo gradu, atque humidus in secundo, vimque habet attractoriam attenuatoriam, & resoluentem; resoluit omnes tumores, & emollit omnem duritiem. Aliqui ad tussim ex eo paratos bolos cum saccharo candido, & radicis liquiritiæ puluere multis diebus sumunt. Fructuum vsus familiarissimus est ad tussim, dyspneam, orthopneam, pleuritim, peripneumoniam; & ad vocis raucedinem, parato ex ipsis decocto, quo etiam ad multas febres uti confuescunt, præsertim pectore aliquam noxam patiente. Sed
nunc de Tamarisco
loquamur.



DE PLANTIS AEGYPTI
SEBESTEN DOMESTICA.





DE PLANTIS AEGYPTI

De Tamarisco, atle vocata. Cap. IX.

A L P I N V S.



TAMARICI, quem miricam & tamaricem Dioscorides nuncupat, sylvestris genus, Italiae est notissimum nasciturque propè fluminum ripas, aridaque & saxosa vel arenosa loca, potiusque apud stagnantes aquas, ut docuit Dioscorides. de hoc non loquimur, quando ipso Aegyptus plane careat. Alterum vero tamarici domesticum genus in Aegypto spectatur, proceritate figuraque admodum à sylvestri diuersum, quod ad magnae oliuae magnitudinem crescat. audioque etiam supra Aegyptum in loco sahit ab ijs populis vocato, crescere ad magnae quercus magnitudinem, cuius ex lignis carbones faciunt, quibus tota Aegyptus, & Arabia utitur. ex eoque ligno multa vasa conficiunt, ad multorum egrotantium usum. Folia fert sylvestris tamarici folijs proxima, tamen longiora, & graciliora, apparentque multa capillamenta viridia, qualia in aliquibus equisetis visuntur, ramo appensa, semper virentia, fructus fert paucos, raros, virides, nucum magnitudine, duros, lignosos, sine nucleo, & videntur eiusdem substantiae esse cum gallis: omnes uero figura inter se differunt, quamquam in omnibus aspera & inequalis obseruetur, quando alij longi, alij breues, alij rotundi, alij lati, alij crassi, alijque graciles existant. Vfus Tamarici tum in Aegypto, tum magis supra Aegyptum, ubi horum arborum copiosus est proventus, est ad ignem maior, quando nulla ferè alia ligna ad comburendum habeant. Folia huiusce arboris usum habent ad lienem induratum, obstructum, & refrigeratum. Vasaquè ex ligno, ut dictum est, conficiuntur, quo lienosi uti consuecunt: ob eiusquè multam, quae ex hoc ligno habetur, ad id morbi genus utilitatem, mirari non debemus si Plinius (quod tamen fabulosum est) dixerit, suos assuetos cibum capere in uasis è ligno tamarici confectis, liene carere. Mulieres decocto ex Cortice parato utuntur per os sumpto, ad sistendas menstruas purgationes, ex quo parant etiam infusiones, & clysteribus in uterum injiciunt decoctum. idem quoque fructus facere aiunt. ijs siquidem utuntur in sputo sanguinis, in lienterijs, & in mensruis plus iusto fluentibus, atque haemorrhoidarum

darum immodico flussu . dentes etiam commotos, atque collabentes ipsorum decocto firmant : atque in ijs concitatum dolorem demulcent . Utuntur etiam ad oculorum lippitudines incipientes , in colirijs, atque ad oris ulcera . Cinis quoque corticum & fructuum ulcera curat . De ligno uero multi decoctum, non secus quam nostri ex ligno Indo ad curandam luem gallicam facere soleant , parant , quod exhibent leprosis, scabiosis, atque alijs multis, pustulis & ulceribus affectis, feliciori cum successu.

Idemque faciunt in melancholicis, ictericis
nigris , & hydropicis ex refrigerato
obstructo , ac indurato liene
concitatis. arborem
illi uocant
Atle.



DE PLANTIS AEGYPTI
TAMARISCUS ATLE.



DE

A L P I N V S.



TAMARINDVS, quem derelside appellant, arbor est pruni magnitudine, ramis densis: myrthi folijs sesbā proximis prædita: flores fert albos mali aurācij floribus perquam similes, è quorum medio exeunt quatuor fila alba, & tenuissima, ex quibus siliquæ crassæ, producuntur primo uirides, tandem maturæ cineritiæ, quæ intus nō nulla semina crassa inæqualia, duraquē, atq; pulpam nigram gustui acidam, continent. In Aegypto non sunt admodum hæ arbores copiosæ, neq; sunt patriæ: ex scælici etenim Arabia atque Aethiopia illuc conuehuntur, in uiridarijsq; seruantur. Miraculi loco habetur, quod dicitur, unam arborem in deserto Diui Macharij, propè monasterium Assiriorum, viuere, in quo solo nulla alia planta uiuit. Hæc planta hoc mirabile habet, quod eius folia solem semper sequuntur, solisq; sequia dicuntur: nā ipso occidente omnia in se clauduntur, eodemq; oriente aperiantur, atq; hæc motio tantam uim habere in ijs obseruatur, ut siliquas dum habent occidente Sole, easdem folijs in se arctissime claudant, & retinere spectentur. eodemq; oriente, aperiantur, siliquasque relinquunt. Hanc foliorū conuersionē pluribus Aegyptijs alijs plantis communē animaduerti, quippe acatiæ, Abrus, abius, Sesbā, atq; Tamarindo. Vtuntur folijs Tamarindi in pueris ad uermes necandos, atq; etiam ipsorum uel infuso, uel decocto ad soluendū aluū. acida sunt folia atq; gustui non insuaui. Arabes cōdiūt siliquas seu cannas huius arboris paruas ac uirides saccharo, uel melle carnub, tū etiam grandiores factas atq; maturas. condiunt ipsarum pulpam saccharo, quam per itinera, quæ in desertis Africæ locis conficiūt, secū uiatores deferūt. Qua sæpe, calefacti, ac ex calore itinereq; inflāmati ualde sitientes refrigerantur, atq; sitim restingunt, per aluum plurimū calidorū humorū subducētes atq; vacuantes. In febribus uerò pestilentibus, atque omnibus alijs ex putridis, exurentibus, aquā, in qua multa copia Tamarindorum infusa fuerit cum saccharo ebibunt: potus si quidem sitientibus ex calore iucundissimus est, maximēq; refrigerat, & sitim extinguit. Ad omnes deniq; febres putridas à biliosis, exustisq; humoribus concitatas, & ad hepatisq; atq; renū calefactiones ac inflammationes, præterea ad gonorrhæam vsū Tamarindorum frequentant; vocant derelside.

DE PLANTIS AEGYPTI
TAMARINDVS DERELSIDE APPELLATA.



De Agihalid. Cap. XI.

A L P I N V S.

ARBOR cernitur in medio cuiusdam Eunuchi Turcæ uiridario, quod parum ab æde Veneti Consulis distat ex Aethiopia asportata, magnitudine piri sylvestris, ramis raris non multis, in rectum inæqualiter delatis, ordinatim acutissimis, multis spinis obsita, folia præferens buxi proxima, tamen latiora, pauca, rara, singula, bina æqualibus interstitijs adnata. Flores habet paruos, albos, Hyacinthi orientalis floribus similes, sed minores, à quibus prodeunt fructus nigri ebuli similes, gustu subamaros ac adstringentes. Folia gustum acido sapore feriunt, cū aliqua adstrictione. Huius arboris foliorum usum ad pueros vermibus vexatos, in Aethiopia audiui esse familiarissimum. Quid? an non licium hanc arborem esse putandum est, cum Dioscorides de hoc sic scripserit: Licium, quod aliqui pixacantham uocant, arbor est spinosa, ramis trium cubitorum, aut longioribus, folijs buxi, densis, fructu piperis, nigro, laui, amaro, densoque cortice, pallido, non dissimili lycio madefacto, radicibus multis obliquis lignosis.

G V I L A N D. Agihalid, ut ex tua descriptione, quam uidi, non frutex, sed arbor uidetur. Lycium vero fruticem potius esse, quam arborem, ex Dioscoride didicimus. Præterea hic frutex folijs densis

& non raris cernitur, qualia
in tuo agihalid
exsunt.

DE PLANTIS AEGYPTI

AGIAHALID.



De

De Vzeg; atque an sit Lycium indum. Cap. XII.

ALPINVS.

DEORTASSE arbor illa agihalid vocata, pro Lycio aspernanda non esset. Sed nunc verum Lycium Indum tibi prodam: quem fruticem longe ab Alexandria Ciuitate supra ripas rami Nili calig vocati, decem millia passuum inueni: quem incolæ Vzeg appellant. est igitur frutex multis famis rectissimis, ab radicibus multis, duris, lignosis oblique incedentibus, longitudine trium cubitorum & plus obseruatis, sursum assurgens, ramisque spinę acutissime, & longę multęque insunt, quorum quædam foliolis vestita spectantur. Folia vero huiusce fruticis sunt oliuę similia, ijs tamen candidiora & angustiora, vel minus lata. Flores Agihalid planè similes habet, quippe paruos albos, Hyacinthi orientalis forma & magnitudine æmulos: à quibus fructus nigri parui producuntur, bui fructibus prorsus similes, leues gustu amari & adstringentes. GVILAND. Cui dubium hanc arborem Lyciū Indicum fore iudicandum, modo Dioscoridi credendum sit, qui ipsum his profectò verbis descripserat, dicens: Tradunt Indicum fieri Lycium ex frutice Lonchitide appellato: id spinarum generi ascribitur, ramos rectos habens ternum cubitorum longitudine, maioresuè, rubo crassiores à radice numerosos. fractus cortex rubescit folio oleę similis. Ex huius fruticis radicibus forsitan verum succum à nobis desideratum illi colligunt, ipsumque pro vsu illis non deesse puto. ALPIN. Quamquam ibi multa copia Lycij circumferatur, tamen nescio an ex hoc illum frutice conficiant. quando neque hanc plātam copiose in Aegypto prouenire cognouerim, neque scio illis esse notā. Siquidem Lycium ab illis vsitatum falsum ac adulteratum esse arbitror. Hic enim succus, qui ex Arabiæ locis asportatur, durus est, nigerque exterius, acatię succo valde similis. fractus intus colorem aloes præferre videtur, odore obscuro, non ingrato, sapore subduci, adstringente, nullius amaritudinis particeps: viscosusque est, digitisque contrectatus adheret. ex quibus verus Lycius à me is non creditur, præsertimque cum neq; amaritudinem habeat, neque igne succensum, siue ignitum, rubescens edere spumam, ut multi de uero Lycio tradiderunt, obseruamus.


E GVIL.

DE PLANTIS AEGYPTI

G V I L. Sed cur tu verum succum ex Vzeg perquirere non studui-
sti, eaque via certam Lycij succi cognitionem venatus non es.
A L P I N. Hanc plantam tantum vbi in patriam redirem mihi spe-
ctasse contingit, quando ex vrbe Cayri Alexandriam per Nilum
flumen nauigans, propè hanc urbem supra eiusdem fluminis, vt iam
dictum est, ripas, nonnullòs frutices ferè sæpem facientes, cum flori-
bus & fructibus iam maturis inspexerim. Ex quibus ramum decer-
psi, atque mecum Alexandriam detuli. Quo frutice satis considera-
to, Lycium esse ipsum cognoui. neque ipso cognito tempus mihi su-
peruit ad experiendum eius succum à radicibus expressum. quippe
coactus, quamprimum Alexandriam peruenerim, nauim nos pro-
itinere ibi morantem conscendere, experiri non potui succum, qui
pro Lycio circumfertur. inter calidum & frigidum medium consti-
tuunt: sed supra primùm gradum siccum. stipticum, proinde omni-
bus vlceribus loto vtùtur, præsertimq; ad oris, aurium, narium, ani,
intestinatorumq; vlcera. vsus maximus est in colirijs ad opthalmias
arcendas, mulieres enim paratum linimentum ex Lycio. & antimo-
nio habent, quo quotidie oculos liniunt, vt oculos defendant ab hu-
morum fluxionibus. eo etiam illi ad ventris fluxum vtùtur, non mi-
nusq; ad dysenteriam. Ad sputum sanguinis eo maxima spe vtun-
tur, non minusq; ad vteri profluuium cohibendum, eo pessi modo
intromisso: ad vlceraque pudendorum, præsertim ad caries illum fre-
quentant, ad gingiuas corrosas & ulceratas, nec non ad dentium
commotionem. in lenterijs dysenterijs, atque in fluxu he-
patico, clysteribus eo vti consuescunt, atque non mi-
nus ipso aliquo liquore dissoluto atque ebibito.

Nulli dubium quod illitum quaecumq; par-
tem à cursu humorum valenter defen-
dit. ex quo ipsum podagricos do-
lores retardare, comper-
tum est. Vzeg ap-
pellant.

VZEG LYCIUM INDICVM CREDITVM.



DE PLANTIS AEGYPTI

De Ligustro Aegyptio, elhanne, vel tamarhendi vocato.

Cap. XIII.

G V I L A N D I N V S:



V IDISTI ne tu ibi ligustrum Aegyptium, quod Aegyptij elhanne, ac tamarhendi appellant. Ibi siquidem ipsorum maximum esse reditum audio. ALPIN. Sapissime inspexi, ibique ea arbor tum copiosissima, est, tum etiam omnibus notissima: etenim ex folijs magna ibi fiunt comercia, etenim ijs vtuntur ad tingendum aureo colore. Vere hæc arbor ligustro similis apparet, floribus fructibusque exceptis, in quibus videtur aliqua dissimilitudo inter elhanne, & ligustrum, nam & si flores racemarim perinde atque ligustra spargant, tamen & colore, & figura, & odore ab his differunt. florum siquidem elhanne non albus color, sed cineritius est, floresque figura sambuci floribus proximi apparent, illis tamen sunt minores. odor etiam elhanne est admodum acutus, & ligustri suavior. Fructibus non minus inter se differunt, quando ligustri sint baccae iuniperi similes, & elhanne semina rotunda coriãdros imitantia existant. Fert etiam folia ligustro minus lata, angustioraque & candidiora. Fructus, vt iam dixi, semina nigra, parua, multa folliculo concludunt, qualia in granis vuarum cernuntur. **G V I L A N D.** Quid? dubitas, esse hunc arbustum ligustrum? certe inter ligustrum, & hunc aliquam esse differentiam, negandum non est. quæ soli diuersitate etiam accidere posset; quando omnibus constet, quantum eedem plantæ in diuersis locis natæ inter se differant figura, atque etiam sæpe facultate. vt in rhabarbaro, & rhapontico videtur, quorum radices, visu, gustu, eadem videntur, nihilominus facultate manifeste differre compertum est. At de elhanne quanquam aliquo pacto fruticis figura, floribus, & fructibus à ligustro differat, tamen ad eosdem valere morbos cognitum est, quibus ligustrum subuenire Dioscorides, atque alij prodiderunt. sed quid plura? cum apertissime Dioscorides voluerit hanc arborem esse ligustrum. vt ex ipsius verbis planè constat, quæ hæc existunt. Ligustrum arbor est, quæ circum ramos folia fert oliuæ proxima, sed latiora, teneriora, & magis viridia

&

& flores albos muscosos, atque odoratos. eius fructus est niger sambuci fructui similis. Nascitur electissima in Ascalone & Canope. Folia adstrictoriam vim habent, quare commanducata vlceribus oris medentur, illita, feruidis inflammationibus, carbunculisque prosunt. decoctum eorundem igne ambusta, capillum ruffant trita folia, quæ in radicula succo maduerint. Flos ex aceto fronti illitus capitis dolorem sedat. Et de elhanne, quam Alcanna Auicennas vocat, hæc ferè eadem prodidit, dixit quidem, folia habere adstrictoriam facultatem, in vulneribusque eandem vim cum draconis sanguine habere, conferreque decoctum foliorum, calidis inflammationibus, & exustis ab igne particulis, & oris vlceribus: & cum aceto conferre capiti dolenti. ALPIN. Verè elhanne Aegyptiorum ligustrum esse Dioscoridis, constat, multo magis, quod nunquam in Aegypto Italicum ligustrum inueniatur, in Canopeque tantum elhanne reperiatur, quæ ibi est copiosissima. differt vero hic locus ab vrbe Alexandria decem millibus passuum. G V I L A N D. Hinc quoque apparet hanc arborem esse Cyprum Plinij, de quo ipse lib. naturalis historiae xxliij. sic scripsit: Ligustrum eadem arbor est, quæ in oriente Cypros, atque in Aegypto nasci etiam his verbis libro 12. Cyprus in Aegypto est arbor ziziphi foliis, semine Coriandri, flore candido, odorato. Coquitur hoc in oleo, premiturque postea, quod Cyprus vocatur. prætium ei in libras quinque optimum habetur è canopica in ripis Nili nata, secundum Ascalone Iudæ. Tertium Cypro Insula odoris suauitate. Quidam hanc esse arborem dicunt, quæ in Italia ligustrum vocatur. ALPIN. Flores sunt in vsu frequentissimo dolenti capiti appositi, non tamen cum aceto, vt Dioscorides, atque alij meminerunt. quod si fecissent, manifestius, vt arbitrarijs floribus iuuarentur, intus medicamenti vi aceto penetrationem adiuuante, deducta. Ex foliis puluerem conficiunt, quem archenda illi appellant. Hac mulieres vtuntur ornatus gratia, manus ac pedes colore aureo tingentes. non autem in succo lanariae, vel struthij, vt ait Dioscorides, sed simplici aqua eam miscentes, aquam auream faciunt, quæ aureo colore tingit, quod arcanum nostræ mulieres si agnouissent pro deaurandis ipsarum capillis, nil haberent, quo securius vterentur, neque sub radijs solis se urerent, varijsque modis caput læderent. ex hac puluere,

Cap. 10.


Cap. 24.

cum

DE PLANTIS AEGYPTI

cum aqua malsa parata vtuntur, ad humidos pedes fluxionibus obnoxios, ac multum exudantes foetentesque emplastri modo pedibus ipsis apposita, ac per horam retēta. maxime enim pedes, & quascumque alias partes corporis, apposita exsiccat, ac adstringit. Nihil habēt, quod exudantes pedes plus exiccet, quam prēdicta istaec malsa apposita, & aliquandiu retenta: puluere etiam hoc ad ulcera oris, gingiuarumque, & pudendorum maxime utuntur.

LIGVSTRVM AEGIPTVM ELHANNE SEV
Tamaharendi uel Alcanna Auicennæ.



De

De Balsamo, Balassan ab Aegyptijs vocato.

Cap. XIIII.

G V I L A N D I N V S.

NVNQVID balsami planta amplius in Aegypto viuit? ALPIN. Nequaquam, sed in Arabia scelici, quam Balsami feracem omnes tum Aegyptij, tum Arabes praedicant. GVILAND. Igitur Dioscorides, Theophrastus, Plinius, Iustinus atque alij ex antiquis scriptoribus permulti, qui Balsamum tantum in Aegypto & in Iudea olim vixisse prodiderunt, decepti sunt. ALPIN. Sine dubio illos non modo de loco Balsami patrio, sed etiam de arbore quoque, succo, fructibus atque aliis deceptos fuisse arbitror, ex quo etiam dubitandum esset ipsos balsami arborem uiuentem nusquam uidisse. GVILAND. Rem ualde admirabilem praedicas, de qua tibi non ita facile medici certam fidem adhibebunt; quaeso an non Dioscoridi, Teophrasto, Plinio, serapioni atque alijs grauissimis scriptoribus de Balsamo magis quam tibi credendum putas, qui in docenda herbarum stirpiumque materia, ceteris praeferruntur, ac fide digniores habentur? ALPIN. Etsi in dialogo olim Cayri co scripto Balsami veritate plane manifestam me reddidisse puto, nihi lominus quando me nunc vt veram Balsami historiam narrem prouocasti, vt tecum de ipsa colloquar, atque commententer effugere nunc non possim. quare iterum eadem, quae olim scripsi nunc repetere, cum res agatur tanti momenti, non me pigebit, & ne longius rem producam, dico. Arabiam felicem Balsami locum patrium perpetuo fuisse, ac nunquam Aegyptum, ac Iudeam Balsami terram patriam fuisse, facile hinc conijcitur, quod omnes, qui de planta Balsami mentionem fecerunt, eam in viridarijs solum custoditam, minimeq; in alijs incultis locis sponte natam, prodiderunt, vt Theophrastus, Plinius, Solinus & Strabo sigillatim meminerunt. Plinius ait: sed omnibus odoribus praefertur Balsamum vni terrae Iudae concessum, quondam in duobus tantum hortis, vtroque regio, altero iugerum viginti non amplius, altero pauciorum. & Strabo: de Balsamo Vallis Hierici scribens, dixit: Vbi & regia est, & Balsami viridarium, quae arbor aromatica est & fruticosa, cytiso
&

DE PLANTIS AEGYPTI

& terebintho persimilis. Nulli dubium est plantas peregrinas in viridariis tantū summa cura custodiri, & patrias nō solum in viridarijs vel hortis, sed multis alijs in incultis locis sponte natas obseruari. sed cur studeo tibi persuadere Balsami plantas in Iudea aduenas fuisse, cum Ioseph lib. 5. de antiquitatib. Iudaicis rem planè claram effecerit, qui ibi meminerit, Sabam reginam primam ex Arabia Balsami plantam in Iudeam dono Salomoni Regi tulisse; ex qua postea aliæ propagatæ fuerunt. De Balsamo Aegypti eadem dicenda sunt, cum eam plantam ibi in viridario prope locum el Mattharia vocato, summa diligentia perpetuò custoditam vixisse, omnium Aegyptiorum relatione liquido constet: quod omnes antiqui ac iuniores scriptores fatentur, minimeq; in alio Aegypti loco inculto vnquam viuere inuentam fuisse, nō semelq; ibi perijsse, atq; ex Arabia rursum asportatam insertamq; ac renouatam fuisse, omnes Cayrini affirmant. Anno à partu Virginis Beatissime MDLXXV. Aegypti præfectus Eunuchus Messinor nominatus, dum quasdam partes Aegypti uiseret, præsertimque el Mattharia, quem locum ob Virginis Beatissimæ honorem ac obseruantiam singulis hebdomadi die Veneris, quē diem isti, ac nos dominicum sanctificāt, adire ac uisere, in ipsoque loco orare consueuerat. proxime cum esset in viridario, videns omnes plantas Balsami exaruisse, ac perijsse è Meccha quadraginta plantas afferendas curauit, quæ sane in eodem viridario insertæ fuerunt, paucisque annis rursum curatorum negligentia periere. Quamobrem Aegyptii Balsamum semper ex Arabia habuerunt. quæ res scitu ibi non est difficilis, cum sæpius multi è Meccha per rubrum mare Cayrum veniant. Iter quidē à Cayro in Meccham est facillimum, & frequentatissimū. verum nō esset inutile nunc me historiam peregrinorum, qui annis singulis illa loca religionis causa, adeunt, atque uisitant, subnectere, sic enim certiora de loco, ex quo veniat nunc Balsamum, habere poteris. nec non vnde Rex Turcarum multum opobalsami habeat.

GVILAND. Perplacuit mihi ex te audiuisse Arabiam foelicem nunc, perpetuòque fuisse Balsami feracem, ex Aegyptiorum Arabumque testimonio. Quod uerissimum existimo, quando Dioscorides, Theophrastus, Plinius, Solinus, Serapio, Sethus, atque alij scriptum reliquerint, solum Aegypto ac Iudeæ fuisse olim Balsamum cōcessum. Quibus scriptoribus plena fides fortasse haud omnino, me iudice, erit adhibenda, cum permulti alij ex antiquis Arabiam

Arabia olim quoque Balsami feracem fuisse testatum reliquerint. Diodorus etenim Siculus in 2. libro suarum historiarum, Balsamum in quadam Valle Arabia nasci, & non alibi memoriae prodidit. & Strabo in 16. lib. Geograph. ait: His proxima est foelicissima Sabeorum terra, quae maxima natio est, apud hos thus & myrrha, & cinamomum nascitur, in ora etiam Balsamum, & alia quaedam herbula valde odorata, & Pausanias lib. 9. De Viperis vero ijs, quae in Arabia inter Balsami arbores versantur, diuersum quidem accepi. Sed cur nos magis Dioscoridi, Theophrasto, atq; aliis de Balsamo quam Aegyptiis & Arabibus propè Balsameta natis credere debemus, praecipue quia incertus sum illos vnquam viuentem Balsamum offendisse, ac inspexisse, & hi in Balsami locis nati (quando omnium cum priscorum, tum huius ætatis scriptis firmissime constet, Aegyptum Balsami plantas aluisse) quam facile potuerunt has plantas vidisse, ac vere agnouisse, à quibus cum constet Aegyptum has ex Arabia habuisse, cur amplius dubitabimus Arabiam esse patrium Balsami solum? quae res apud Aegyptios & Arabes demonstratione nulla opus habet, cum hi omnes certò sciant non modo superiori, sed praesenti quoque ætate Balsami innumeras plantas in Arabia adductas viuere, atque omnes, quas hactenus Aegyptus habuit, exinde exportatas & saepesæpius eo modo renouatas fuisse.

Apud me itaque amplius dubium non erit, Dioscoridem, atque alios Balsamum solo Aegypto, ac Iudæa concessum olim fuisse asserentes, plurimum deceptos, idque ex aliorum relatione magis, quàm ex vera scientia litteris prodidisse. Sed tu tamen ne obliuiscaris iam propositam peregrinorum Aegyptiorum historiam nunc recedere: quae mihi gratissima erit. **ALPIN.** In Arabia foelici ciuitas est primaria Meccha dicta, quae est ad mare rubrū sita: ab ipsaque altera Medina vocata, distat itinere octo dierum, in qua est sepulcrum Mahemetis ipsorum pseudoprophetae. ad quod singulis annis ex Aegypto duodecim vel quindecim millia peregrinorum se conferunt, sacrificaturi, & holocaustum oblaturi. His praeficitur Dux quidam, qui trecentorum militum praesidio illos omnes peregrinos Meccham, Medinamque conducat, & mox Cayrum reducat incolumes ab iniuriis Arabum, qui non raro in his desertis, eos inuadunt, & occidunt, ac depredantur. Viuunt enim Arabes hi rapina victum quaeritantes, suntque ferocissimi, atque audacissimi, habentque equos velocissimos, quibus vtantur, legemque sancitum etiā

F habent,

DE PLANTIS AEGYPTI

habent, ut alicubi nunquam consistere queant, sed continuo equitent, degentes subtentorijs. Peregrini itaque duce illo, quem Hamirag appellant, recta Meccham pergunt, deinde redeuntes proficiscuntur ad sepulchrum Medinæ, quod iter perficiunt diebus quadraginta: Medinæ & Mecchæ per alios viginti morantur. Turcarum Rex Medinam mittit duos præfectos, quorum alter sacris præest, & alter prophanis & militibus. Mecchæ vero, quæ Turcarum imperio non omnino obedit, præest quidam Arabum princeps, quem Seriph appellant, hoc nomine vocant omnes, qui à Mahemet oriundi sunt, & se illius cognatos scripto ostendunt. Habet hic princeps equitum armatorum decem millia, & viginti quoque millia peditum: quibus timens à Turca sibi hac itineris occasione insidias fieri, statim cū audit peregrinos ad sua loca appropinquare, recedit à Meccha & in montes se recepit, ubi usque dum abierint peregrini, moratur, quibus quotidie minatur, nisi discedant post viginti dies, se aquas intercepturum, quando aquæ omnes defluunt ex montibus. Mittit Rex Turcarum huic Seriph munera hæc, quippè chlamydè auratam, eiusq; filijs & fratribus centum & quinquaginta millia aureorum singulis annis, pro quibus muneribus ipse Regi Turcarum dono mittit quadringentas petias lineas Indicas subtilissimas, cuiusmodi esse bissum, de quo meminere sacræ litteræ, existimari potest. Amplius cum eo bisso mittit etiam Regi opobalsami tres quatuorve libras, & præfecto Cayri libram, atq; Hamirag peregrinorū semilibram. Sunt etiam alij duo duces siue Hamirag cum multis peregrinis, scilicet alter è Damasco, & alter ex Arabiæ foelicis locis, Meccham & Medinam uisitatum venientes, quibus omnibus donatum parum opobalsami. Postquam omnes Aegypti, Damasci, Arabiæque peregrini Meccha discedunt, ad montem quendam proficiscuntur, quem appellant Arafat, ad cuius radicem est locus, quem Maure vocant, ubi sacrificant in memoriam sacrificij, quod fecit Abraham, credentes illum esse locum sacrificij. In medio uero itinere, quod redeundo conficitur, mons est arenosus, in quo multas balsami plantas viuere affirmant, quas miraculo Mahemetis in sterili illo monte natas affirmant. Cæterum ne ex hac historia dubites, tantum opobalsami habere Seriph, scito, ibi à Seriph opobalsamum solere locari, soluuntque, ut audio, aliquot millia aureorū in singulis annis; & qui habent ab ipso conductum, quibus volunt vendit opobalsamum, atque hæc est historia de peregrinorum ad eas urbes itinere

inere, ut ex ea etiā scias unde ad Turcas tātum opobalsami accedat, atque vt etiā tuam hac de re retineas sententiam, quippè Arabiam foelicem esse proprium balsami solum, Aegyptum uero peregrinum. **G V I L A N D.** Quam gratissimum mihi fuit, ex te diligenter peregrinorum Aegyptiorum peregrinationis historiam audiuisse, nec non ex Arabia solum Regem Turcarum opobalsamum habere; nunc uero illius planta est à te describenda. **ALPIN.** Balsamum arbusculum est uiricosum, quod crescit ad altitudinem elhane, seu ligustri, uel cytisi, folia paucissima gerens rutæ proxima, non tamen, ut dicebat Dioscorides, ijs candidiora, sed potius lentisci folijs similia cernuntur, scilicet colore viridi, subalbido, perpetuoque virentia. Eius lignum gummosum, lenique apparet colore exterius subrubro, cuius ramuli eodem colore cōspicui sunt, longi, recti, graciles, paucis folijs inordinatim referti, foliaque simul terna, aut quina, aut septena alæ adnata aliquo pacto lentisci foliorum æmula. Sunt ramuli odorati, gummosi, digitisque contrectati eis tenaciter adhærentes. Flores fert paruos albos acatiæ floribus proximos, ternos singulis alis appēsos, quasi in umbellæ forma, summe odoratos, odor paululo temporis resoluitur, à quibus semina promanant flaua folliculis nigris subrubescenscentibus contēta, valde odorata, intusque humorem flauum melli persimilem habentia, sapore subamaro parumque acri linguam ferientia, opobalsamumque redolentia, terebinthi fructuum figuræ & magnitudinis æmula, extrema aculeata & me dium crassum obtinentia. opobalsamum æstate a scarificato cortice caudicis distillat, statimque eductum colore albescit, & postea in uiridem, tertio in aureum, atque demum melleum mutatur. stillatum etiam est clarum, quod mox turbatur, crassescit, & tertio tenuissimum atque clarissimum fit, tandemque senio confectum, vt terebinthina crassescit. olet in principio recentissime distillatum acutissimo atque eximio odore, quod multis capiti dolorem cōcitare solet, & aliquibus etiam sanguinem ex naribus promouere. odoris uero illa acuties ac vehementia ac in Zebet fit, tempore obtunditur, & gravior euadit, senio uero confectum uix sentitur in eo aliquis odor, & ob id Dioscorides dixerat inutile esse antiquum. Est etiam in principio leuissimum, & dilui facillimum, ita ut si in aqua uel lacte ex alto distillet, in imum uasis residere nō patiatur. clarum uero aureumque redditum, ac ab omni fece purgatissimum medio cri leuitate præditum est, ita vt instillatum in aqua, etsi fundum pe-

DE PLANTIS AEGYPTI

tat, tamen citò rursum in superficiem aquæ feratur, cum eaque ci-
 tò resoluatur. quæ omnia quo annosius, eo obscurius habet. Hinc-
 quæ meritò dicebat Dioscorides, optimum Balsami succum esse re-
 centem, validi odoris, syncerum, non ad acorem vergens, dilui faci-
 lem, læuem, adstringentem, ac modice mordentem gustū. **GVILAN.**
 Dubium in colore natum est, cum tu dixeris in primis opobalsamū
 statim eductum colore albescere, atque hunc colorem brevi tempo-
 re in viridem oleosum mutari, & mox in aureum, & tandem in mel-
 leum, & Dioscorides, quem tu haud negabis verum opobalsamum
 inspexisse, dixerit ipsum colore lactescere. **ALPIN.** Succum Balsa-
 mi in aqua instillatum & liquatum colorem lactis accipere Diosco-
 rides scriptum reliquit. quod verissimū est. quinimo hoc est signū in-
 separabile proprium, quod fidelius ostēdit verum succū balsami ab
 alijs vitiatis pro opobalsamo à multis receptis. Multa de opobalsa-
 mi synceri & adulterati notis, essent à nobis dicēda, nō minusq; de
 carpobalsamo, & xilobalsamo, de quibus medica mētis dubij sunt
 fere omnes recētiore medici, sed quia aliàs de his omnibus fusissi-
 me à nobis in Dialogo de Balsamo scriptum est, quæ omnia cum te
 iam pridem legisse & cōsiderasse, certo sciam, nolo tempus amplius
 in ijs cōsumere, sed sermonē nostrum ad alia traducere, proinde qui
 absolutam ac perfectam plātā, succi, fructuum, & uirgarum rationē
 audire, ac agnoscere cupiunt, dialogum illum legere nō grauentur,
 ad quem te quoq; pro alijs quæ de balsamo superessent, dicenda, re-
 mitto, Balsami plātam apud me viventē verissimam Iacobus Cōta-
 renus Senator Clariss. Ioannes Vothus nobilis Anglus, Fran. Ferre-
 rius Gallus, Ioachimus Iungermanus Germanus, Marcus Fenarius
 Venetus pharmacopola & plures alij viderūt, uerumq; etiam opo-
 balsamum ab eius foliorum alis dissectis instillauisse. quod multis
 maxime mirum fuit, cum aliàs Italiā hāc plātam habuisse, nusquā
 appareat. usus tamē in medicina, quos apud Aegyptios habeat opo-
 balsamum, carpobalsamum & xilobalsamum, tibi quoq; detegere,
 ac referre nunc conabor. ab opobalsami dotis desumpto principio.
GVILAND. Gal. paucos usus Balsami in medicina hinc nouisse
 putādū erit, quod ipse in lib. 6. de simpl. med. facult. omnium simpli-
 cium medicamentorum usus copiose docēdo, de balsamo nihil ad-
 hanc rem protulerit, ut ex eius his uerbis cōstat, Balsamum desiccatur
 & excalfacit secundo excessu. est autem tenuium partium adeo, ut
 odoratum sit. Sed liquor eius subtiliorum etiam partium est, quā
 ipsa

ipsa planta, non tamen adeo calidus, vt quidam existimant, tenuitate partium falsi. Porro fructus eius persimilis genere facultatis est, cæterum longè in subtilitate partium inferior. Sed age tu dic vsus illius apud Aegyptios frequentatos. ALPIN. Nullum certe ibi est medicamentum, quo magis, ac frequentius gens illa medendo vtatur, quàm opobalsamum, quod quidem illi fere ad omnes morbos, ac symptomata adhibent ad osq; maxime, qui vel ex simplici temperie frigida & humida, uel à frigidis humidisque succis, uel à uenenis, concitantur. summa cum laude eo utuntur ad omnia uulnera, quo mirifice curantur. quod ego experientia in Petro Mariano Veneto mercatore, in capite à Turcis nocte quapiam usq; ad os pessime lignis vulnerato, didici: balsamo siquidem inuncta ea uulnera per diem tantum, fere omnino coaluerunt, & eo quam paucissimis diebus; ut is testis esse potest, perfectè sanatus est: utuntur etiam ipso ad ulcera fordida, quæ eo mundantur, atque sanantur. In uenentis, & demorsis à serpentibus, atque ictis à scorpionibus tum epotum, tum illitum maxime iuuat. In peste, vt ab eius contagio defendantur, nihil maius habent, quo utilius & tutius utantur, singulis diebus eius semidragmam deglutientes. Multasque etiam putridas febres eo epoto illi sanant, largiori ab ipso erumpente sudore. In chronicis febribus à crudis frigidisque humoribus, obstructionibusque uiscerum, nihil utilius ac præstantius experiuntur, quam opobalsami binos scrupulos, uel dragmam per os quotidie exhibere, liberat enim ualenter uiscera ab obstructionibus, caloremque naturalem fouendo crudos humores concoquit, ac digerit. Hincq; eius usus ad omnes frigidos morbos, ac symptomata, apud eos est frequentissimus. Oculis uisum deperditum, atque auribus auditum instillatum restituit, auriumque dolores sanat. præterea ad conuulsos ex humiditate ac frigiditate, ad uertiginosos, epilepticos, resolutos, trementes, ad tussimque ex frigido humore, orthopnæam, & omnem spirandi difficultatem, pulmonum fluxiones, humiditates, & dolores, ad stomachique frigiditatem, cruditates, atque ad omnes flatuum molestias, ad uteri frigidam humidamque intemperiem, ad præfocationes, dolores, sterilitatem, albos, fluores, ad interceptam urinam ex frigiditate, flatu, uel lapidibus, ad calculosque in renibus ualenter frangendos, ac abstergendos, usus opobalsami est apud omnes illos populos notissimus, & ad hæc omnia mala præstatißimū illi auxiliū experiuntur. Mulieres uero Aegyptiæ steriles eo tum epoto tum
supposito,

DE PLANTIS AEGYPTI


supposito, tum suffito foeliciori successu saepe ad remouendam sterilitatem utuntur. Non minori in usu etiam habent, ad pulchram faciem efficiendam, quando eo ipsa illita à rugis defendatur. audio etiam aliquas eo ad conseruandam faciei pulchritudinem ac iuuentutem non inutiliter usas fuisse. GVILAND. Sed quomodo hæc illo ad conseruandam iuuentutem utuntur. hic enim usus quamquam in ore multorum sit, nihilominus a nullo id discere potui. ALPIN. Vt mulieres faciei cutem, dū iuuenes sunt, perpetuò conseruare possint, opobalsami usum in hunc modum sequuntur Balsamanda enim mulier (ut sic loquar) in balneum calidum in primis moratur quousq; multum incaluerit, quo tempore cutem opobalsamo multoties copiose illinit, à qua linitione per horam & amplius in balneo ualde calido, quousq; recte cutis opobalsamo imbibatur & arescat, morata, balneū egreditur, solitaq; munia exercet, permanetq; sic, facie atque pectore opobalsamo inuncta per tres ad minus dies, in quibus nunquam perunctam cutim abluit, uel mundat; ac tertia die ab inunctione rursus in balneum eodem iam dicto modo se confert, faciemque ac pectus ualde calefactum copioso opobalsamo multoties perungit: aliquæ sunt, quæ uel decies una die cutem inungunt, obseruantes commodum interuallum, quo recte cutis peruncta totum opobalsamum imbibat, atque paululum arescat, ut promptius succum intimius haurire queat. Quam opobalsami unctionem hoc modo præstitam multoties moliuntur; saltem diebus triginta. In quibus cutem nunquam lauant, uel mundant à quibus quindecim & etiam amplius, sic cute opobalsamo inuncta quiescunt, quousq; nihil liquoris ostēdat, probeq; ab eo siccata fuerit. quo tempore aqua fabarum stillatitia, prius ad eas partes præmissa modica olei amigdalarum amararum inunctione se lauant, cutemque multis diebus abstergunt. atq; hæc de uiribus opobalsami sint dicta. Semen atq; uirgarum quoq; recentium usus apud illos est familiaris. Eis siquidem ad omnia fere, ad quæ opobalsamo, utuntur. præsertimq; ad robur stomacho conciliandū, eius enim puluerem cū decocto specæ nardi, ad binas dragmas exhibent. idē præstat decoctū, quo maxime colorē naturalē fouent, augent, & roborant. utuntur & ipso in spirandi difficultate, tussi frigida, atque alijs morbis à frigidityte nascentibus. Vsum frequentissimū habet puluis, & decoctū ad humiditates uteri exsiccandas, eiusq; calorē uiuificandū. suffitū ex his frequentant ad morbos omnes uteri à causa frigida

frigida concitatos.eodem modo & ligni usus est.Succus enim,semina,ac lignum iisdem facultatibus donata sunt,ad eademq; usum habent.verū tamen opobalsamum efficacius potest, eoq; minus carpobalsamum, omniumq; minime xilobalsamum.at tempus est, vt finito hoc sermone, nos ad alias plantas narrandas transeamus.

G V I L. Istorum trium medicamentorū vsus omnes etiā Dioscorides, Auicenas, atq; alij multi præclarissimi medici docuerāt, ex quo mirum non est, si ijs adhibitis ad multa mala uoti compotes Aegyptij fiunt. Sed de Calaf tempus est vt loquaris, prius tamen balsami uera uisa ichone, quam à Peruis Bei tuo familiari amico Turca Sangia-ch receptū, aliàs ex te audiui, atq; ex tua uiuente planta describere potui sti.



DE PLANTIS AEGYPTI
BALSAMVM AB AEGYPTIIS BALESSAN.




A L P I N V S.



RBVSCVLVM fruticosum in Aegypto reperitur, quod mea quidem sententia, Salicis genus existit, nasciturque in locis humidis, foliis aliquatenus Salici proximis, sed multo maioribus; quippe longioribus, ac latioribus. Floresque eius sunt quidam globuli oblongi, albi, lanuginosi, caudici pene foliorum radices nascentes, quotaque in arbore folia existunt, tot flores emittit. crescit arbusculum hoc ad viticis magnitudinem ramis multis, siue stolonibus rectis: ex floribus, ut audio distillant aquam macahalef vocatam, quam insignes vires ad exsicandam putredinem, atque ad venena, & cor recreandum habere, illi praedicant. in febribusque pestilentibus ipsa pro secreto auxilio apud illos habetur. Aquam etiam, in qua multi flores infusi aliquandiu manserint, uel in qua ebullierint, exhibent ad dolores capitis, atque ad virium recreationem, quam & ipsam valide putredini ac venenis obsistere experti sunt. estque ipsorum decoctum, ac infusio in aqua parata, ad quoscumque febricitantes, apud illos in maximo usu.



C A L A F, E T B A N.



De Bon. Cap. XVI.

A L P I N V S.



ARBOREM uidi in uiridario Halybei Turce, cuius tu-
 ichonem nunc spectabis, ex qua semina illa ibi uulga-
 tima Bon, uel Ban appellata, producuntur: ex his omnes
 tum Aegyptij, tum Arabes parant decoctum uulga-
 timum, quod uini loco ipsi potant, uediturque in publicis oenopo-
 lijs, non secusquam apud nos uinum: illique ipsum uocant Cao-
 ua. Hæc semina ex foelici Arabia asportantur. Arbor, quam me in-
 spexisse dixi, euonomo similis obseruata est, sed tamen folia crassio-
 ra, durioraque habebat, uiridiora, perpetuoque uirentia. Vfus est il-
 lorum seminum omnibus notissimus, ad parandum iam dictum de-
 coctum, quod quo pacto ab illis paretur, aliàs à me dictum est,
 Utuntur tamen eius decocto ad roborandum ventriculum fri-
 gidiorem, adiuuandamque concoctionem, & non minus ad au-
 ferendas à visceribus obstructions; in tumoribusque hepatis
 lienisque frigidis, & antiquis obstructionibus, foeliciori cum suc-
 cessu decoctum multos dies experiuntur. Quod etiam utrum
 maxime respicere uidetur, ipsum enim excalfacit, obstructio-
 nesque ab eo aufert, sic enim in familiari usu est apud omnes
 Aegyptias, Arabasque mulieres, ut semper, dum fluunt menses, ip-
 sorum vacationem, huius decocti feruentis multum paulatim sor-
 billantes, adiuuent. ad promouendos etiam, in quibus suppressi
 sunt, usus huius decocti, purgato corpore multis diebus, utilissimus
 est. GVIL. Auicennas de his feminibus meminit, similesque uel eor-
 dem usus à te narratos de his feminibus memoriæ prodidit. ipsum-
 que semen calidum in tertio, & siccum in secundo gradu cōstituit,
 quod tamen verum non uidetur, quando semen sapore dulcescat,
 cum paucò amarore nullamque acrimoniam præferat. Nihilo-
 minus ipsum obstructionibus uiscerum, frigidisque tumoribus hepa-
 tis, vel lienis multum conferre docuit. Sed ait, stomacho nauseam
 concitare, pituitamque purgare, atque multa alia hæc semina præsta-
 re, experientia penes Aegyptios didici. atque hæc est arbor, quam
 Cayri olim inspexeram.



De Bahobab.

Cap.

XVII.

ALPINS.

BAHOBAB est fructus magnitudine mali citri, cucurbitaræ similis, intus semina nigra, dura, extremis in unum semine miarum quasi inclinantibus, & substantiam cucurbitarum, simile in habent, quæ in recentibus est humida, rubra, sapore acido

non

non ingrato; Fructus recenter ab arbore excisus, gustui admodum gratus est, in Aethiopiæ inflammatis locis, acido sapore, quem con-
temperant diuites saccharo, sitim valenter extinguit, multumque re-
frigerat. Ibi, vt audio, eo vtuntur ad omnes calidos affectus, febres-
que omnes putridas, præcipueque ad pestilentes, tum eius pulpam
cum saccharo comedentes, tum succum expressum cum saccharo
potantes, vel ex eo paratum syrupum accipiētes. Cayri etiam, quo
loco recens fructus non habetur, eius pulpa in puluerem parata ij
vtuntur, quæ est terra rubra, adstringenti, acidoque sapore gustum
feriens qualis in terra lemnia obseruatur: estque apud multos fami-
liarissimus illiusce terræ vsus ad pestiferas febres, tum ad spurum
sanguinis, ad lienteriam, dysenteriam, cruentumque hepaticum fluo-
rem, nec non ad uteri menses firmandos. alij eiusce terræ
in subtilissimum puluerem redactæ dragmam cum a-
qua plantaginis dissolutam, ad eadem exhibent,
alij decocto, alij infuso vtentes. Arborem
quæ hos fructus fert, vidi ego in quo-
dam viridario, folijs magni-
tudine ac figura, au-
rancijs valde
similes.



B A O B A B.




FRUCTVS

F R V C T V S B A O B A B.

Cap. XVII.

ANDINVS.



De

*De Gossipio arboreo, Götne Msegiar appellato.**Cap. XVIII.*

GVILANDINVS.

MVL TAM ne ibi gossipij copiam Aegyptij colligunt? Syria etenim, atque Cyprus huius plurimam copiam producit. ALPIN. Gossipium Aegyptij ad ipsorum vsus aliunde aduehunt, neque enim apud ipsos herbacea illa planta, ex qua Syri, uel Cypri Gossipium colligunt, adnascitur, sed tantum quæ arboreus frutex est, quæque in quibusdam tantum uiridarijs prouenit, pluribus annis uiuens, dissimilis ab herbacea tantum proceritate, caudicis, ramorum, atque foliorum figura. Crescit autem ad decem usque cubitorum altitudinem, stipite, ramisque duris lignosis. GVIL. Quid audio? arboreum Gossipiū ibi spectari? noua certe omnibus herbarijs planta, nusquam hætenus uisa, aut cognita. Sed dic quæso multæ ne ibi illius Gossypij plantæ nascuntur, ex quibus, queant usum illius usitatissimæ lanuginis explere? ALPIN. Pauca, & non nisi in uiridarijs, Gossipij arbores illæ spectantur, quæ eandem, quam herbaceum, ferunt lanuginem: quæ (ob modicam penes ipsos quantitatem) in usu non est, sed aliunde aduecta. Utuntur Aegyptij, linearum petiarum loco, quibus nostri tantum utuntur ad ulcera, uulneraque omnia sananda: quando lineis petijs, apud nostros ad uulnera ulceraque frequentata, illi non utantur. adhibent & ipsa, uti nostri faciunt, ad fluentē sanguinem sistendum. Seminum quoque mucylaginis usus est frequentissimus ad omnes febres exurentes, atque uenena erosionem uentriculo, & intestinis inferentia. Ad tussientes ex acrium, salsoꝝque humorum distillationibus, gossipij plurimus est apud eos usus. In Arabia ex hac xilini lanugine telas illas tenuissimas (quas sessa illi appellant, atque multis byssum antiquorum esse persuasum est) parant, quæ utique ob pulchritudinem ab omnibus comendantur.

GOSSIPIVM ARBOREVM GOTNEMSECIAR.



H

De

A L P I N V S.

GAYRI est frutex sarmentosus, qui sarmentis serpen-
do altius se extollit, folijs mali aurancij proximis, flo-
res albos, octonis folijs præditos, omnino similes vul-
garibus iesmini floribus, à quibus differunt numerosio-
ribus folijs, magnitudine odoreque præualidiori, ac suauiori. vsus
florum est magis ad ornatum corporis, quàm ad sanitatem. nihilo-
minus parant oleum, quo vtuntur mulieres in balneis ad vterum
calesciendum & laxandum, eius enim scirrhis tumoribus maxi-
me conferre expertæ sunt, vt partum etiam faciliorem reddant,
oleum hoc & bibunt calidum, & ipso liniunt extrinsecas uteri par-
tes. Vtuntur quoque eo exterius inungentes thoracis regionem,
tum per os ipsum calidum bibentes, ad tussim, anhelitusque difficul-
tatem, & ad pleuritim lethalem, in qua sputum maxima cum diffi-
cultate educitur, & ad peripneumoniam, atque ad dolores
vehementes stomachi, intestinorum, atq; vteri; Parant
hoc nostri vnguentarij ex dulcibus amygdalis
atque vel sesami feminibus, ex quibus
odore florum iesmini imbutis
oleum exprimunt val-
de odoratum.



SAMBAC LESMIN ARABIGVM.



A L P I N V S.

EST arbor sarmentosa, quæ crescit ad vitis magnitudinem, sarmentisque vitis modo extenditur, ac expanditur folijs, figuraque similis est omnino vulgari phaseolo, flores fert bis in anno, vere, ac autumnò, phaseolorum floribus aliquatenus similes, à quibus filiquæ longæ, instarque fabarum latissimæ cernuntur, quæ semina nigra phaseolis planè similia continent, quorum alia nigra, alia subrubra cernuntur. Hæc arbor uiuit annos centum, & amplius perpetuoque viret. Aegyptij phaseolos illos in cibo frequentant, nostrisque non minus gustui suaves existunt. Mulieres utuntur decocto cum croco ad excitandos menses. præterea utile est ad tussim, & dispnæam, & ad urinam suppressam mouendam.



PHASEOLVS NIGER LABLAB.



A L P I N V S.

HET etiam arbor fruticosa, sarmentosa, uolubilis, atque lahlab modo serpens, ac altius se extollens, latiusque se expandens, folijs derelside uel Tamirindi, planè similibus, sed longe minoribus: mouenturque etiam non secus, quam de tamarindi folijs dictum est, ad Solem: Occidente quippe Sole clauduntur, totaque clausa manent, quousque Sol denuo oriatur, quo tempore rursus aperiuntur. Flores audio ferre hanc arborem phaseolis proximos, atque siliquas, quæ in tus habent semina parua, rotunda, rubra, dura, phaseolis omnino similia: quæ quidem corallorum uniones, quas collo puellæ gesture solent, omnibus plane videntur. phaseolorum gustum & ipsa habent, quorum usus est ad cibum, ijsque Aegyptij in iure elixis uesci consueuerunt. Sunt vero cæteris omnibus difficiliora, ex quo stomacho maxime infestæ sunt, flatuq; multos concitant, & hypochondria cis valde noxia obseruantur, egerime que in stomacho concoquuntur, & prauum succum etiam generant.



A B R U S.



De

DE PLANTIS AEGYPTI

De Mauꝛ seu musa.

Cap.

XXII.

A L P I N V S.



AVZ arbor apud Aegyptios vocata, crescit in multis locis Aegypti, praesertimque Damiatæ, olim Pelusij, ad mali punici magnitudinem, sed ramis caret; nam instar cannæ folia sua spargit, quæ sic longissima sunt, & latissima, ut sex, septemque cubitorum in quibusdam uisa sit longitudo, & latitudo fere duorum. aiunt multi insitam hanc plantam olim fuisse cannæ saccharinæ supra culcassæ radicem, uereque imago utriusque in ea cernitur, longitudinem cannarum, & latitudinē culcassæ in folijs adepta perpetuo uiret, nunquam folia decidunt. Hæc planta fructus fert multos, paruis cucumeribus similes sed racematim multos appensos. Color ipsorum exterius aureus cernitur, corticesque suauissimum odorem, atque aromaticum spirant. substantiæ ipsorum cucumerorum persimilis aliquatenus existit, sed est tamen mollis, pinguis, lenta, dulcis, atque ad prime suavis, eam comedere assuetis, feminum, uel nucleorum experts. Stomachum grauat, difficulter concoquitur, multum nutrit, succumque crassum ac lētum generat, quo uiscera obstruuntur, praesertimque hepar: est tamen auxilio tussientibus, suspiriosisque ex calore factis. eiusque decocto utiliter utuntur, ad tussim ex calidorum humorum destillatione genitam, atque ad pleuræ & pulmonum inflammationem, atque ad renes inflammatos, & ad eos, qui mingunt difficulter. aiunt etiam fructum esum, uel decoctum assumptum, uenem augere. Fructuum cortices exiccatos multam uim habere ad roboranda omnia uiscera illi affirmant, cordique opem ferre ex ipsis paratum decoctum in aqua calaf. Vfusque huius decocti ad febres pestilētes apud eos dicitur valde utilis: puluerē quoque ipsorum corticum in cordis passionibus cū aqua calaf dissolutam epotāt. GVIL. Planta hæc Theophrasto sub nomine palmæ fuit nota, atque Serapioni, qui de ipsa ea, quæ ad hominum salutem ex te recitantur, eadem fere dixerunt. Neminem uero noui, qui, quod tu nunc ex Aegyptiorum relatione prodidisti, affirmarit, quippè hanc plantam ē canna saccharum gignente, supra radicem culcassæ insitam esse: quamquam folia longitudine atque latitudine, utriusque plantæ, foliorū imaginem referre uideantur, de qua hæc sufficiant.

MAVZ

M A V Z M V S A.


A L P I N V S.



DE ARBORIBUS

I De

SESBAN ibi frutex est myrthi magnitudine, folijs securidacæ, sed longioribus & angustioribus, ramos habens herbaceos teneros. flores fert croceos, anagyridis perquam similes, racematim multos ab ala vel ramulo pendentes, à quibus siliquæ longæ producuntur, sænugreco proximas, in quibus semina sunt etiam feminibus sænugreci non parum similia. His fruticibus Aegyptij utuntur ad sepes texendas pro agrorum distinctione. semina hos in medicina usus habere noui, etenim aiunt, humentem stomachum siccare, roborare, & ipforum quoque usum tum in decocto, tum in puluere affectant ad cohibendum quemcumque alui fluxum, atque non minus ad menstruorum immoderata profluua sistenda, ex ipsis insignem vtilitatem experiuntur: & ut vno verbo dicam, in omnibus vacuationibus, firmandis illorum seminum vsu, habent frequentissimum.



S E S B A N.



DE PLANTIS AEGYPTI


De Sophera. Cap. XXIIII.

A L P I N V S.

SOPHERA est planta fruticosa cubitalis altitudinis, galegæ proxima, duris ramis, folijs myrthi, tenuioribus multis, vtrinque ordinatim a se appensis: flores fert croceos, cassiæ florum æmulos, inodorous; ex quibus siliquæ parvæ promanant, quatuor aut quinque semina habentes, Sesban plane similia. Aiunt semina esse uenenum hominibus.



SOPHERA.



DE PLANTIS AEGYPTI

De Beidelsar.

Cap. XXV.

ALPINS.



BEIDELSAR nascitur in humidis locis prope Alexandriam in ramo Nili Calig vocato, & Cayri in loco prope el Mattharia fere perpetuò humida, ac fere palustris, ex aqua Nili ibi diu manente. est planta herbaea, fruticosa, multis stolonibus ab radice rectis sursum ad duorum ferè cubitorum altitudinem se extollens, folijs latis oblongis, rotundis, ut Aloes folia, crassis, & candidis, ex quibus dissectis lac album manat, totaque planta lacte abundat. flores fert croceos ranunculi floribus proximos, à quibus loco fructuum duo testes inuicem adligati pendent, satis hominis testibus persimiles, in quibus alba lanugo & semina parua, lata, lactucae seminum emula continentur. Folijs contusis, tum crudis, tum in aqua coctis utuntur emplastri modo in frigidis tumoribus, & doloribus. ex lanugine parant cubilia, quibus utuntur. Utuntur etiam ea ad excipiendum ignem ex filice excussum, tanquam esca, ac pabulo. tota planta lacte calidissimo, ac exurenti scatet, quem plures in quibusdam uasis colligunt ad expilanda coria, ea siquidem in eo lacte si aliquo tempore maneant, pilis nudantur. Lac quoque siccatum praestantius corpora soluit, atque dysentericos fluxus etiam lethales facit. Est etiam praestantissimum remedium ad impetiginem curandam, & ad plures alias cutis infectiones sanandas, eo si inungantur partes.




BEIDELSAR.



FRUCTVS

DE PLANTIS AEGYPTI
FRUCTVS BEIDEL SAR.



De

De *Achaouan abiat*, idest *artemisia alba*. Cap. XXVI.

A L P I N V S.

NASCITVR Cayri in locis multis quædam planta fruticosa, ramis densa, quæ trium cubitorum vsque ad altitudinem assurgit, folijs artemisiæ intus nigris, atque extra candidis, tota planta lanuginosa, seu hirsuta, floresque fert umbellæ modo, multos, aureos, senecioni proximos. qui tandem in pappum degenerant. flores, foliaque sunt parum odorata, sapore subdulci cum aliqua stipticitate. hanc volunt multi ipsorum esse Achaouam maiorem ac albam, quippe artemisiæ speciem, ex quo ipsi eam appellant Achaouam el chebit abiat; Quam plantam nostri temporis herbarij alij cinerariam, alij Iacobæam marinam, vocant. Aegyptij ea ad multa vtuntur, quippe decoctum ex folijs paratum ad renum, vesicæque calculos pollere aiunt, nec non ad sanandas viscerum antiquas obstructions, præfertimque ad vteri obstructions, frigiditatem, strangulationem, sterilitatem, inflationem, atque ad menses interceptos reuocandos, proinde paratis ex folijs, floribusque in aqua in seffionibus mulieres hystericæ maxime iuuantur. GVIL.

Noua quidem est planta. Antiquis incognita, nisi sub arthemisiæ specie quis ipsam reponat.



K ACHAOUAN

DE PLANTIS AEGYPTI

ACHAOVANABIAT.



De

A L P I N V S .

BAMMIA est planta ad altheæ magnitudinem . folijs floribusque malvæ , aureis tamen , à quibus fructus fiunt , similes quibusdam paruulis cucumeribus , qui semina parva , subnigra , rotunda continent . quæ apud illam gentem ad cibos in usu existunt . ex quibus seminibus non secus quàm nostri ex phaseolis , pisissis , alijsque leguminibus fercula parant . Frequentissimeque his ferculis uestuntur plerumque in iure carniū paratis . folia , fructusque frigidos esse , & humidos in primo gradu aiunt , habereque vim ipsos resoluentem , ac emollientem . proinde pectori ac pulmonibus conuenire , ventrem emollire , atque lubricum reddere . fomenti uel emplastri modo folia apposita inflammationes resoluunt ; dolores mitigant , tumores emolliunt , concoquunt , ac ad suppurationem suppurandos mouent . Mulieres ad uteri duritiem , tum fomenti , tum emplastris tum in sessionibus ex folijs ac fructibus procuratis , multa cum utilitate vtuntur . in renum uerò inflammatione , & calculis , ex ijsdem paratum decoctum per os cum saccharo candido sumptum aliquibus diebus , pro selectissimo auxilio habent . ad ophtalmias etiam finita fluxione decoctum colirij modo frequentant , atque cum eo fomentare latus dolentem in pleuriticis solent .



DE PLANTIS AEGYPTI


BAMMIA.



A L P I N V S.

MELOCHIA est herba blito persimilis, folia tamen angustiora, longiora, acutiora, habens flores. eius sunt parui, crocei, leucoris minoribus, e quibus semina parua, nigra melanthio proxima, in quædam obliqua cornua conclusa, producuntur. semina sunt in maximo apud eos vsu ad omnes affectus, quibus semina altheæ conducere compertum est. nam melochia facultate planè similis altheæ videtur: proinde ad suppurandos vel concoquendos, resoluendos, atque emolliendos tumores duos, eius maximus usus est. habet etiam maiorem visciditatem eius mucilago, quam althea. In cibis nihil est ipsa Aegyptijs familiarius, uel gratius: decoquunt enim in aqua uel iure carniū, ut nos betam elixare solemus. Conuiuia carentia melochiæ ferculis ab his parum reputantur. cibus quidem illis populis melochia est familiarissimus, ex quo multi tamen male se habent, nam parum nutrit, & succum viscidum gignit, ex quo in difficiles obstructiones viscerum, qui eam in cibo frequentant, incurrunt, nihilominus melochiam in cibis non omittunt, præcipueque viscosiorem mucilaginem facientem, auide omnes esitant. Est tamen totius plantæ, uel maxime foliorum decoctum pectori amicum, ipsum enim humectat, ex quo siccis, asperisque tusibus præsentaneum cum saccharo candido est auxilium. atque ægre spirantibus. Semina quoque pondere duarum drachmarum sumpta copiosissime purgant omnes humores.

MELOCHIA.



De Zatarendi.


Cap.

XXIX.

A L P I N V S .

VOcant ii quendam herbam Zatarendi (quod ex India illuc eō portetur) parum crescentem, foliis crassis, rotūdis, ac albis, succo plenis, multū odoratis, quæ neque flores, neq; fructus edit . quā multi, ut origanum, siccata pro obsonio comedunt. Audio apud multos ad tussim, spirandique difficultatem, & ad prouocandam vrinam, ac menstruas purgationes in vsu esse.

Z A T A R E N D I .



De

DE PLANTIS AEGYPTI


De pipere longo.

Cap. XXX.

A L P I N V S.

EST quedā herba in viridarijs quibusdā custodita, iunci foliis, sed crassioribus, è quibus sectis succus quidā flavus manat, valde acris, ac exurens, totaq; planta est calida in quarto gradu, magis quàm piper exurens. Ea vtuntur emplastri modo apposita, ad coxendicis dolorem, nec non ad frigidos articulorum dolores, corrigunt vero nimium eius calorem oleo rosaceo, vel myrthino.

F E L F E L T A V I L.




A B S V S.

De *Absus*. Capit.

XXXI.

A L P I N V S.

EST etiam quædam herbula crescens palmi magnitudine, vel aliquâto maior, folijs trifolijs, sed rotundioribus, quaternis singulæ alæ appensis. Flores paruos, albos, & semina piri seminibus proxima ferens. quam Aegyptij *Absus* vocant.



L De

DE PLANTIS AEGYPTI

De Sefamo seu Sempfen.


Cap. XXXII.

A L P I N V S.



SEMPSEN, à nostris sesamum, planta est vnius caul-
lis recti, se ad vnius cubiti altitudinem extollens, folijs
densis ordinatis totum caulem vestientibus, solatro
proximis, floribus albis paruis, à quibus filiquæ produ-
cuntur quadricostatæ, parvæ, semina flaua, lini similia continent
quæ gustui dulcia existunt. ex quibus oleum, quod siris appellant il-
li, quod ad cibos in frequentissimo vsu est, maioriq̃ue pretio, quàm
oliuarum oleum ibi venditur. Folia, semina, & oleum ferè eiusdem
facultatis esse experiuntur, quippè calidæ temperatæ, atque humi-
dæ ad secundū gradum accedentis, resoluentis, & emollientis. Plan-
tæ decocto utuntur ad ophthalmias resoluēdas, fomenti modo ocu-
lis adhibito. atque ad tussim, anhelitusque difficultatem, pleuriti-
dem, peripneumoniam, & tumores duros scirrhosos; mulieres pro
uteri duritie infestationes, ex plāta, feminibusque cum modico mel-
lis paratas frequentant: eodem ad cutis vitia vtuntur, quippe ad
furfures capitis, liuoresque faciei, & nigrores ex sanguine congela-
to exortos, calido fomenti modo saepe apposito. ex planta & fe-
minibus in aqua concoctis cum modico mellis emplastra ad tu-
mores scirrhosos, atque ad exsiccatos nervos parant, quibus utiliter
semper vti solent: quæ etiam ad combustas partes utiliter fre-
quentant, non minusquam ad calidas inflammationes resoluē-
das, uel suppurandas. decoctum etiam inclysteribus ad colicos do-
lorcs, & ad emolliendam aluum affectant. Mulieres ad mouendas
menstruas purgationes, decoctum ac infusum in aqua paratum pro
secreto auxilio habent. neque sua spe hæ, quibus præcrassitie san-
guinis, venarumque uteri obstructione menses non veniunt, fru-
strantur. Seminis ad cibum usus est antiquatus apud omnes Aeg-
ypti accolæ, pauci tamen est nutrimenti, sed alimentum unctuo-
sum ac crassum præbet. ex quo, quamobrem ipsorum frequenti esu
mulieres impinguescant, facile deprehenditur. quæ vero ipsarum
corpora pinguefieri cupiant, semina à cortice mundata come-
dunt plus pinguefacit oleum ex feminibus expressum, omnium-
que maxime fex olei thaine ab illis uocata. Oleum facemque eius
bibere,

bibere, adhuc ut impinguescant, mulieres in balneis familiarissimū habent. Oleo etiam ad multa alia Aegyptij uti consueuerunt, quippe ad cutis pustulas, asperitatem, ac omnem defedationem ex humore melācholico concitatam, tum epoto, tum in cibis frequentato, uel ipso affectis partibus inūctis. Secretum apud quosdā auxilium est, ad cutis pruritus abolendos, eius quatuor untias multis diebus bibendam exhiberi. eo etiam ij utuntur, ad anhelitus difficultatem, pleuritim desperatam, in qua nihil expuunt ægroti, atque ad peripneumoniam. necnon ad mouendos menses, atque ad uehementes stomachi, intestinorum, uterique dolorum cruciatus demulcendos, intus, extraque præstito. **GVILAND.** tibi gratias multas habeo, qui mihi huiusce plantæ tot tantasq; utilitates medicas ab ea gente compertas dixeris, quas dignas auribus uestrorum quoque medicorum censeo, quando non solis Aegyptijs hæc manifesta fuerint, sed multi alij præclarissimi medici eadē fere in posterum memorię prodiderint, ut est Rasis, Auicenas, Haly, Serapio, atque alij. Sed nunc restat, ut plantæ ichonem spectemus, & an ea sit, quam aliqui pinxerunt, qui in illa dubij ex Theophrasti lectione decepti uidentur. hanc plantam sempsem appellant.



DE PLANTIS AEGYPTI

S E M P S E M S E S A M V M.



A L P I N V S.

NULLA planta Aegyptijs colocassia, quam illi Culcas vocant, est magis nota, neque magis in usu, quando omnes radices huius plantę in iure coctas, atque alijs multis modis in cibis paratas assidue esitēt. Nō secusquā nostrī rapas. agri colocassijs pleni ibi spectantur, atque quod mirabilius uidetur, nemo illorum aliquam ipsarum plantarum floribus, uel fructibus usquam p̄ditam uidit. Ego ex innumeris illis uiuentibus à me sepe inspectis, nullam unquam florentem uidere aut cum aliquo fructu, uel aliquo caule, potui. Ex quo dubitandum uideretur, eam plantam esse Gręcorum fabam Aegyptiam. planta hæc ibi spectatur folijs nenupharis, longioribus, ari proximis, sine caule, flore, atque fructu: eius radix magna, crassā chinę radicibus similis cernitur, sapore subamaro acri cum aliqua uiscositate, quæ cocta dulcescit. quotidie passim toto anni tempore per urbem innumerę radices uenduntur, uiliori pretio. Hinc sanè multum semper miratus sum, Dioscoridem, Aegyptiam fabam flores, atque fructus ferre, & eam item colocassiam esse prodidisse. Quam plantam quoque eo nomine Aegyptij nomināt, quippe culcas. Quam nusquam floruisse, nullumque fructum dedisse neque vidi, neque aliquem uidisse unquā audiui: cuius litem relinquo alijs libentisfime dirimendam. Eam tum crudam, tum coctam libentissime ueneri indulgentes mandunt, tum quia putant semen multum gignere, tum libidinem preualide mouere.



DE PLANTIS AEGYPTI
CVLCAS FABA AEGYPTIA.



De Loto Aegyptio Nuphar vocata. Cap. XXXIIII.

ALPINS.

PROXIMO de Colocassia cognito errore, hic alius à nobis de Loto Aegyptio animaduertitur, quando hæc planta planè eadem sit, quam nostri nympheam, atque Arabes Nuphar appellât. In toto quidem flumine Nilo Aegyptia loca lambente nulla alia planta est inuenta quæ notas loti præferat, quàm nympha ipsa, quæ profecto planta similis est, ut de Loto affirmat Dioscorides, Colocassia, seu Fabæ Aegyptiæ, floremque fert album (loquor de maiori nympha) lilio valde similem, quam clarius expressit Theophrastus, qui dixit. & flos candidus, lilijs foliorum angustia proximus; uerè enim hic maioris nymphæ flos est, qui Sole occidente clauditur, atque sub aqua occultatur, atque Oriente supra aquam assurgit, & foras exit, aperiturque. Quod non modo in Aegypto, verum in multis Italiæ locis in hac planta obseruatur, maximeque in locis omnibus circum Venetias lacunosis uel palustribus. Valles siquidem Margheræ, ac Mestri plurimas has plâtas ferunt, in quibus quisque quod à Theophrasto, Dioscoride, atque alijs multis de Loto dicitur, planè obseruari potest. Et quid? non ne etiam ex flore caput producit, papauerorum capitibus valde simile? in quo semina multa minuta, qualia uere milij existunt, continentur, radixque crassa est? Nō possum non vehementer admirari Theophrastum, Dioscoridemque, atq; alios, qui omnes à nympha, distinctissimis capitibus lotum Aegyptium seiunxerint, quando utraque vnum atque idem planè sit, & mirandæ ad solem conuersiones de loto celebratæ eadem sint, quæ in communi nympha ab omnibus animaduertitur. Ipsa enim Occidente Sole florem claudit, deinde tota cum folijs sub aqua occultatur, eoque oriente, florè primo extra aquam demittit, aperit, atque paulo post cum omnibus folijs supra ipsam assurgit. Aegyptij caules crudos cum suis capitibus per æstatis calores mādunt: subdulces enim sunt, atque humidi, ad modumque refrigerant & humectant, quos appellant Razelnil.

GVILAND. Miror equidem non parum Plinij diligentiam, qui hæc scripserit. Mirum est quod præter hæc traditur. sole occi-

Lib. 13. c.
17. & 18.

dente

DE PLANTIS AEGYPTI

„ dente, papauera ea comprimi, & integri folijs. Ad ortum autem ap-
 „ riri donec maturefcant, flosque, qui est candidus, decidat. Hoc
 „ amplius in Euphrate tradunt, & scapum ipsum, & florem uespera
 „ mergi usque in medias noctes, totumque abire in altum, ut ne di-
 „ missa quidem manu, possit inueniri. Verti deinde, paulatimque
 „ subrigi, & ad exortum solis emergere extra aquam, ac florem pate
 „ facere, atque etiamnum exurgere ut planè ab aqua absit altè. quan-
 do in communi, vt tu dixti, nymphaea pene locum Marghera ap-
 pellatum, in stagnantibus aquis dulcibus, isthæc omnia planè ob-
 seruentur, atque propè Mestrim ciuitatè in omnibus illis conualli-
 bus. Ad Nymphaeæ uel loti Aegyptii medicos vsus populis cogni-
 tos nunc prodeas. **ALPIN.** Vtuntur floribus & folijs contusis ad
 omnes calidas inflammationes, atque etiam succo, præsertimque
 ad demulcèdos dolores, a calida causa obortos, lacte atq; oleo ro-
 faceo misto, eodèque itidè modo oleo, quod ex floribus parât ad
 calidos dolores, inflammationes, exustiones, ulcera, & dolores ca-
 piti in febricitâtibus, uigilijs, tum exterius folia cõtusa applicant,
 tum eius succo cum oleo & aceto frontem & tempora, illiniunt. ad
 conciliandum somnum syrupum ex eo paratum frequentant, at-
 que tum seminum, tum radicis puluerem egrotis cum eius decocto
 exhibent. Vfus radicis, seminumq; secreti loco habetur apud mul-
 tos, ad gonorrhæam, & in mulieribus ad album profluuium firman-
 dum, & ad dysenteriam. Multi uero ab huius plantæ usu cauèt, eius
 loco alia sequentes, eo timore ne eis coeundi tum desiderium,
 tum vires minuantur. apud eos etenim omnes cõpertum est vsum
 seminum, atque radicis homines reddere ad venerem valde frigi-
 dos, ac tardos. Hinc vsum hunc multos ibi sanctos heremitas sequi
 audio, vt facilius uitam Cælibem ducere queant. sed iam ad papy-
 rum sermo à nobis conuertendus est, quando hæc planta quoque
 in Nilo flumine nascatur. Verum quoniam omnia de hac planta
 tum ad cognitionem, tum ad vsum pertinentia te in Plinij capi-
 tis de papyro commentario (quod papyrus vocasti) planè prose-
 cutum fuisse scio, paucis de ea mihi nunc agendum puto.

De Stratiote, Haibalem maoui vocato. Cap. XXV.

ALPINVS.



PELVSIUM nunc Damiata vocata, ciuitas in Aegypti humiliori solo posita est. quo fit, vt Nilo flumine ad eam perlabente (quod pene ipsam spacio quinque millia passuum in mare mediterraneū euomit) largius eius solum inundatur, & ad libitum irrigatur. Hincque multa xtiore atque amoenissima, quam in toto Aegypto reperiantur prope hanc urbem, viridaria cassijs, limonibus, musis, vitibus confita, atque inter se more Italico fossis (quæ alibi in toto Aegypto nusquam reperiantur) aqua fluminis decurrente plenis, distincta spectantur. In illis itaque fossis quæpiam herba copiose prouenit, aquæ lenticulæ palustris modo supernatans, sine caule, folijs Cynoglossi, breuioribus, latioribus, densioribus, durioribus, hirsutioribusque ac albidioribus, à quibus pro radicibus exigua ac rara quedam lanugo pender. Quæ planta maiori sedo, vel semperuiuo est similis; Quam appellant Hayhalem elmaoui, quasi dixerint aquosum sedum. Nullo odore est referta, eo excepto, quem ab aqua accipit. sapore tamen adstringenti, ac sicco linguam ferit, non secus quam acacia faciat. Ad eadem ipsa mala ij vtuntur, quibus plantaginem conducere compertum est. Ex quo mulieres rusticæ, quas Pedoui vocant, ad sistendam sanguinis eruptionem ex utero, atque alijs partibus, eius decoctum, vel succum, vel puluerem per os quotidie ad drachmę pondus sumunt. Rustici quoque ad vulnera sananda folijs cõtusis superpositis vtuntur, mirificeque ea sanant. eamque frigidam vsque ad primum gradum, & siccam supra secundum illies se arbitrantur. **G V I L A N D.** Hanc plantam verum esse Stratiotem antiquorum existimo, de qua Dioscorides hæc nobis prodiderat: Stratiotes in aquis nascens, aliquibus fluuiatilis Stratiotes nuncupatur; Aegyptijs Tibus, Magis Aeluri sanguis. Aquis supernatat, & sine radice viuit, vnde cognomen traxit. Herba semperuiuo similis, ni maiora haberet folia. Ad eademque mala, ad quæ ea Aegyptios nunc vt dixisti, prestare Dioscor. etiam scribit, Itaque non erit dubitandum hanc herbam esse stratiotem. Quod

Lib. 4.
cap. 108

”

”

”

”


Lib. 24.
cap. 18.

M clarius

DE PLANTIS AEGYPTI


clarius Plinius demonstrasse hisce verbis etiam visus est. Celebratur autem & à Græcis Stratiotis, sed ea in Aegypto tantum, & in udatone Nili nascitur, aizoo similis, ni maiora haberet folia. ALPIN. Verum loqueris. Sed ad alia transeundum est.

HAYHALEM ELMAOVI IDEST
Stratiotes.



STRA-

STRATIOTES AVERSIS FOLIIS.



DE PLANTIS AEGYPTI

De Papyro Berd vocata. Cap. XXXVI.

A L P I N V S.



PAPYRVS, quem berd Aegyptij nominant, est planta fluminis Nili, binis aut pluribus caulibus rectissimis supra aquam sex, septemue cubitibus assurgens. Cauliumque in fastigijs scapus inumeris capillamentis, longis, rectisque contextus, cernitur. Folijs quoque constat multis rectis, ensiformis, triangularibus, ac mollibus. Chyrurgi oliorum medulla vtuntur ad vlcerum ora dilatanda. Ex scapi- que combusto cinere, recentia vlcera curant. qui etiam maligna augeri (si saepe aspergatur) non finit. Ex scapis recentibus aquam distillant, ad oculorum suffusiones, caligines, ac obscuritates maxime proficuum.



PAPYRVS BVRDI.




CYPERVS

De

A L P I N V S.

CYPERVS rotundus, quem Aegyptij vocant hodie, in Nilo flumine, atque in pluribus Aegypti lacubus vel locis palustribus, copiosissimus peruenit porra is folijs, longioribus tamē atque exilioribus, cauleque cubitali, anguloso, in cuius cacumine sunt folia aliqua stellæ modo radiantia, ē quibus spicæ aliquæ procedunt herbacei coloris semina continentes: radices sunt nigrae, rotundae, magnæ, oliuæ crassitie spectantur, multæque uni radices capillamento appensæ simul coherentes, odoratæ, atque acuti saporis, Hæ calefaciunt, exsiccant sine mordacitate, incidunt, attenuant, oraque uenarum aperiunt. Apud Aegyptios maximos ad medicinam vsus habent, præcipueque ad vlcera oris, & pudendorum sananda familiarissimum ipsarum tum puluis, tum combustarum cinis, est remedium. ex ipsis paratum decoctum uel puluis stomachum, cerebrum, pulmones, yterum, nervos, articulos, aliquibus diebus sumpta plurimum calfacit, siccant, roboratque naturalem calorem: ex quo omnibus morbis à cerebri tum frigida humidaque temperie, tum frigidorum humorum distillatione concitatis, hæ efficacissimum sunt auxilium: non minusque stomachi cruditatibus, humiditatibus, flatibus, anhelitusque difficultati, orthopnæe, tussi. nec non hystericeis omnibus mulieribus ex frigido humidoque utero effectis, aliisque morbis, ab iisdem uteri causis abortis articulorum doloribus. Familiare satis remedium ad suppressos menses eas esse ibi expertū est. nam menses efficacissime reuocant. Decocto ac puluere ad frangendum tum in renibus, tum in uesica lapidem, ac ad prouocandā urinam frequentissime illi utuntur, quod etiā non minus in omnibus cronicis febribus, ac alijs diuturnis morbis frequentant.



CYPERVS

CYPERVS HODVEG.



DE PLANTIS AEGYPTI

De Chatè, Abdellau, & batecha el nau.

Cap. XXXVIII.

A L P I N V S.



N vſu habent Aegyptij genus quodam cucumerorum Chatè vocatum. quæ planta à communi cucumere alia quidem re non differt, niſi magnitudine, colore, & mollitie, quando Cucumis Aegyptia folia habeat minora, albiora, molliora, atque rotundiora, fruſtusque producit admodum à noſtratibus differentes, quando his longiores, viridiores ſint, ac cortice plano molli, equali ſpectentur. guſtuique ſunt dulciores, atque concoctu faciliores. Horum vſum corporibus in cibo iſtis tum crudis, tum coctis veſcētibus, ſalubrem eſſe apud omnes eorum locorum incolæ creditur. Medici aliqui ibi nonnullis febricitantibus crudos etiam mandendos concedunt, præſertimque peſti affectis, quibus cucumeres hos crudos eſitatos ſumme conducere omnibus (neſcio qua ratione) perſuaſum ſit. Coctos in ardentibus febribus, vtilis eſſe ratione confirmatur, quando refrigerent, atque humectent. In renum & veſicæ calidis morbis, cum lacte coctos cucumeres multis diebus non ſine multa vtilitate in cibo ſequuntur. lac etiam iſſorum ſeminum pro iſſdem malis per os ſumere sæpe ſolent. ad oculorum vero, aliarumque partium calidas inflammationes pulpa contuſa cucumerorum lacti miſta vtuntur. Et ad ſedandos podagricos dolores à cauſa calida concitatos, ſuccum lacte oleoque roſaceo miſtum, partes liniendo, ſequuntur. Stillatitiâ aquam ad libram ad iecoris caliditatem corrigendam & ad ſanandos renes tum inflammatos, tum à calculis vexatos multis diebus egrotos bibere conſulunt, quibus iſſam ſatis iſſ conſerre experientia compertum eſt. ſunt aliqui, qui ad hæc eadem mala aqua ſtillatitiâ lacti eorundem cucumerorum ſeminum miſta, vti ſolent. ex Melonibus etiam quosdam à noſtratibus planè diuerſos Aegyptij habent, quos Abdellau iuocant, ad differentiam aliorum, quos etiam Chaiar nominant. quorum vſus ad cibum haud multum iucundus percipitur, ceterisque omnibus inſipidiores ac molliori pulpa obſeruantur. Habent tamen ſemina, quæ alijs omnibus

nibus longè magis ad refrigerandum præstare putant. Quæ de re, omnes ea plus alijs in usu frequentiori habent, aliorum melonum semina parui facientes. Planta nostratibus non multum differt, sed fructus fert oblongos, acutos, extrema, & medium valde crassum habentes, Bahobab nuper narratis fructibus proximos. Habent etiã Angurias à nostratibus non nisi magnitudine quoad aspectũ differentes: nostris quidem maiores, cortice flaviore, quæ intus semina tantum, & aquam dulcissimam continent. Quam ad sitim arcendam, caloremque multum in stomacho, uel hepate, vel renibus corrigendum largius epotant. Ad febres nonminns arduentes, & tertianas, usus illiusce aquæ summopere laudatur, atque ab his frequetatur. Sunt qui distillatione aquam tenuiorem ad siticulosos, stomachos biliosos, ad iecur renesque calidos, & à calculis uexatos, eliciunt, quam certe ij multæ utilitatis esse experiuntur. Turcæ Aegyptij, Arabesque lasciuiores vitam agentes, per æstatis summos calores, harum anguriarum aquam in potu frequentant, eiq; aliqui modicũ aquæ rosacæ, moschi, atq; ambræ miscent. His Aduenas honorare consuetudo Aegyptiis est, eas scilicet edendas obferentes. Illas per annum in paleis incorruptas conseruant: aliquandoq; sic cariiori pretio ibi ad egrotos vèduntur, ut vnã argenteo aureo venditam cognouerim. Sic vero eius aqua diuretica est, ut ipsius usum assidue sequentibus, hernias, ad testes de fluxa, incredibili magnitudine, facere soleat. hinc ibi plures herniosos spectare licet.

...



DE PLANTIS AEGYPTI

C H A T E .



ABDELAVI.



DE PLANTIS AEGYPTI

De Achaouan, seu parthenio inodoro: Cap. XXXIX.

A L P I N V S.



CHAOVAN, est planta herbacea camomelo proxima, quæ tamen non adeo alta extollitur, sed parum supra terram latius expanditur, folijs parthenij, minoribus ac densioribus, floribusque camomeli æmulis. Herba saporis odorisque expers percipitur, sed flores odorem grauem, per obscurumque spirant. Florum, foliorumque decoctum in usu habent ad tollendas viscerum obstructions, præsertimque ad Ictericos. **GVILANDINVS**. Si

sapor acutus in hac planta sentiretur, cotula Serapionis, sine dubio esset.

ALPINVS Hæque plantæ existunt, quas Aegypti patrias esse obseruare potui.



ACHAOVAN

ACHAOVAN PARTHENIVM INODORVM.



De Neiemelsalib sine gramine Crucis.

Cap. XL.


A L P I N V S.

GRAMEN quoddam nascitur exile, radicibus serpens
 albis, geniculatis, dulcibus, cum aliqua acrimonia, cō
 muni gramine proximis, digiti altitudine, geniculati,
 ramulis assurgens, folijs communi gramine similibus
 sed minoribus, ramuli habent quatuor spicas, Ischami, uel grami-
 nis

DE PLANTIS AEGYPTI

nis sanguinarij similes, perfectam crucem figurantes, quam aequae omnes vno modo formant: ex quo ipsum Aegyptij neiem eluocant quasi dixerint, gramen crucis, in quibus fiunt semina minutissima feminibus communibus graminis similia. Maximum usum semina apud omnes habent ad eos scilicet, qui tum renum, tum vesicae calculis laborant, atque ad frangendos lapides in vesica coactos. Quod genus morbi ibi est familiarissimum, & quasi endimium, ex causis alias narratis. Mulieres radicis decoctum tum ad pueros variolis, atque morbillis correptos maxime sequuntur, tum ad seipsas, ubi cupiunt interceptas menstruas purgationes rursus euocare. Sunt aliqui, qui pro secreto auxilio habent decoctum, ex seminibus modice contusis paratum, ad adiuuanda exanthemata in febribus pestilentibus, quas peticulas nostri appellant. Ad usum quoque vulnerum & ulcerum, non paruum apud eos, tota herba, praecipue radices, habent usum.

Aiunt radicem frigidam atque siccam esse,
tenuissimarumque partium. Quamobrem non desunt multi, qui ad mouendum sudorem eius decocto familiarissime vtuntur.



MEIEM

MEIEM EL MSALIB.



De Meliloto Aegyptio Alchimelech vocato.
 Cap. XLI.

A L P I N U S.

MELILOTVS, quo Aegyptij utuntur, semen minutum est rotundū, subnigrum, declinans ad rubrum, odoris nō omnino expers, sapore stiptico cum aliquo amaro. Planta, quæ ipsum producit, est parua herba supram terram expansa, modice repens, ferè nihil, aut paruum in altum se attolens, folijs trifolij filiquosi, minoribus tamen, floribusque paruis

DE PLANTIS AEGYPTI

uis multis, longis, racemi modo ordinatis, croceis, odoratis, à quibus promanât siliquæ, parvæ, obliquæ, semē quale dictū est, continētes. Huius plantæ semina tantū apud illos in vsu existunt. Quæ putāt ij quoad calorē & frigiditatē esse temperata, sed siccare, resolvere, ac stipticitate roborare, ex quo ad hepatis tumores ipsorum vsus apud illos est frequentissimus: quoniam sine aliqua relaxatione digerit, & resoluit. Ad omnes quoque dolores, quascumque corporis partes occupantes, fomentis ex ipsorum decocto vtuntur, maxime ad pleuritim, peripneumoniam, & ad hepatis, coli, & ventriculi dolorem. quibus dolore vexatis, ipsorum decoctum ad librā bis in die calidum bibunt. Mulieres quoque vteri strangulationibus, flatibus, ac doloribus eo subueniunt, præsertimque ex eo etiā in fessionibus paratis. quæ etiam fœnugreci, liniq; seminibus, paratæ, & camomeli floribus, efficacius ad illius, & aliarum partium duros tumores administrātur, atque ad euocandos menses retentos. Ad roborandum ventriculum, & aperiendas obstructions venarum decocto summe proficue vtuntur. **G V I L.** Nunc ex te verum esse intelligo, apud Arabes meliloti vsum esse seminum, quæ admodum Græci non semina, sed flores in vsum admittunt. An vero hæc planta verus sit melilotus, aut potius ea, quam nostri

lotum vrbānum, atq; fertulam campanam (quæ est planta, magna fruticosa) appellant, aliàs declarabimus, huic enim disputationi hic non videtur esse locus. Ego tamen hoc tantum dico, me libentius Aegyptiorum opinioni declinaturum.

Sed Ichonem nunc

apponito.



ALCHI-

ALCHIMELECH, IDEST MELILOTVS.



De Kellù, psyllio, Melanthio, cappare, urtica, solano, somnifero,
coriandro, ocymo, hyosciamo albo, conyza, nuce
methela, Secamone. Cap. XLII.

A L P I N V S.

R O P R I I S Aegypti à nobis hætenus cognitæ plan-
tis, nonnullæ communes pluribus alijs locis, priusquã
hunc sermonem claudamus, præmittendæ quidem
non sunt; maximeque ex his, Kellù ab Aegyptijs uoca-
ta planta, à quibusdam Antyllis, psyllium, Melanthium, capparis,
urtica, solanum somniferum, coriandrum, ocymus goriophyllatus
O albus

DE PLANTIS AEGYPTI

albus hyosciamus, conyza, Stramonium, Secamonè, ricinus. de his
 ipsis igitur aliquid commentemur. **G V I L.** Aliquid te de his
 scitu dignum dicturum puto. proinde ut lubet loquere. **A L P I N.**
 Kellu, nostri quoque Kalli, plantæ tres vtique in Aegypto species
 aluntur, ex quibus omnibus combustis cineres fiunt, ad vitra, sapo-
 nem, & alia multa. prima species eadem est planta cum ea, quam
 nostri Kalli geniculatum, appellant. Altera est, quam nonnulli
 album Kalli vocant, Tertiaque Aegyptijs magis propria, folijs con-
 stat paucis aiuge folijs proximis, sed ualde longioribus, uno caule-
 que nõ omnino recto, à quo tres, quatuorue cauliculi exoriuntur,
 qui recte sursum feruntur, quilibetque ipsorum in cacumine ca-
 pum quinque aut plus folijs chamepythios proximis, at deorsum
 in arcum recuruatis, inclinantibus conflatum, à cuius medio floscu-
 li rosarum similes exurgunt multi. Hæ omnes plantæ salsæ, atque
 acri sapore linguam feriunt. **G V I L A N D.** Sine dubio vtrę-
 quæ hæ plantæ à te postremo descriptæ sub anthyllidis secundæ
 genere reponendæ sunt. Dioscorid. liquidem aiugam docens sic;
 " scripsit: Herba in terra repens, incurua, folijs semperuiui minoris.
 " multo tenuioribus, hirsutis & pinguioribus, circum ramos densis
 in capite vero de Antyllide ipsam aiuge folijs proximam esse sta-
 tuit. Sed sequere reliqua enarrare. **A L P I N.** Ex his sanè tribus
 Sole in primis exiccatis, & mox combustis cineres eæ parantur,
 quæ illinc Venetias conuehuntur ad uitra, atque alia conficien-
 da. Aiunt multi illorum folia trium harum plantarum, sed maxi-
 mæ secundæ atque tertiæ Kalli, in puluerem redacta, per os sum-
 pta phlegma atque bilem exustam purgare. Idemque ex folijs ex-
 pressum succum facere.

KALLI.

KALLI.



KALLI.

O 2

KALLI.

KALLI I. I. I.



KALLI.

o

KALLI.

K A L L I . I I I .



Psyllium copiosissime ibi prouenit . Cuius seminum apud eos
 vsus est, presertimque mucilaginis ab ipsis paratę cum aqua ro-
 facea, in omnibus febribus biliosis, ardentibus, inflammationibus-
 que pectoris, uti in pleuritide & peripneumonia . Sed extrahunt
 cum aqua hordei, & cum saccharo candido exhibent . In aqua
 rosacea extracta Psyllij mucilagine ij utuntur in biliosis dyarrhæis,
 & disenterijs. ad externasq; omnes inflamationes, emplastri ac fo-
 menti

DE PLANTIS AEGYPTI

menti modo tum ex viridis plantę foliis, tum ex feminibus psyllij tota planta vtuntur. Quam plantam vocant Chetun . Nigella ibi etiam prouenit, quoad flores pulcherrimam, quando floribus maioribus, ac numerosioribus folijs præditis spectetur, eiusque semen in vsu est frequentissimo in pueris, ad necandos vermes, contusisque feminibus cum aceto emplastri modo ad plures cutis infectiones vtuntur. Mulieres etiam, quæ non purgantur, eo si suffiantur, maxime iuuantur. vocantque hanc plantam suneg. Cappares Alexandriae maiores quàm alibi inueniantur, proueniunt, quos cappar quoque appellant, ex quibus cortices radicum in vsu habent frequentissimo ad uermes necandos, ad mouendos menses, atque ad quoscunque tumores duros; præsertimque lienis sanandos, pro quo indurato membro, exhibent decoctum per os multis diebus, exterius ex corticis puluere, & aceto facto emplastro, cui aliqui modicum mellis miscent, quo præsidio vtuntur ad cutis maculas, & infectiones, eas linientes. Alexandriae Vrtica prima, quam ij vocant angiar, prouenit copiosissime, & proinde eius semina multos vsus ibi quoque habent, maximumque ad venerem excitandam, præsertimque in frigidis corporibus, si cum vino dulci bibantur. Nonnulli ad idem ex feminibus ijs, radiceque buzeidam, ac melle componunt electuarium, cuius semuniam quotidie sumunt. Vsum non minorem semina habent ad pectoris, pulmonumque vitia, eius enim decocto cum melle parato in tussi, anhelitus difficultate, orthopnæa, & peripneumonia à crasso frigidoque humore concitata, familiarissime vtuntur farina quoque cum melle eëlegmatis modo ad eadem mala, cuius vsum cum aceto emplastri modo ad omnes difficiles cutis pustulas sequuntur, & ad omnes maculas cutis eiusque infectiones, tumores duros non minus, præsertimque ad parotidas. Mulieres nihil habent, quo valentius vterum calefaciant; mudent, atque ab obstructionibus sanent, quam vrticam, ex quo ad mouendos menses seminum decocti, atque suffiti vsus est apud ipsas frequentissimus, maximeque addita myrrha. Cinere ex feminibus parato, ad omnia ulcera maligna & cæceroſa vtuntur. Solanum somniferum in Alexandriae ruderibus copiosissime prouenit, sicque crescit, vt magnus frutex appareat. Vtuntur incolæ radicum corticibus ad dragmam puluerizatis cum aqua lactuce, vel solatri, sumētes ad somnum cōciliandum. Huius plantæ cortex non secus quàm nux methel, siue stramonij semina, apud plures malos nomines, vt

aliquid

aliquid mali faciant clam dum dormiunt, huius corticis in epulis ponunt. Folij contusis emplastri modo ad calidas inflammationes vtuntur, atque illito ex ipsorum succo fronte, temporibus, ac alijs partibus corporis in quibus pulsus sentiuntur, vel iisdem contusis emplastri modo appositis, ad somnum familiarissime vtuntur. non minusque ad exustiones. Nux etiam Methel ibi nascitur, sed non vsq; adeo copiosa, vti solanum prædictum. estque verum Dioscoridis stramonium. vsusque plane eosdem habere ij aiunt, quos de solano somnifero diximus. Adest quoque hyosciamus albus admodum à communi figura differens, nasciturque Cayri propè pyramides, folijs communis longè grandioribus, latoribus, crassioribus, & albidioribus. Quo vtuntur nō secus quam stramonio. Vbi que vero in viridarijs coriandrum prouenit copiosissimum, quod omnes Cusbarà appellāt. Herbeque virentis vsus in cibo est apud omnes Aegyptios familiarissimus. etenim ferculum non parant sine folijs coriandri, quamquā ingrate oleat. **GVIL.** Quid audio? non ne ij ipsum mandentes maxime læduntur, & ab eius vsu in phrenesim labuntur? quod Dioscorides, Auicennas, tum multi alij tradidere. **ALPIN.** Ridiculum. quis vnquam vidit aliquē, coriandrorū causa (quæ in vsu apud quosque tum sanos, tum ægros familiarissimo existunt) læsum fuisse, aut ei aliquos sensus turbatos, nisi immoderate eis fuerit vsus? Quid miraris? quasi eiusdē cum Galeno non sis sententiæ, qui coriandrum palidum, resoluēs ac modice adstringens statuit. non ne demonstrat Dioscorides vel hanc eius facultatem fateri cum dixerit, chæradas coriandro cum comento sanari? Quod nunquam à frigidis frigidū tumores discutiantur, ac curentur; cum medicamenta aliàs à Dioscoride ad sanandos duros tumores chæradasque præsertim memoriæ prodita, calida facultate fuerint. Neque uidetur planè hoc filuisse Auicenna, cum dixerit, chæradas coriandro sanari, uel ex proprietate, quam ad illum sanandum tumorem habet, uel ex partium substantiæ tenuitate, qua per meat profundē tumidam partem. Sed quis ignorat n̄ ihil à frigido resolui, etsi multa fiat permeatio partis tumefactæ, sed omnia resoluentia calida esse? **GVILAND.** Verā sententiam recte defendisti, quam quis modo negabit, sciens ex te Aegyptios uirentem coriandri herbam in cibo sequi citram aliquamnoxam? multo minus seminum siccatorum usus erit exinde timendus. Hincque errasse non parum Arabes liquido constabit qui

qui coriandro frigidam facultatē narcoticam, stuporem inducentē atque sensus turbationem concitatē, ac exitum tribuerit. Idem quē & de psyllio fuisse apud illos à te compertum est, quando psyllium pro ueneno à Dioscoride, atque alijs receptum, innoxie in febricitantibus frequenter non modicam ægrotis seminum mucaginem exhibentes. Herbā in aqua elixatam illi esitant. Sed ea multo plus semina ad roborandum stomachum ualere ii affirmant, debiles etenim uentriculos, usu seminū assiduo maxime roborant, eiusque calorem ipsa fouent, augent, flatusque resoluunt, ac discutiunt proindeque in colico dolore, atque alijs à flatulento spiritu concitatis usum seminum sequuntur: ipsis scilicet, uel in puluerem reductis, uel ex ipsis parato decocto, utentes. Quo uteri quoque frigiditytatibus, & humiditatibus occurrunt. præsertimque ad menses immodice fluentes, & ad gonorrhæam firmandam, quod insit illi quod facultas adstringēdi, ex quo puto apud eos plantam quoque; emplastrum modo, ad podagricos & alios articulorum dolores in maximo ibi esse usu, quod eas partes adstrictione, ne humorem partes recipiant, roboret, atque etiam contētos resoluat, discutiat, uel exprimat. Ocymus ibi in uiridariis copiosissimus crescit ad altitudinem trium & plus cubitorum, foliis nostratis longioribus, tenuioribus, colore rubro suffusis, odoremque eximium spirantibus. Suauitate enim odoris nostris omnibus præferendus meritò uidetur, ob quem illi hanc plantam Rihau appellarunt, quod idem est, ac si dixeris, odorem, ita, ut hic ocymus præ odoris iucunditate eximia odor per excellentiam ab ijs uocetur. Qua planta odoris causa iuuantur, medicos uero usus apud eos ipsa paucos habet, qui ab alijs multis perdocti sunt. Nasceitur etiam sponte ibi quædam planta repēs, altius saliens, seque alijs arboribus conuoluēs, foliis duris longis, Sefeli Athiopici proximis, sed maioribus. Flores fert albos styracis similes, à quibus producuntur siliquæ; longæ ac crassæ, quales in ulcododendro cernuntur, plene lanugine alba, ac seminibus paruis. ex hac planta succus, manat flauus, urens quem siccatum Aegyptij ualenter tenues humores purgare, aiunt. Hanc illi esse scammonij speciem affirmant, quā sechamonē appellant cuius tamen nullus usus in medicina apud eos noui. G V I L. Forrasse hanc plantam esse Apocynum Dioscoridis affirmare poterimus. Cum illiusce notæ, notis à Dioscoride traditis conuenire conspiciatur, eaque fortasse putanda, quam aliquis è Syria uenisse, periplocam

plocam uocatam, prodiderunt. At verum apocynum nunc in Italia cognitum est.

SECAMONE.



P

Fenu.

DE PLANTIS AEGYPTI

Fenugreci germina mox è seminibus erumpentia . ex ipsisque statim proficientia plebei comedunt , præsertimque mulieres , pingues fieri cupientes , per urbem multas massas terræ , plenas seminum recenter productis germinibus vendendas ij ferunt . Plures aliæ sunt plantæ ibi nascentes , quæ cum pluribus alijs locis communes existant , non est de ipsis à nobis amplius sermo proferendus . Sed iam de medicina apud illos populos usitata , sermonem , de quæ plâ tis illis in locis nascentibus claudere debemus ; cum nihil super sit dicendum .

De plantis per iter obseruatis .

Cap. XLIII.

G V I L A N D I N V S .

PLVRIMAS gratias tibi refero , quod tantum laborè hæcenus mea causa sustuleris . Nihilominus ne aliquid omittamus , quod vtile ad hanc historiam iudicem , cuperem , antequàm nos huic sermoni planè finem imponamus , vt de plantis etiam per iter olim in Aegyptum à te nauigādo varijs in locis obseruatis , aliquid diceres . ALPIN . Non arbitror te ignorare , nostro olim audito itinere , parum temporis mihi per iter illud concessum fuisse , ad indagandas illorum locorum plantas : veruntamen , quas tunc uiderim , quamquàm neque tuis doctissimis auribus satis dignas eas existimem , referre etiam nunc non recusabo . Memini me rhabarbari plantam Cocyræ inspexisse , in antiqui illiusce propugnaculi quodam viridario . quam quidam ex Syria illuc naui aduectam habuerat : quique ipsam à viro Persa Trypolim olim fuisse adductam etiam affirmabat . Quæ planta plane folijs rumici uisa est proxima , quæ tamen erant latiora , crassiora , lanugineque quadam alba obsita . In illa eadem insula inueni Cyperi radices lōgas ad modum odoratas , & Chamedri m arboream , duorum fere cubitorum altitudine propè Butrintum , viuentem , quæ folia duplo & triplo Italicis maiora habebat . Zaccynthi oxalidem , qua eius insulæ pharmacopœi ad medicinam utebantur , inspexi , admodum à nostris oxalidis omnibus diuersam , quippè exilis herba ipsa est , folijs paruis , crassis , oblongis , calthæ foliorum æmulis , gustū non minus quàm nostra acido sapore ferit . Ibi quoque crescit acacia secunda Mattheoli , quam ego florentem

menſe

mēse Februario inspexi folijs, floribusque minoris anagyridis proximis, quæ gustata, sapore adstringenti feriunt, paucisque tamen ac mollibus spinis obsita. Neque arbitror esse ueram acaciam, quā in Capadocia & Ponto nasci Dioscorides prodiderat, quòd minime conuenire cum prima acacia, seu spina Aegyptia videatur. Aliud agnoui in illa insula, quippè smilacem asperam esse veram falsam parillam, qua medici vtuntur ad sanandam lue[m] gallicam. G V I L A N D. Copiosius quoque hanc plantam in quampluribus Italię locis nasci scio, quare istud, quod ibi didicisti, nouum apud me non est. A L P I N. Verum dicis, etenim ipsam aliàs in multis aliis locis offenderam ac obseruaueram, verum perpetuo, an esset falsaparilla, anceps, ac dubius fui. In hac vero insula ea spectata, clarius cognoui veram eam vtique esse.

G V I L A N D. Quam ombrem in Italię locis cum eandem ipsam spectaueris, eiusdem non fuisti sententię, scilicet eam esse falsam parillam. A L P I N. Quoniam omnes smilaces asperę, quas hætenus uideram, exiles admodum breuesque, ac capillares radices habebant, sed quam in Zacyntho insula uideram, longas, crassas, asportatis Hispania radicibus falsę parillę omnino similes. Quo pacto uero has agnouerim, tibi iam explicabo. Ego enim, ut ocium diuturnę morę effugerem, forte fortuna collem illiusce insulę perreptans, in valle quadam ad sæpem oculos conieci, lenthisceis ac multis asperis smilacibus contextam, cuius ab radicibus omnibus terram impetuosa torrentis aqua sic abduxerat, ut illarum plantarum sæpem texentium omnes radices, non secusquam venę arteriæ, & nerui humani corporis à carne separati, nudę conspicerentur, Smilacesque asperę longos sanè serpentes imitaturę, alijsque radicibus conuolutę, mira longitudine, ac crassitie mihi se obtulerunt. ita ut quasdam illarum duorum, & amplius cubitorum longitudine, & crassitię communium falsę parillę radicum inspexerim, ex quo continuo eas falsę parillę radices esse iudicaui. Et dum hæc simul cum alijs, qui una ibi me cum aderant, considero, augurium contingit opportunissimum.

Nam ex transeunte Gręco homine eius loci accola; & agricola, peto, quomodo ibi illa planta appellaretur, qui respondit, smilachiam nuncupari, ipsamque in vsum apud ipsos esse pro curanda Gallica lue: ex quibus uerbis exploratius eam considerans, uideo radices eius longissimas & crassas, eadem substan-

DE PLANTIS AEGYPTI

tia præditas, nullumque præferre saporem, uti radices falsæ parillæ: ex quibus colligo statim, smilacem illam asperam ueram esse falsam parillam. pharmacopola eius loci multum lucri se fecisse his radicibus nobis affirmavit, quod sæpe harum radicum ibi collectarum multos fascēs collegerit, & in alia loca miserit, quas pro veris falsæ parillæ radicibus sæpissime vendiderat. Quam mercaturam clam agebat, ne eam plantam alij discerent. Addo Cayri me in falsæ parillæ fascibus ex Hispania asportatis uidisse, frustra radicum nodosarum, vel geniculatarum asperæ smilacis, à quibus procedunt radices, quibus medendo nos utimur, cum folijs eiusdem plantæ, tum ramulis spinosis, sic manifeste, ut nemo, qui viderit, eos fascēs falsæ parillæ, esse ex smilace aspera selectos, negare potuisset hanc plantam eandem esse cum falsaparilla.

G V I L A N D. Placuit multum mihi, te veritatem de smilace aspera probè agnouisse, cuius quidem sententiæ non solum me se d. quamplures alios fuisse tibi persuadeas volo, in primisque Gabriele Faloppium, herbarum materiæ doctissimum, qui in libello de morbo Gallico, in capite de falsaparilla hæc prodidit. Alias credebam esse radicem ebuli, & perstiti in ea sententia plurimis diebus, donec Hispanus ad Ducem Florentiam integram asportauit plantam, & hinc patuit error meus, & uidi esse radicem smilacis asperæ. de qua Dioscorides libro quarto, & scriptores antiqui mentionem fecere. Quod magis confirmaui experientia, nam cum in monte Sancti Iuliani Pisis uidissem smilacem asperam, curauim effodiendam, & semper usus sum loco falsæ parillæ, & per biennium illud, quo ibi fui, semper cum foelici successu plurimos à lue Gallica liberaui. Quam etiam sententiam confirmat Amatus Lusitanus medicus, quamuis Hebreus, non spernendus in libro quinto, suarum centuriarum. Quare te hac de re euehi non oportet, quando alij ante te multi eam nouerint. Sed quomodo asserere possumus eius insulæ smilacem, probè falsam parillam delineatam demonstrare, minimeque illam, quam Italiæ loca ferunt atque alunt. Quod tamen fieri putoterræ, qua ipsa serpit, diuersitate, etenim in duro solo sicco, & squalido effosam smilacem videbimus radices minores, gracilioresque falsaparilla habere, & in mollissimo solo, quod in eo facile queant serpere, longiores, crassioresque, falsæ parillæ planè proximas. Ea siquidem smilacis planta, quam in ea insula olim cum in illis locis diuersarer, inspexi, solo mollissimo, pingui

ac humido nutriebatur, ex quo mirum non est, si longis, crassisque radicibus fuit inuēta; in sicco vero duro, nequeuntibus, terræ duritie obfistente, radicibus libere serpere ac meare, smilax aspera radicibus breuioribus, tenuioribusque apparebit. Quales à me obseruatæ fuere in Zacynthi insulæ, Corcyræ, Cretæque locis saxosis & durioribus. Addo multos decipi in agnoscenda falsa parilla ex smilace aspera, non omnes smilacis, falsæque radices animaduertentes, ac obseruantes. Etenim in aspera smilace duæ radicū differentiæ spectantur. Ipsa siquidem in primis ex stipite radices procedentes habet albas, rotundas, nodosas, digiti crassitie, cannu-
lis paruis persimiles, quæ sanè radices non admodum longæ existunt, ex quarum geniculis vel nodis aliæ proficiscuntur atque exiliunt à primis planè diuersæ, in duroque solo parue, breues, tenuesque, non secus quàm capillamenta quæpiam cernuntur. atque in molli longæ, crassæ, quales in falsa parilla, inueniuntur. Ex quo apparet radicum smilacis differentia, quæ itidem in falsæ parillæ planta ex Hispania aduecta facile obseruatur ac reperitur, adeo ut, quæque harum plantarum habeat primas radices à stipite statim procedentes albas, nodis equalibus interuallis distinctas, caninis proximas, non tamen intus peruias, sed plenas, digiti minoris crassitie, refertas, & secundas ab harum nodis uti capillamenta exilientes ac exeuntes, longas, primis graciliores, & quales, nodis carentes, siue non geniculatas. Qui itaque negant smilacem asperam veram esse falsam parillam, dicunt radices vtriusque plantæ esse inter se differentes, forma quippè ac etiam magnitudine, forma quidem, quoniam smilacis tantum primas radices nodosas albas, breues, crassas spectantes, secundis à primarum nodis nascentibus longis, gracilibus, non nodosis, equalibus comparantes, manifestissimam inter has differentiam faciunt. quam confirmant etiam ex eo, quod primæ crassæ, & breues, hæcque graciles, longæ existant. Errant quidem isti non recte radices inuicem, ut paret compa-
rantes, quoniam si radices falsæ parillæ graciles longas, quæ sunt secundæ radices, non primis smilacis asperæ crassis, nodosis, candidis, breuibus, ac secundis à nodis primarum nascentibus comparassent, sine dubio nullam differentiam inuenissent, hac excepta, quod smilacis radices secundæ, falsæ parillæ radicibus breuiiores graciliores loci causa obseruantur. Quam differentiam soli terre-
ue mollitiei, & duritiei ratione, vel eiundem diuersitate, ac fortasse
etiam

DE PLANTIS AEGYPTI

etiam cēlocalidiori fieri nobis persuasum est. In duro enim solo atque in frigidiori cōelo radices non ita crescunt, & crassescunt.

ALPIN. Veritatem attigisti, atque istaec omnia ad radicum simi-
lacis attinentia à te prodita, ego oculatim in Zacynthi Insula sedu-
lo obseruauī, atque cognoui. Quę ueritas ex plantę e uiuo deli-
neata ichone planē clara elucescet, in quo utręque tum primę ra-
dices nodosę, crassę, breues, tum secundę alię ab harum nodis na-
scentes, longe graciles, & quales sine geniculis manifestissime specta-
ri possunt. **GVILAND.** Ex uisa similacis huius Ichone, at-
que ex ijs, quę tu de ipsa hactus dixisti, facile eam similacem,

quam tu in Zacynthi Insula nasci prodidisti, esse. à
similace aspera Italię in locis inuenta multum
differentem, cognoscitur, tum ex folijs bre-
uioribus, tum ex diuersa foliorum fi-
gura, tum multo magis ex radi-
cibus illis nodosis, quę in
alijs similacibus aspe-
ris non inue-
niuntur.



SMILAX

SMILAX ASPERA.



Perge

DE PLANTIS AEGYPTI

Perge modo reliquarum à te conspectarum plantarum narrationem ac hystoriam absoluere, cum nobis de hac planta nihil dubij relictum sit, quin credamus ipsam veram esse *salsamperrillam*. ALPIN. In Creta insula inter alias plantas ibi *Thymū*, *thymbram*, *epythimum*, *marum*, *ladanum*, *aspalathum*, *styracem* offendi. *Thymum* vtrumque vidi, quippe magnum ac paruum, magnum est planta sarmentosa folijs satureiæ proximis, sed aliqua tenuis asperioribus, latioribus, & viridioribus, sapore valde acri ac odorato: quam plantam falso multi *tragoriganum* esse *Dioscoridis* statuunt. *thymus* secundus minoribus folijs, tenuioribus, albiorebusque totæ Italiæ est notissimus. *Tymbra* est planta in Creta Insula nascens copiosissima, similis *thymo* maiori, ramulis duris lignosis, folijs *thymi* latioribus, mollioribus, herbacei coloris, non ordinatim, ut aliqui prodiderunt, nascentibus: neque inter hæc alia foliola nascuntur. ex qua planta communiter pro secunda *thymbra* delineata, non veram esse conijcitur, quam ibi uidi cum *epythimo*, admodum differentem. *Epythimum* vero in loco eius Insulæ *Fraschya* vocato, cuscute modo, *thymo*, *thymbre*, atque alijs plantis conuolutum inueni. ex quo falsum esse duas esse *epithymi* species, dignoui, quippè vnā *thimi* florem, atque secundam capillarem hanc herbam cuscute emulam: *Epithimum* nanque nigram bilem purgare omnes affirmant, *thymi* vero flores id præstare nemo dicet. Aliqui ex Cretensibus aiunt *epithimum*, atque *epithymbram* purgare sanguinem calore exustum, multosque inter se differentes morbos ex illius capillaris herbe supra varias plantas inuentæ usu sanari. etenim, quæ origano conuoluta collecta est, morbis omnibus purgatione conducere affirmant, quibus origanum per se solum subuenire compertum est. sicque in alijs plantis repertam & ab ipsis exceptam uel collectam, vim habere purgandi humores, è quibus concitatis morbis hæ plantæ succurrere, atque auxiliari facultate solent. *Marum* apud aliquos Cretenses vidi, nostro *amaraco* planè simile. etsi tamen gracilioribus, minoribus, asperioribusque folijs *amaraco* constet, multoque nostro *amaraco* sit odoratior, & præstantior, quam plantam, sylvestre *amaracum*, & non *marum* nuncupandam iudico. Plantam uero, ex qua *ladanum* Cretenses colligunt plane differentem ab ea, quam hætenus fere omnes prodidere, in spexi, Hæc siquidē *Cysto* foemine perfoliata est, folijs tamen *cysti*

lon-

longioribus prædita, saluæque proximis. Floresque fert syluestribus rosis omnino similes, qui roseo etiam colore, quippe communium rosarum suffusi spectantur. Quæ planta à cysto foemina florum tantum magnitudine differre uidetur. Deceptusque fuit Mattheolus Dioscoride dicente, lodanum esse cysti genus longioribus folijs nigrioribusque refertum. quæ notæ in cysto, ex quo Cretenses lodanum colligunt, utique omnes obseruantur. quando hæc planta omnino cysto foeminæ sit similis, cum iisdem folijs floribusque spectetur, etsi maioribus. Aspalathum, etiam ut aliàs quoque dictum est, copiosissimum propè Fraschyæ portum in quodâ colle uirentem atque florentem sæpe inspexi, odorisque eximia suauitas ex huiusce plantæ floribus ad me delata, fuit in causa, ut ipsum agnouerim. Quæ planta est frutex densis ramis, spinis albis duris horridis cortice caudicis albo, ad trium cubitorum & plus altitudinem in altum assurgens. floribus multis paruis, croceis spartij similibus, sed summe odoratis. Huius arbusci radices duræ, longæ crassæ, colore flauo, atque cortice summe odorato tunc temporis à me fuere obseruatæ. Multasque meus pharmacopæus decerpfit, Cayrumque ad usum medicinæ meo iussu detulit. Plures styraeis arbores ibi quoque inspexi prope illius loci riuum virêtes, quarum multas mecum in Aegypto detuli. Quo in loco cœli causa non vixerunt. Sed quid te amplius de eius Insulæ plantis, tibi pliusquàm mihi notissimis? Quæ enim Græciæ pars nunc est, quam tu plantarum desiderio sæpius non peragraueris? Et hæc de plantis Aegypti à nobis dicta sufficiant. Quibus absolutis ad alia transeundum est, & fortasse ad studium de ambiguis nonnullis simplicibus medicamentis agnoscendis, sæpe à me desideratum. Diu enim summopere desiderauim inter nos absolutissimam de omnibus priscorum medicorum usitatis medicamentis simplicibus, quæ hæcenus apud plerosque nostrorum medicorum dubia habentur, haberi disputationem. GVILAND. Iam historiam de Aegyptiorum tum usitata medicina, tum plantis illis in locis nascentibus finem habuisse video. qua de re, ac de isto mea causa suscepto labore, tibi ego plurimum dum viuam debebo. maximeque nunc tibi à me agendæ sunt gratiæ, perpetuoque habendæ. Disputatio vero à te de simplicium medicamentorum, dubij aliquid penè nostros medicos habentium, ratione proposita, dignissima sanè videtur, quæ à nobis perpendatur. Hoc tamen in præsentia faciendum

Q non

DE PLANTIS AEGYPTI

non puto: Sole enim iam ad Antipodes descendente, parum huius diei nobis superest. Quamobrem sermo hic in aliud tempus nobis accommodatius, remittendus est. Interim nos metipsos paululum à labore laxabimus, quietis ac ocij aliquantulum animis concedentes. Quamprimum tamen tempus opportunum ad eum sermonem tibi videbitur, ad me redibis, ut hac de re aliquid dignum commentemur. ALPINVS. Ita faciam, sed antequam nox ingruat, me domum redire consultius est.

Vale atque me, vt soles, amato. GVILAND.

Vbi mecum manere non est animus, vt lubet,

hinc discede. Interim mei semper esto

memor, tibi que me esse addictissi-

imum, atque tui obseruan-

tissimum, scias velim.

i foelix.

FINIS LIBRI DE PLANTIS.

PROSPERI
ALPINI
DE BALSAMO,
DIALOGVS.

IN QVO VERISSIMA BALSAMI
plantæ, opobalsami, carpobalsami, & xilobalsami
cognitio, plerisque antiquorum atque iuniorum
medicorum occulta, nunc elucescit.

AD ILLVSTRISSIMOS
ET SAPIENTISSIMOS
Patauinae Academiae Curatores.



VENETIIS, M. D. XCII.

Apud Franciscum de Franciscis Senensem.

PROSPERI
DEBASSAM
DIALOGVS

IN QVO VERISSIME
planities, opobassum, capobassum, & xibobassum
cognitio, planities, opobassum, capobassum, & xibobassum
medicorum occultis, nunc elucet.

AD ILLVSTRISSIMOS
ET SABIENTISSIMOS
Patrum Academiae Curatores.



VENETIIS, M. D. XCII.

Apud Franciscum de Franciscis Senensem.



ILLVSTRISSIMIS

AC SAPIENTISSIMIS

SENATORIBVS

FRANCISCO PRIOLO DIVI MARCI

PROCVRATORI,

Zachariæ Contareno,

AC LEONARDO DONATO EQVITI

& Diui Marci Procuratori.

Patauinæ Academiae Curatoribus.



PROSPER ALPINVS. S. D.

TANTÆ laudis Senatores Illustrissimi,
balsami plantam apud antiquos iunioresq;
medicos fuisse legimus, ut eius oleum, seu
succus, (quem opobalsamum Græci appel-
lant) in toto terrarum orbe, ut diuinum
quoddam auxilium habitus atque celebra-
tus fuerit. Vulgus etiam rem aliquam vehementer ad sanita-
tem accommodatam, balsamum vocare solet. Et quidem nihil
in vniuersa simplicium medicamentorum sylua præstantius, &
dignius inueniri proditum est: neque id hercle immerito. Qui-
bus

bus enim in arte medendi versatis ad ulcera, vulnera; sananda illius virtus est ignota? quantum lethalibus venenis, scorpi-
num; ictibus, & viperarum morsibus obsistat? Quibus etiam
huius succi nobilitas, in peste, pestiferis; febribus arcendis mi-
ra efficacia est occulta? quandoquidem regum corpora eo olim im-
putria seruari multorum testimonio constet. non ne putridæ fe-
bres sæpe sunt hoc adempta præsidio? Quid? non ne ex balsamo
hominis corpus à cute ad viscera usq; iuuari experientia docuit?
Mulieres eo sibi illitam faciem pulcherrimam efficiunt, abortas;
in cute rugas abigunt. Atque hinc iuuentutem diu seruari vul-
gatissimum est. Et ut paucis rem colligam, ac perstringam, ca-
put, stomachum, hepar, lienem, mesenterium, pulmones, renes, ve-
sicam, uterum, spinam, nervos, musculos, articulos; omnes pluri-
mum iuuat: Etenim abortam oculorum caliginem abstergit, vi-
sum; vitiatum, vel deperditum restituit; aures dolentes, & in ip-
sis tinnitum sanat. Præterea conuulsis, epylepticis, vertigino-
sis, resolutis, atque tremantibus mirum in modum prodest: tum
respirandi difficultati, tussi, orthopnœa, pulmonum frigiditati-
bus, fluxionibus, & doloribus subuenit. Stomachi calorem
valde fouet, auget, atque roborat, & iccirco eius cruditatibus,
ac flatibus à diminuto calore excitatis, præsentaneum est auxi-
lium. Meseraicarum vero à iecore, ac liene venarum obstru-
ctiones aufert, regium; morbum curat. Interceptam sæpe uri-
nam prouocat, calculos; valenter frangit, & ipsos à renibus
abstergit, atque per urinam expellit. Uterum magis, quàm cæ-
tera membra respicit, atque omnibus eius à frigidityte abortis
malis præstantissime succurrit; Menses cit, partus, se-
cundas; educit, præfocationibus, & flatibus tuto medetur.
Et quod non minus a multis desiderari, atque expeti solet,
fœminam iisdem ex causis effectam sterilem, fœcundam reddit.
Cum; tam eximia balsami dotes existant, ab antiquis etiam præ-
clarissimis medicis olim memoriæ traditæ, mirum non est tantope-

re Romanis Imperatoribus Vespasianis curam eam arborem extitisse, eiusq; causa ab ipsis cum Iudeis aliquando dimicatum fuisse. Maximum usum in medicina habuisse succum, fructus, ac ligna apud omnes liquido constat. Perficit enim multorum antidotorum compositiones, praesertimq; Theriacam, atque Mithridaticum, quae a nostris, eo sublato, non sine artis dedecore parantur. Cum haec aliquando hic inueniri posse ignorent, audacissimeq; oblatum saepe ipsis huius arboris verum succum, fructus & ligna, vera esse negent. Non possum igitur non multum praesentem balsami calamitatem cum huiusce temporis medicis dolere; cum & si in multa Italia loca ex Aegypto, ac Syria huiusce plantae succus, fructus, lignaq; nunc verè comportentur, haec tamen agnoscere nostri medici renuant. quinimo plerique affirmant hoc tempore veram balsami plantam nusquam gentium inueniri, minimeq; eius succum, fructus, & virgas (quae opobalsamum, carpopobalsamum, & xilobalsamum Graeci appellant) ad nos veras comportari. Atque horum alij asserunt fieri quidem non posse, ut veri opobalsami satis, cuius quantitas non pauca saepe in his locis circumfertur, inueniatur, cum Aegyptus, ac Syria balsami plantis omnium consensu nunc careant. quando etiam priscis saeculis ex tota Aegypto multis iisdem plantis referta, modicum quippiam illiusce liquoris haberetur. Alij ex Felici Arabia huc illum delatum scientes, syncerum esse opobalsamum negant, asserentes solum Aegyptum, ac Syriam illum olim habuisse, neque alibi inuentum plantarum scriptores prodidisse. Hisq; rationibus persuasum est eis, syncerum opobalsamum his temporibus non reperiri, quod si aliquando sibi à quibusdam ex Aegypto, uel Syria uenientibus offeratur, eos irridentes, negant uerum esse, atque à se reiiciunt, & in parandis Theriaca, Mithridatio, & alijs nobilissimis compositis, eo haudquaquam uti uolunt. Quod ego cum mea quidem sententia pessime, ac non sine artis magno dedecore ab ijs factum iudicauerim, cumque ad nos legiti-

mum succum arboris, quæ à priscis herbarijs balsamus appellata est, ligna atque fructus ex pluribus locis asportari certò sciam, non potui non summopere istorum ignorantiam, ac errorem summum admirari, & huius eos erroris adductis rationibus redarguere, cum præsertim medicos omnes Aegyptios, Arabes, & Syrios eundem succum, fructusq; eosdem, atque eadem ligna uno omnium consensu, citra ullam contradictionem, vel hæsitacionem in componenda Theriaca, Mithridatio, alysq; nobilibus antidotis, commendare, atque arripere cognouerim; qui aliù nunquam fuisse opobalsamum, neque alios fructus, aut alia ligna ad medicinæ usum recepta, atque apud illos usitata affirmant. An verò quis Aegyptijs, Syris, & Arabibus in eorundem medicamentorum cognitione, usu, & experientia præferendos contendet Italos nostros? qui neque locum, in quo arbusculum vixerit, neque alibi illum viuere inspexerint? an potius illis credendum erit, qui in eodem loco cum ista planta multos annos vixere, & illam sæpe sæpius tum viderunt, tum sedulo obseruarunt? Quando etiam primi Balesam plantam eam nominarint. Quo nomine alij omnes & Græci & Latini libentissime usi sunt. Cum igitur illi Italici, ceterisq; omnibus nationibus in huiusce plantæ, succi, fructuum, & virgarum cognitione iure præferantur, atque hæc vera ab ipsis credantur; & pro legitimis, ac veris ad omnia componenda medicamenta utantur, succumq; ex Aegypto, vel Syria hæc aduectum, nobisq; interdum oblatum, verum opobalsamum esse affirmant: Cur & nos iisdem uti, atque in medicinæ usum eadem recipere recusemus, potius quam aliud pro ipsis ad componenda medicamenta substituere? Hincque multi mirari non debent, si Theriaca, Mithridatiumq; huiusce temporis antiquam amplius illam præstantiam, ac nobilitatem non retineant, neque eximia illa vires à seniore Andromacho decantata conferuntur.

Hac fidens estu per rura vagabere Cæsar
In Lybico quamuis progrediare solo.

Quis enim medicorum erit, qui à viperis, Aegyptijsq; cum aspidibus, tum scorpionibus, vel ab alijs huiusmodi serpentibus demorsos sola Theriaca, vel Mithridatio curare hac atate confidat? vel horum spe aconitum, vel napellum, uel toxicum innoxie assumere audeat? Unde est, quod Theriaca vel à nostris omni cura, ac diligentia confecta magnis illis careat omnino dotibus? Nisi quia antidotus hac multa desiderat ingredientia, quibus antiquis illis temporibus parabatur. Inter quæ principem sanè locum obtinent opobalsamum, carpobalsamum, atque xilobalsamum, quorum loco nostri pharmacopola alia medicamenta substituunt. Quamobrem multi Aegyptiacam Theriacam longe præstantiorem prædicant, quod vera, ac recentia nuper dicta medicamenta in eius compositione recipiantur. Id igitur ego, cum in Aegypto aliquot annos medicinae causa moratus, animaduertissem verèq; cognouissem, vera illa medicamenta ad nos ex ijs locis non raro asportari, quæ à nostris non sine componendorum medicamentorū ingenti iactura ab usu medicinae reijciuntur, falsaq; uel adulterata esse dicuntur, Decreui ueritatis cognoscendæ studio, de balsami planta, succo, fructibus, & uirgis, quæ sunt ad medicinae usum à ueteribus medicis litteris tradita, atq; nunc apud nostros ferè obsoleta, librum olim in Aegypto conscriptum, quo omnium istorum cognitio comprehenditur, vobis Illustrissimis, ac Sapientissimis uiris legendum ac spectandum dicare; Ex quo, balsami ueritate perspecta ac cognita, operam detis, ut hæc præclara medicamenta; uestra omnium opera, ac auctoritate ab omnibus medicinae amatoribus dignoscantur, atque in pristinum medicinae usum reuocentur: Anno salutis humanæ.

M. D. XCII.

R PRO-

13
PROSPER ALPINVS
LECTORI.



MULTOS ab hinc annos in Aegypto medicinae causa moratus, nonnullos libros de illiusce gentis tum vsitata medicina, tum plantis conscripseram; praesertimq; de balsamo dialogum, ex quo arboris, succi, fructuum, virgarumq; veritas haecenus plerisq; medicis, & pharmacopolis obscura, cognosceretur, claraq; elucesceret. Quos omnes sanè libros simul in lucem prodere cogitabam. At hortatu quorundam amicorum, qui me aliorum librorum editionem non ita brevi tempore publicaturum putarent, sententiam mutavi, maximeq; nonnullis doctissimis pharmacopolis obnixi suadentibus, qui Theriacam, Mithridatiumq; nunc paraturi, ab Excellentissimo huius inclytæ urbis medicorum Collegio veri opobalsami, carpobalsami, & xilobalsami veritatem, & historiam agnosci exoptant, ut his ad prædicta paranda medicamenta, atq; ad alia libere uti possent. Non immerito Theriacam Mithridatiumq; his ablatiis ab antiqua sua excellentia, non parum deficere dubitantes. Ne itaque istorum desiderio me obsequi nolle uidear, libellum hunc prius emitte non sum veritus. Hancq; huius celeris editionis causam Candidè lector ueram esse putato. Interim libros alios de medicina Aegyptiorum uocatos (si modo hunc meum libellum medicinae studiosis aliquo pacto arrisissè intellexero) propediem in lucem uenturos expectabis. Tuq; etiam quo animo ego balsami disputationem hanc, ueritatis tantum agnoscendæ studio, atque iuuandi desiderio sum prosecutus, eodem legendam accipies. Vale.



PROSPERI ALPINI DE BALSAMO DIALOGVS.



DE BALSAMI PLANTA, SVCCO,
fructibus, & virgis esse loquendum. Cap. 1.

ABDELLA Medicus Aegyptius, ABDACHIM,
Hebreus, & ALPINVS Italus.



QVEM ego nunc hominem conspicio per
hoc viridarium el Mattharia gressus mouen-
tem? is certe meis oculis Abdachim Medi-
cus videtur, vir honestissimis moribus (quam
uis Hebreus) præditus, mihi quæ multum fa-
miliaris: eum igitur conueniam, & salutabo.
Salue Abdachim, Quam diluculò hoc viri-
darium es ingressus; Quid tibi vero negotij est, ut tam summo ma-
ne huc te recipias. ABDACH. Te nunc huc conuenisse, valde
lætor, quando iam diu te exoptauerim videre, ac tecum colloqui,
Tibi optata hæc sit dies, Ego ut viridarij huius amoenitate, suauis-
simoque florum cassiarum odore, auraque matutina frigidiuscula
me aliquantulum recrearem, huc accesseram. ABDEL. Cur
vero viridarij istius plantas vndique obseruas, neque te humi str-
atum sub ficus huius Aegyptiæ latissimis ramis conspicio, ut quie-
tius ita tum animum, tum etiam corpus recreares. ABDACH.

D E B A L S A M O

Oculos hinc inde dimouebam, si aliquam balsami plantam viuentem potuiffem inſpicere, cuius odore eximio olfactu animales ſpiritus delectaſſem, quas cuſtodum negligentia exaruiſſe comperi, quod ſatis ægre patior, plurimumque me tædet hoc viridarium illis nunc carere plantis, multumque ornamenti hac de cauſa hic de eſſe videtur. **ABDEL.** Ne te ob id excrucies, quandoquidem ſæpe aliàs aliunde aſportatæ, atque hic inſertæ plantæ perierint, quæ nunc fortasſe, alijs adhuc iuſſu præfecti aduectis, citò renouabuntur, vt ſæpe aliàs factum eſt. Sed quem video ad nos venientem? An Alpinus Veneti Conſulis Medicus? **ABDACH.** Ipſe eſt, cui nos obuiam ire honeſtum eſt, quod humanus hic ſanè vir eſt, atque affabilis. **ABDEL.** Quid iſtud eſt Alpine, quod nos te hic nunc offendimus? tuus aduentus pluribus de cauſis eſt nobis iucundiſſimus. **ALPIN.** Viridarium hoc ſpectandi gratia huc me contuli, vobisque pro veſtra erga me humanitate, plurimum debeo, neque parum gaudeo, quod ambos vos hic offenderim, iam diu enim uos videre deſiderabam, nec immeritò, cum vos pluribus nominibus tantopere obſeruem, Neque eſt quod veſtram ego nunc in arte medica doctrinam coram extollam, neque quantum à vobis in ea profecerim, vel didicerim. **ABDEL.** Bonus es cum hæc exiſtimas, vtcumque res ſe habeat, à te amari nos ſummopere expetimus. **ALPIN.** Gratias habeo, ſed timo ne importuno meo aduentu iam ceptos veſtros ſermones in turbem: eorum tamen, & veſtræ iucundiſſimæ conſuetudinis ſi fieri particeps mihi liceret, mirum in modum meus hic aduentus mihi uoluptati foret. **ABDEL.** Gratiſſimum nobis erit, nunc tecum vir doctiſſime colloqui, à quo pro tua doctrina plurimum noſtros ſermones claritatis recepturos ſperabimus. **ALPIN.** Vobis gratiam habeo. Quid iſtud autem eſt, de quo ſermonem inſtitueratis. **ABDACH.** De balsami planta, quam in hoc viridario aruiſſe comperi, inter nos commentabamur, Cuius iacturam mihi ægre ferenti Abdella noſter in plantarum materia exercitatiſſimus, animū reſtituit, multas è Mecha olim etiam pluries delatas huc, inſitaſque fuiſſe, & planè reuixiſſe narrans, atque etiam hoc modo ſæpe balsami plantas renouatas fuiſſe, ut ſperandum ſit, nunc etiam præfecti Aegypti iuſſu, vbi ad illius aures harum iactura aliquando peruenerit, denuo inſtaurari poſſe. **ALPIN.** Quid audio? illas plantas huc aliunde fuiſſe aſportatas, eo-

que modo perpetuò instauratas? quasi Aegyptus illis proprium solum non fuerit. non in sermonem inanem spero me nunc incidisse, de balsamo incæptum: de quo non pauca uobiscum loqui iam diu desiderauī, quæ si vobis nunc grata fore putarem, libenter proponerem. ABDEL. Gratam nobis rem facies si hac de re disputationem aliquam promoueris: ex qua plurimum emolumentum pro tua doctrina, atque humanitate nos esse consecuturos speramus, proinde quicquid est, quod à nobis scire velis, nunc in medium profer. ALPIN. Multum vobis pro hac re debeo, verumque Aegyptiorum sapientiam & humanitatem agnosco. Verum ne longius verbis rem producam, de balsami planta; succo, fructibus, lignis nunc uobiscum disputare desidero, quando ego hæc nus scriptorum uarietate anceps, ac dubius fuerim. ABDACH. Neminem Aegyptiorum, uel Arabum esse nunc arbitror nostro Abdella in re plantaria magis uersatum: pluribus iisdem plantis ab eo cum hic, tum alibi inspectis, ac omni studio obseruatis, sed ut de hac re clarius differamus, in capita redigere te oportet, de quibus sit sigillatim disserendum. Quare istæ omnia nunc in medium profer. ALPIN. Dicendum à uobis primo censeo, an balsami planta hoc tempore alicubi uiuat, quando in hoc uiridario, in quò hætenus à priscis illis temporibus usque adhuc uixit, planè exaruerit; atque non minus, an ab ea collectus succus, fructus, lignaque ad nos perferantur, uel potius una cum arbore cuncta perierint. Hæc in primis à uobis enarrari mihi cupio, quibus cognitis sigillatim de singulis agemus.

An balsami planta, eiusq; succus, fructus ac uirga nunc reperiuntur, & in quibus locis proueniant.

Cap. 11.

A B D E L L A.



VAMPLVRES balsami arbores in multis Arabiæ locis nunc uiuere, quarum succus, fructus, ac uirgæ huc ad nos à multis asportantur, certissimum est. Neque id Aegyptios, Syros, Turcas, & aliarum nationum homines multos, Arabiæ loca peragrantes latet, quinimmo om-

nes annis singulis Mecham, & Medinam primarias Arabiæ foel-
cis vrbes, peregrinationis gratia adeuntes, quantus in illis locis sit
ex arbore balsami prouentus, planè fateri possunt. Nam Mecham
hinc euntibus, & ad uillam quandam Bedrunia ab his vocatam,
quæ distat ab urbe Cayri spacio dierum quindecim, accedenti-
bus, mons pergrâdis, arenosus propè eam villam positus continuò
conspicitur, balsami innumeris arbusculis referus, quas ibi Mahe-
metis miraculo ortas nostrorum multis suatum est; Sed utcumque
ibi natæ fuerint, nobis id sufficiet, omnes ea loca quotannis pera-
grantes, innumeras ibi viuere comperisse; idque à quamplurimis
huiusce urbis incolis, qui olim, & proximo etiam elapso anno ea
loca peragrarunt, audire, atque uerum esse scire poteris. Multis
quoque rationibus hæc ueritas tibi à me persuaderi posset, sed si
huius uiridarij balsamis olim multis referatissimi terram aliquando
olfeceris, balsami etiam nunc suauissimum odorem redolere sen-
ties, bisque, vel ter tantum, Sol suum peragrauit orbem, postquam
hæ plantæ custodum negligentia periit. At quid taces Abdachim,
quem millies hic te illas inspexisse certo scio? vel cur me
Italo Medico incredulo ueritatem hanc suadentem minimè adiu-
uas? ABDACH. Quid? An hunc nostrum sodalem medi-
cum, multos annos hic moratum, plantarumque omnium studio-
sum, hanc ueritatem ignorasse dubitas? Ego certè balsami plantas
innumeras diuersis temporibus ex Arabia aduectas, hicque infi-
tas uixisse, certo scio, quas multi etiam alij Cayri incolæ inspe-
xerunt. ALPINVS. Nephas esse, ac inurbanum putarim, tan-
torum medicorum testimonio non moueri, qui præter herba-
rum peritiam, in qua illustres apud plerosque Aegyptios habi-
ti sunt, una cum balsamo in eadem terra nati, uixerunt. Sed,
ut ingenuè fatear, quamquam ego cum uiris in medicina cla-
rissimis planè sentiam, huiusque rei ueritatem omnino cogno-
scam, tamen hæc ueritas non adeò usquequaque mihi satis-
facit, ut possim alijs permultis Italiæ, aliorumque Europæ lo-
corum medicis, atque pharmacopolis incredulis hoc, ut cupe-
rem, persuadere, qui absolute affirmant, balsami plantam nulli-
bi hoc tempore reperiri, eamque planè periisse, ex quo succum,
fructus, & uirgas hinc in Italiam asportatas falsas etiam esse sta-
tuunt. Atque priscis sæculis, cum balsamum tantum in Aegypto
& Iudæa uixisse Dioscorides ac alij prodiderint, quibus in locis
nunc

nunc eam plantam cum amplius uiuere nemo referat, planè omnibus in locis perijsse colligunt. Quam sententiam ipsi peruiacissimè defendunt, neque omnino carere uidentur argumentis, quibus proprium errorem tueantur. ABDEL. Quomodo quæso istud esse potest? tantos ne medicos, doctissimosq; herbarum professores ita obcæcatos esse, qui non uiderint, neque cognouerint, balsami plantas neutiquam in suo natiuo solo perijsse? Quod autem Aegyptium, ac Iudaicum falso Dioscorides, atque alij crediderint, ex me paulo post cognosces. Neque optimi illi sunt philosophi, qui ita facile vegetabilium species, quæ iuxta philosophorum placita perpetuè existunt, tolli omnino posse, putent: Cælo etenim nullis causis ad generationem facientibus nunc destituto, terraque ac cæteris alijs elementis eodem modo nunc, vt olim, se habentibus, cur terram easdem nunc ferre plantas, vt olim faciebat, non posse dicemus? Graue tibi non sit, quæso, illos, qui balsamum perijsse affirmant, mihi referre, & quibus etiam rationibus in tam falsam opinionem uenerint, explicare. ALPIN. Parum interesse arbitror, te hosce homines nominatim cognoscere, sed ipsorum potius rationes audire, quibus negant hoc tempore balsami arbores, atque ipsarum succum, fructus, & virgas apud nos inueniri; id vero inceptæ disputationi sat erit. Horum siquidem non pauci existunt, qui non modo ad nos in Italiam prædicta uera comportari negent, sed arbores quoque, è quibus illa colliguntur, prorsus perijsse prædicent. Quam sententiam ualde auxere Amatus Lusitanus Medicus in alijs non spernendus, & Nicolaus Monardus Hispanus, qui Syriacum atque Aegyptiacum balsamum perijsse affirmantes, aliud genus balsami in Occidentalibus Indijs nasci, prodiderunt: Balsamumque à Dioscoride, Theophrasto, Plinio, ac a multis alijs herbarum antiquis scriptoribus celebratum, ac descriptum, eò affirmant perijsse, quod prædictorum antiquorum scriptorum testimonio constet, olim duobus tantum Iudeæ viridarijs concessum fuisse, vt inter cæteros Plin. & Theoph. testantur, postea verò quam Iudea à Ptolæmo primo Rege Aegypti, ac à Vespasiano deuastata est, balsamum in vallem Hiericum appellatam transplantatum fuisse, ibique vixisse Iustino, Strabone, Solinoque Polysthore id affirmantibus, statuunt. Et ab Artaxerse Persarum rege primo, ac mox à Romanis Adriano Cæsare rursus tota ea regione bello euersa, prorsus balsami plantam perijsse. Tandemque

in

in Aegypto paucas hoc in uiridario adseruatas vixisse. Quo in loco non tantum priscis sæculis balsamum vixit, sed multo etiam postea, quasi ad hæc vsque tempora plantam hanc hic conseruatam fuisse asserunt. Nunc uero, à multis, qui hoc tempore Aegyptum peragrarunt, hic quoque demum eam aruisse, confirmatur. Qua hic extincta, cum Dioscorides, alijque in Iudea tantum, & Aegypto balsamum uixisse prodiderint, cui dubium erit, nusquam gentium eam amplius inueniri posse? Ex quo succum, fructus, uirgas, pro uero opobalsamo, carpobalsamo, & xilobalsamo, ab Aegypto, uel Syria in Italiam asportata, uera esse quo pacto affirmabimus. Meritò igitur hæc omnia falsa nos affirmasse uidemur. Hincque tanta incredulitas, ac pertinacia inuasit eorum animos, ut potius in erroribus perseuerare, ueraque sibiipfis oblata reijcere, quam opinionem mutare uelint. A B D E L. Vix me continere potui, quin susceptum tuum sermonem interromperem, usque adeo animum aduersus illos concitasti meum, nullis rationibus, sed meris nugis balsami omnes plantas perijsse, opobalsamumque etiam, carpobalsamum, & xilobalsamum apud nos inuentum falsum esse asserentes, ut tanta illorum impudentia excitus, quasi quid loquar nesciam: ac ne differam illis respondere, dico, ac edico tibi, balsami frutices neque etiam in Aegypto plantæ perijsse, dici posse, quando sæpe iussu præfecti Cayri, quem Besà appellant, plantæ multæ ex foelici Arabia delatæ in isto uiridario inferantur. Et nunc uix tertius agitur annus, cum Messinoris per id temporis Aegypti præfecti iussu, quadraginta è Mecha aduectæ, hic insertæ fuerunt; quæ tamen cum per annum uixerint, rursus custodum negligentia periire; quæ faciliè etiam denuo renouari possunt. In Arabiæ uero multis locis innumeræ propemodum magno cum illiusce gentis lucro, aluntur: neque satis diu est, quod apud Arabes utilitas, & lucrum hoc cognoscitur; etenim opobalsami quantitas multa in Orientis loca comportatur, quibus in locis eum succum in summo pretio esse, multi ex Arabibus, nunc Cayrum habitantibus, narrant. Cuius succi lucro ab ijs cognito omnes certatim multos balsami frutices ex arenosis, montuosisque locis in morbida uiridaria transferre conantur. Quamobrem ibi innumera pulcherrima balsameta cernuntur. Lege tamen ijs populis interdictum est, ne præter fiscum quis eam plantam serere queat; neque succum, uel flores, uel ramulos, uel fructus sine publi-

co mandato quis capiat. Idemque ibi de balsami arboribus, atque hic de cassijs solutiuis accidit. Solet etenim hic alicui cassiarum negotium locari, & ideo non licet quemquam cassiam ex arbore capere, vendere, emere, aut emptam aliquo deferre. Quod itidem de balsamo in Arabia locis obseruari, ex Arabum relatione planè constat. At quid illi Aegyptiarum ac Arabicarum plantarum ignari herbarij dicēt, duobus ne tantum locis, quippè Aegypto ac Syria balsamum olim (Dioscoride, Theophrasto. Plinio, Iustinoque id docentibus) concessum fuisse? quasi aliorum antiquorum scriptorum testimonio non constet, in pluribus alijs etiam locis olim huiusmodi plantam vixisse: nonne Diodorus Siculus 2. historiarum libro, in quadam Valle Arabiae balsamum nasci, & non alibi memoriae prodidit? Constantinus vero in lib. de gradib. ait, nasci in India; & Ioseph etiam in lib. 8. de antiq. Iudaicis, Sabam Reginam balsami plantam ex Arabia in Iudeam tulisse, Salomonique eam dono dedisse, ex qua ibi aliae postea plantae propagatae fuere: & Strabo in lib. suae Geograph. 16. hæc scripsit: His proxima est foelicissima Sabeorum terra, quæ maxima natio est. Apud hos thus & myrrha, & cinnamomum nascitur, in ora etiam balsamum, & alia quædam herbula valde odorata: Necnon & Pausanias idem in lib. 9. his verbis confirmauit, dicens: De viperis vero ijs, quæ in Arabia inter balsami arbores versantur, diuersum quidem accepi. Id huiusmodi est. Sunt balsami arbores ex, quæ mirthi stirpis magnitudine. Folia illis, qualia herbae amaraco. Theophrastus vero in Asia etiam nasci prodidit. Incolæ quoque Basiliani montis Libani, olim Alexi Græcis imperante, in quodam loco illius montis Solis ortui exposito balsami plantas non paucas, è quibus tantum opobalsami suscipiebatur, quantum in Aegypto hic colligi consuetum fuerat, diu vixisse narrant. Ex quibus certe sciri potest, olim non solum Aegyptum ac Iudeam, sed etiam foelicè Arabiâ, & alia loca balsamum aluisse atque habuisse. Quæ veritas etiam ex ipsomet Dioscoride confirmari videtur, scribente, carpo balsamum, id est balsami fructus suo tempore adulterari seminibus hyperici similibus, ex Petra oppido delatis. ex quo certo colligitur balsami plantam alibi quam in Aegypto viuere, atque semina producere. Præterea verum quoque hoc esse ex me audies, non in Aegyptum ex Iudea, vt aliqui somniant, ipsum venisse, sed ex Foelici Arabia semper fuisse delatum: Aegyptiumque solum ve-

tuti neque Iudaicum, nunquam proprium, ac natium ei fuisse, in his locis balsamum perpetuò peregrinam plantam extitisse haud leue inditium est, eam ubique viridaria tantum aluisse, in ipsisque tantum vixisse, ut Theophrastus, Plinius, Strabo, ac Solinus meminerunt. Plinius enim hoc hijsce verbis significauit, dicens :
 » Sed omnibus odoribus præfertur balsamum uni terræ Iudææ concessum quondam duobus tantum in hortis, vtroque regio, altero iugerum viginti non amplius, altero pauciorum. Theophrastus vero hæc dixit : Balsamum in Valle Syriæ provenit. Eius arbuta duo tantum affirmant, alterum viginti iugerum, alterum multo minus : & Strabo de balsamo vallis Hierici, hæc etiam memoriæ tradidit : Vbi & regia est, & balsami viridarium, quæ arbor aromatica est, & fruticosa, Cytiso & Terebintho perfamilis. Quid nonne omnes obseruant plantas peregrinas in viridarijs tantum ali, ac custodiri, quædam verò ex patrijs tametsi etiam in viridarijs aliquândo seruentur, nihilominus multa alia loca inculta, syluestriaque ijsdem sponte natis non carere obseruantur ? At peregrina in viridarijs tantum magno studio, ac diligentia aluntur & conseruantur ; quod in incultis, syluestribusque locis sponte nasci, neutquam conspici solent. Hic vero balsami plantam perpetuò aduenam, vel peregrinam fuisse, & perpetuò ex Foelicis Arabiæ locis aduectam, plures vnà nobiscum Cayrum nunc habitantes certa fide confirmare poterunt, qui omnes, plantas balsami, quas hactenus hoc habuit viridarium, exinde conportatas fuisse varijs temporibus obseruarunt. Multoque labore, ac custodum diligentia vixisse, facileque ex leuissima etiam causa aruisse, quibus arefactis alias rursus ab illis locis extractas, hic infertas renouatasque ; & hoc modo alternatis vicibus balsamum in hoc viridario hactenus conseruatum fuisse. Nemo plantas tanto labore ac diligentia in viridarijs adseruatas patrias dicet, quando patriæ ubique sponte nascantur, crescant, ac nullo labore in proprijs locis uiuant. Ex quibus nos planè certi esse debemus, balsamum nunquam Aegyptijs ac Syris patrium fuisse, cum in viridarijs ibi multa diligentia, ac cura semper fuerit custoditum : quod tamen de Arabia Foelici, cum balsamum ibi perpetuò uiuat, minimè uidetur dicendum, nullibi etenim nunc ; quod sciam, huiusmodi planta, nisi Foelici tantum Arabiæ concessa, reperitur. Quam regionem Diodori Siculi, Strabonis, Pausaniæque testimonio,

vt nuper dictum est, constat balsami olim feracem fuisse, quæ eodem modo etiam nunc innumeras eius plantas sponte natas alit. Quam balsami fertilitatem omnes Aegyptij, atque aliarum nationum homines annis singulis Mecham Fœlicis Arabiæ urbem ad-euntes, ueram planè esse confirmant. Copiamque ibi opobalsami insignem annis singulis colligi, fructuumque non minus, & uirgarum (cum balsami frutices sæpe quotannis putent) quæ ad uarias orbis partes uendenda ab his demandatur. **ABDACH.** At istæc uera esse concedentes, dicent, quam pro balsamo tu, atque nostri Fœlicem Arabiam nunc alere inquirunt, non esse balsamum, sed aliam plantam. **ALPIN.** Notæ huius plantæ ab antiquis scriptoribus descriptæ ac memoriæ traditæ, istud recte docere poterunt. Nam omnes conuenisse uidentur, (ut ex te spero me magis distincte cogniturum) balsami plantam fruticem esse, non admodum magnum, folijs rutæ proximis, perpetuò virentibus, atque ex stipitis cortice scarificato liquorem in primis album oleo similem, eximio, acutoque odore præditum, manare. **ABDACH.** Millies tecum Abdella fruticem hunc ex Alpino descriptum me inspexisse in hoc viridario scio. Verum qui huiusce plantæ notas quærit, quibus nam hominibus magis credere debet, Italis ne, an nobis Aegyptijs, qui vnâ cum balsamo in hac ciuitate hætenus uiximus, eamque arborem sæpius in hoc viridario inspeximus? Nemo certe ita fatuus erit, qui hac de re uobis, quàm nobis libentius credere, ac fidere maluerit. Hanc uerò plantam pro uerâ arbore, quæ ab antiquis balsamus appellata est, & in posterum memoriæ prodita, nostri omnes Arabes hucusque constantissime habuerunt, Aliamque pro balsamo ab alijs monstratam nemo nostrum uisum offendit, vel uidit, uel aliquem uidisse vnquam audiuit. His addo nomen huiusce plantæ, quod est Balesan à nostris ei fuisse impositum, à quo & Græci βάλσαμον littera carentes, in u, mutata, βαλσαμον dixere, atque ab ipsis Latini Balsamum. Cur igitur Italis magis, quàm nostratibus de hac planta credendum erit quando à nostris & Itali, & Græci, vel nomen ipsius plantæ acceptum, didicerint. Quapropter Balsami cognitionem à Dioscoride, Theophrasto, atque ab alijs antiquis scriptoribus minimè petendam iudico, sed ab Aegyptijs & Arabibus, qui loca, in quibus balsami plantæ omnium consensu olim uixerunt, habitarunt. Si Aegyptij Arabes, Syri, atque alii om-

nes Arabica lingua utentes medici citra ullam difficultatem talem fruticem nunc in Foelicis Arabiae locis cultis, atque incultis, domesticis, atque syluestribus nascentem, tanquam verum balsamum recipiunt, eodemque tum succo; tum fructibus, tum uirgis, pro uero opobalsamo, carpobalsamo, & xilobalsamo, nemine ipsorum hesitante, ad componenda medicamenta, utuntur: Cur Itali etiam, atque alij aliarum nationum medici ab illis, qui magis quam nostri sunt in ea cognitione, eoque usu, exercitati, ac docti, idem facere recusant? Certe indignum facinus est, uos hanc ueritatem non fateri, sed potius, quo minus à multis ea dignoscatur, operam dare. A L P I N. Hæc doctissime à uobis prodita fuisse arbitror, ueruntamen quoniam cum medicis, pharmacopolisque incredulis disputatio agitur, quaeso si quid aliud apud uos utique sit, quod hanc ueritatem ad huc etiam illustrare possit, ne uos me istud quoque docere, pigeat, ut postea quam ego in patriam, Deo concedente, rediero, facilius id incredulis illis hominibus possim suadere. A B D E L. Cum anno à Beatissime Virginis partu M. D. LXXV. Petro Michaeli uiro Clarissimo, pro Serenissima Veneta Republica consulatum hic agente, Eunuchus Messir dictus, Aegypti Praefectus, Cayri ciuitatis huius quæpiam loca inuiseret, huncque praesertim locum el Mattharia nuncupatum deuotionis gratia (quando hanc in proximam domunculam olim Beatissimam Virginem cum puero filio Herodis iram fugiendo se recepisse, multosque annos in ea mansisse omnes Aegyptij opinentur, atque ob id hunc locum in summa habeant ueneratione) singulis hebdomadis die Veneris, sacrum, uenerandumque hunc locum uisitans, uiridarium hoc proxime positum aliquando animi gratia ingressus, uidit omnes balsami plantas custodum negligentia aruisse; qua re commotus, ut è Mecha quadraginta plantæ afferrentur curauit, eamque operam cuidam militum, ac peregrinorum duci, Mecham singulis annis deuotionis gratia proficiscentium, Haly Bei nomine locauit; qui mihi admodum domesticus; atque familiaris fuerat, eumque sepe ex renum calculo pessime ægrotantem inuiseram, ac curaueram; plantasque illas quadraginta præcisissimis ramis detulit, quæ in consueto huius uiridarij loco insertæ fuerunt, dumque sererentur, ego unâ cum Paulo Mariano eo tempore pro Gallorum Rege Consule medicinæ quoque causâ mihi familiari, atque cum multis etiam

Cayrinis

Cayrinis medicis in re plantaria valde exercitatis interfui . Ex ipso autem Haly Bei Cayrum reuerſo veri opobalsami binas vntias dono habui, atque ab alio, qui poſt hunc illud iter conſecerat vntias tres . Horrem Bei alius Carauanæ peregrinorum dux meus amiciffimus, cuius in domo ſæpe tum ipſius, tum aliorum cauſa medicinam feceram, peregre anno M. D. LXXX. Mecham profectus, atque ſic à me rogatus, attulit multa ſemina, & ramulos eximium odorem ſpirantes, atque multum opobalsami à Seriph Meche partim acceptum, cuius modicam portionem dono dedit Francisco Priolo, tunc temporis Cayri pro Venera Natione Conſule Clariffimo, & partim ab ijs, quibus balsami negotium locatum eſt, emptum . Poſtmodum Scander quidam & ipſe dux militum, Medinam Fœlicis Arabiæ urbem pro prætorè à Baſſa miſſus, mihi non minus quàm alij, medicinæ cauſa familiaris, atque etiam quia ex Inſula Zacintho à Segurorum familia ortum duxerat, balsami recentes ramos, fructus, ac ſuccum miſit, ac per literas ſua manu ſcriptas, ſignificauit proprijs manibus ibi ea collegiſſe, quæ omnia apud me adhuc aſſeruantur . Omnes prædicti nobiles Turcæ uno ore affirmant, propè Mecham & Medinam, in montibus, planis, cultis, atque incultis locis innumeras balsami plantas ſponte natas ſpectari . plurimasque etiam in arenosis, ſterilibusque locis, quæ tamen vel nihil, vel minimum ſucci producebant . Multa tamen ſemina ferunt, quorum multa copia ad nos quoque vendenda mittitur . Quales ſunt in monte arenoso apud Bedruniam Villam poſito . Nihil hæ, atque aliæ in arenosis, ſterilibusque locis viuentes opobalsami ferunt, ideo incolæ eas excerpunt, atque pingui in ſolo inferunt, fœcundiſſimasque reddere ſtudent . Addunt, apud omnes Arabes veterum memorijs conſtare, paſſim in pluribus Fœlicis Arabiæ locis innumeras ſponte naſcentes, atque crescentes balsami plantas perpetuò vixiſſe, nunquamque illa loca ijs caruiſſe . Non multum temporis tamen eſſe, ex quo plurimi eas colere lucri cauſa cæperunt, cum ſcilicet opobalsami facultas ac vires ad quam plurimas Orientis regiones conceſſerint . Narrant adhuc ijdem omnes Arabes, vti balsami ſucco, fructibus, ac virgis ad componenda ipſorum omnia medicamenta, atque ad alios medicinæ uſus, quæ eadem planè exiſtunt, quibus Aegyptij Syri ad uſum nunc recipiunt, quæque à uobis uaria in Europæ loca hinc aduecta, negliguntur, atque reiſciuntur, falſaque eorum multi

D E B A L S A M O

multi (te auctore) pertinaciter, ac inutiliter esse disputant . AL-
PIN. Ex his, quæ te uera dixisse arbitror, me non parum pudet,
quod cum illis tot annos in tanto errore permanferim . quem ex
te nunc probè cognouisse fateor . Cupio igitur plantam hanc suis
notis à te quoque describi, in quam attollatur magnitudinem, qua
libusque floribus, & fructibus obseruata a uobis sit, quo pacto que
etiam ab ea planta opobalsanum distillet, sponte ne, an, ut multi
dixere, arte potius elicited . ABDACH. Hic nullas, quas ego
uiderim crescere, flores, uel semina tulisse unquam spectare po-
tui, etsi succus interim paucus à cortice stipitis scarificato aliquan-
do distillauerit. Verum hac de re Abdellam audiamus, qui hæc ex-
ploratus, & reliqua docebit . Interimque dum loquimur, man-
des uelim mancipio tuo, ut nobis hic è domo huiusce plantæ icho-
nem, quæ apud te est, deferat, ut Alpinus noster ueram Balsami
Ichonem uideat . ABDEL. Recte mones, libenterque faciam.
ALPIN. Ego uero utrique uestrum multas hac de causa gra-
tias referam. Mihi que istuc acceptissimum semper erit.

*Planta, quæ ab antiquis Arabia medicis Balesan, à Græcis
βαλσαμον, & à Latinis Balsamum uocabatur, fructuum,
succiq; descriptio. Cap. III.*

A B D E L L A.

BALSAMVM arbusculum est, quod crescit ad alti-
tudinem hanne; uel ligustri, uel cytisi, folia paucissi-
ma gerens rutæ proxima, non tamen iis candidiora,
ut Diosc. docuerat, sed potius colore uiridi subalbido,
perpetuòque uirentia . Eius lignum gummosum lenèque appa-
ret, colore exterius subrubro, cuius ramuli eodem colore conspi-
cui sunt longi, recti, graciles, paucis foliis inordinatim referti, fo-
liaque simul terna, aut quina, aut septena alè adnata, aliquo pa-
cto etiam lentisici foliorum æmula . sunt ramuli odorati gummo
si, digitisque contrectati eis tenaciter adherentes . Flores fert par-
uos, albos, acaciæ proximos, ternos singulis alis appensos, quasi
in umbellæ forma, summe odoratos, à quibus semina promanant,
flaua, folliculis nigris subrubescensibus contenta, ualde odorata,
intusque

intusque humorem flauum melli per similem habentia, sapore sub-
amaro, parumque acri linguam ferientia, opobalsamumque redo-
lentia, Terebinthi fructuum figuræ, & magnitudinis æmula, ex-
trema aculeata, & medium crassum obtinentia. Cui descriptioni
maxime quadrare uidetur illa, quæ fuit à Constantino Aphricano
tradita, quæ his uerbis apud ipsum in libro de grad. legitur. Balsa-
mus est arbor in India crescens, salies super terram mensura vnus
brachij, uel parum plus. Cuius rami rubeo viridique colore perfusi
quasi rami thitymali tenues sunt, & colorem viridem habentes.
Faciuntque in capite quasi gemmas, paruaque grana in modum pi-
peris producentes. Ex fissuris ramorum huius arboris, egreditur
quidam liquor in canicularibus diebus, sicut lac ex thitymalo.
Opobalsamum mensibus, Iunio, Iulio, Augusto, partim sponte, &
partim stipite ferro scarificato, distillat, in vitreaque vascula reci-
pitur; quod statim eductum, ut audio, colore est albo, qui paulo
post in viridem, tertio in aureum, & demum in melleum mutatur.
Eius succi etiam substantia in primis, turbida crassaque, ut oleum
statim ab oliuis expressum cernitur, postea tenuissima atque cla-
rissima, demum terebinthi modo crassescit. Odore eximio in pri-
mis atque acutissimo terebinthum redolens, cum suauiori odoris
fragrantia obseruatur, saporeque amaro, acri, & adstringenti. Le-
uissimum est in primis diebus, atque usque adeo validi, & acuti
odoris, ut aliquibus inter odorandum, sanguis e naribus eruperit,
& præ multa eius leuitate in aquam stillatum non desidet, sed ex
alto in ea proiectum parumper in ipsa mergitur, fereque continuo
assurgens, supra totam aquæ superficiem totum expanditur, eique
miscetur, & citissime ita in ea dissoluitur, ut ab aqua maxima cum
difficultate separatum secernatur. in qua paulo post concrescit,
atque coagulatur, coagulatumque stilo totum ab aqua eximitur,
quod tunc colore lactescit, siue album quale lac uisitur. Quanto
hic succus annosior, eò sit inodoratior, atque ad motum segnior.
In primis itaque statim albo colore conspicitur, qui color paucis-
simis diebus in viridem, ut nuper etiam dixi, mutatur, oleique cras-
sitie cernitur, qui postea longo temporis intervallo depuratur,
nonnullisque annis tenuissimus euadit, atque clarissimus, ex vi-
ridique colore in aureum splendidissimum transit. Senio vero con-
fectus, crassus qualis terebinthina sit, qui si in aqua, uel lacte stille-
tur, statim confidet, multaque cum difficultate, & non nisi longo
tempore

D E B A L S A M O

tempore denuò supra aquam fertur, tardissimeque in ea dissoluitur. Quare non secus quam in animalibus omnibus quatuor constituuntur ætates, quæ in ipsis maximam differentiam faciunt, & balsami succo, quod opobalsamum dicitur, proculdubio à nostris quatuor tempora tribuuntur. Quandoquidem ille succus ab arboris stipite continuò elicitus usque ac quintum circiter annum acutissimi, validissimi que odoris percipitur, leuissimusque usque adeo obseruatur, ut in aquam stillatus, nihil, vel parum confidat, facillimeque diluatur, quod eius calor in annis infantie plurimus existens, ei acutiem atque vehementiam præstet, Crassiori quoque substantia tunc cernitur, & turbida, quod cum multus in eo exuberet crudus humor, eo ob calorem in ipso agentem valde agitato, instar vrine turbide, quæ in pestilentibus febribus fieri solent apparet, & quemadmodum puerorum corpora multa humiditate, atque multo calore prædita crassa, ac ferè tumentia videntur, ita opobalsamum in pueritiæ annis constitutum à multa humiditate excrementitia, cum validissimo calore in ipsa agente, crassum, ac turbidum apparet, quod in grandiori ætate ab ea purgatur, tenuissimumque fit, & aureo colore clarissimo spectatur; in quo statu, consistentiæ ipsius ætate continuante, conseruatur, posteaque calore eius natiuo aliquatenus resolutò, ac imminuto, senescens crassum instar terebinthinæ euadit, solitoque tum odore eximio tum leuitate deficit. Proinde neque supra aquam enatat, neque multum, & suauiter olet. Hæcque de balsami planta, fructibus, lignis, succo tibi dicta sufficiant. A L P I N. Quæso ne te pigeat, ad nonnulla adhuc, quæ a nostris, balsami descriptioni repugnantia proferuntur, respondere, ac satisfacere, quando ea non parum huiusce plantæ cognitam veritatem obscurare, ancipitesque nos reddere videantur. Antiqui etenim omnes balsami scriptores inter se in illiusce plantæ, succi, fructuum, virgarumque descriptione discrepare videntur, ex quibus non videtur, tutum satis esse illorum cognitionem perquiri debere. Qui fuere in causa, ut nostri ipsorum traditionibus imbuti, verum sibi oblatum opobalsamum, fructus, virgas, veras esse non crediderint. A B D E L. Summum semper errorem esse putari, homines plantæ huius, succi, fructuum, virgarumque cognitionem à Dioscoride, Theoph. vel alijs antiquis scriptoribus velle exposcere, quando ista inter eos in scribendo fructice, succo, fructibus, & virgis, diuersitas certissimum ignorantie

rantia argumentum nobis fuerit. Ego sum huius sententia, neminem illorum fortasse accurate arborem hanc vidisse, ex audituque omnia de eis ab ipsis litteris prodita fuisse. Olim enim non erat ita facile hominibus loca, in quibus balsamum nascebatur, ex longioribus difficilioribusque nauigationibus, quibus eo tempore antiqui utebantur, adire, proinde multa Dioscorides, Theophrastus, atque alij multi ex hominum potius relatione, quam ex inspectione de balsamo scripsere. Hincque mirum non est, si in pluribus nostri ipsorum sententia inhaerentes decepti sint, quando & ipsos à falsis aliorum relationibus deceptos fuisse putandum est. An non Dioscoridem, Theophrastum, atque alios affirmantes. Balsami plantae Aegyptum, vel Iudeam patriam fuisse, cum dixerint eam solum in Aegypto & valle Iudaea viuere, maximè errasse superius demonstratum est, cum illam plantam ex Aegyptiorum relatione perpetuò ex Arabia foelici in Aegyptum venisse certissimè constet? Ex quibus mirum quoque non esset, in alijs eosdem deceptos fuisse, praesertimque in succi, fructuumque cognitione. Hincque his herbarum scriptoribus omnes medicos pharmacopolasque planè fidentes, errasse mirari non debemus, quando non ab illis, ut etiam dixi, sed ab Aegyptijs, & Arabibus, qui tum primi balsamum cognouerunt, atque obseruarunt, tum etiam cum huiusmodi planta in eodem solo nati sint, atque eadem loca, in quibus viuit & vixit balsamum, habitarunt, istorum cognitio esset petenda. Sed quæ ea existunt, quæ nobis repugnent, fac ut ex te iam audiamus. ALPIN: Quæ de balsami arbore à multis olim litteris tradita fuere, nunc in medium afferam; Reliqua verò de succo, fructibus, virgis, ad vsum medicinae memoriae proditis, posterius à me recensenda arbitror. Multa igitur, variaque de huiusce stirpis magnitudine, figura, situ, folijsque à multis prodita sunt, quæ non parum ueritatem obscurant, hominesque ancipites, ac rem hanc totam incertam efficiunt. Aliqui siquidem plantam istius magnitudinem lycij, pyracanthæ, vel Cytisi, vel therebinthi magnitudini compararunt, ut Dioscorides, Straboque dixerunt. Theophrastus vero dixit ea magnitudine balsamum spectari, qua magna mali punici arbor obseruatur. Iustinus similem piceis arboribus affirmavit, & Pausanias mirtho; Plinius, Solinus, atque Africae descriptionis auctor, viti, hanc plantam compararunt. De eius folijs non minor est apud illos diuersitas, deque arboris figura. Quando Dio-

T scorides

scorides, Theoph. Plin. Auicenas, Simeon Sethus balsami folia ru-
ta proxima esse statuerint, & Pausanias amaraco, Iustinus piceis,
Solinusque & auctor Aphricæ vitium folijs. De forma etiam vel
figura arboris, alij arbutum, alij fruticem faciunt. Plinius enim
” de eo dixit: In totum alia est natura, quam nostri, externiq; pro-
” diderunt, quippè viti similior est, quam myrtho; Quod etiam Soli-
” num dixisse ab illiusce verbis constat, quæ hæc existunt: Similes
” vitibus stirpes habent: ac Iustinus; Siquidem palmeto & opobal-
” samo distinguitur arborem opobalsami formam similem piceis ar-
boribus habent: & Strabo: Quæ arbor est fruticosa Cytiso & Te-
rebintho persimilis. Nonnulli etiam affirmant, plantam hanc ali-
aqua, illaque tantum, quæ in proxima fonte illiusce proximæ do-
munculæ scaturire cernitur, aiuntque miraculo id fieri; quando
ipsa sit pluribus virtutibus prædita, quòd Virgo Beatissima olim
ibi multos annos morata, ea aqua, tum ad potum, tum ad cibum,
tum ad mundandos panniculos Iesu Christi pueruli vsa fuerit: ex
quo tanta in veneratione omnes viri mulieresque Aegyptiæ, Ara-
bes etiam Mahometis affectu eam habuerunt, vt ipsa ad multorum
etiam morborum curationem confidenter vtantur. Multi que ex
longinquis, remotissimisque locis huc veniunt, vt ex huiusmodi
aqua accipiant: quare nonnulli balsamum huius aquæ beneficio
hactenus hic vixisse aiunt. Hæcque sunt, quæ de arbore isti dicunt.
A B D E L. De balsami fruticis altitudine, figura, ac folijs, ea quæ
ex te nunc proposita sunt nihil veritatem hanc obscurare possunt.
Namque Dioscor. atque alij, qui hanc plantam magnitudine simi-
lem esse lycio, cytiso, terebintho, & pyracanthæ, affirmarunt, mini-
me errarunt, cum hæc omnia arbuta magnitudine non multum
inter se differant, eisque planta balsami maior non sit, sed hic nul-
læ cernuntur arbores balsami, quæ ita magnæ spectentur, siquidem
grandiores, quas hic aliàs viderim, non assurgunt ad maiorem triū
cubitorum altitudinem. Audio tamen in Arabiæ solo eas plantas
ad prædictorum arbusculorum altitudinem, & maiorem etiam ex-
crescere. In Aegypto, & Arabia mali punici arbores parvæ exi-
stunt, ita, vt inter arbusculorum fruticumque numero ibi connu-
merentur, neque ad tantam assurgunt altitudinem, quales in Italiæ
locis obseruantur, Quare neque Thephrastus reprehendendus erit,
quòd scripserit, esse magnæ punicæ arbori balsamum simile, quan-
do hæ nostræ Italicis longe sint humiliores. Iustinum uero, quod
picci

piceæ arbori plantam balsami similem asserat, deceptum omnino fuisse, credendum est. Ex ipsiusque verbis error apparet conspicuus; nam piceis arboribus balsamum similem esse dicens, subdit, & in vinearum more excoluntur: quis tamen uspiam vidit piceam arborem viti similem, & in vinearum more excoli? Inter quas quanta sit differentia, non est, quod nunc demonstretur. Fuisse vero balsami plantam ramulis fruticosis, ac sarmentosis viti similem dubium quidem non est, ut neque etiam, quemadmodum vites, annis singulis putari, quod sit admodum fruticosa, & sarmentosa. Non tamen quod ad folia attinet, viti ea planta est similis, cum folijs referta sit rutæ aliquatenus proximis, præsertim vero extrinseca tria foliola, quæ in singulis virgæ balsami alis cernuntur, quando ipsa simillima sint tribus ijs foliolis in extremo virgæ atque rutæ positis; colore excepto: Neque absurdum est, Pausaniam dixisse balsamum folia habere amaraci æmula, quoniam suspicor ego ipsum plantam balsami non adultam, sed tantum recenter ex eius seminibus natam inspexisse, quæ folio, magnitudine, ac figura amaraci folijs omnino sunt similia, excepta earum crassitie, ac colore, quibus ea folia inuicem differunt, nam in amaraco sunt graciliora, & albidiora. Balsamum, quod ex seminibus nascitur, bina folia in primis habet, bifolij nascētis vitis maxime similia, & quæ post hæc, quæ sunt tria, quatuor, vel quinque, produntur, amaraci folijs sunt proxima; Quæ vero tertio nascuntur singula trina existunt, rutæque proxima cernuntur. Repeto, prima nascentia folia bina sunt, secundo nata, his multum diuersa produntur, inordinatimque in virga. Tertio producta trina cuilibet alæ appensa, cernuntur, quæ rutæ sunt proxima, tribus inquam foliolis in extremo atque virgæ rutæ conspicuis. Quarto, quæ nascuntur in virga balsami, sunt quina, & postea septena. Hæcque sunt balsami folia, aliter quam scriptores antiqui descripserint in hoc viridario in fruticibus balsami sæpissimæ visa, ex quibus atque alijs fortasse Dioscoridem, atque alios multos antiquos scriptores viuentem balsami plantam non inspexisse, iure suspicamur. Hanc etiam arborem in hoc viridario vixisse certum est, aqua ex hoc proximo fonte, in quo Beatissimam Virginem panniculos Saluatoris nostri pueri olim perpetuo lauisse nostri omnes autumant, irrigatam; tamen in arenosis, squalidisque locis non paucae reperiuntur, quæ tamen quo ad opobalsamum steriles existunt. Atque hæc obiter de balsami

D E B A L S A M O

planta dicta à nobis, sint. Nunc ad opobalsamum deueniendum,
Sed balsami plantæ ramos, quos mihi domo, mancipium detulit,
absoluto de ipso sermone spectabimus.

*Veri opobalsamæ cognitio unde sumatur, & qui ex antiquis
verè hunc succum litteris prodiderint.*

Cap. IIII.

A B D E L L A.



V I D inquires Alpine de Balsamæ planta? nonne à no-
bis probè, ut ueritas exigebat descripta est, deque eius
folijs, floribus, fructibus, ac uirgis, quæ dicta a me
sunt, uera tibi esse uidentur? **A L P I N.** Omnia sanè
rectissime, ac uerissime es prosecutus, sed supersunt tamen quæpiã
de succo quoque, fructibus, ac uirgis dicenda, cum antiqui scripto-
res, qui de balsamo scripsere, simul in horum descriptione inter se
nihil ferè cõuenisse uisi sint: quorum diuersitas, ut de arbore etiam
nuper dictum est, fuit causa, ut multi negarint, quæ pro opobalsa-
mo, carpobalsamo, & xilobalsamo monstrantur, uera utique esse,
nullumque ob id ipsos credere, syncerum ac legitimum opobalsa-
mum ad nos asportari: de quo primo sermonem a nobis haberi
cupio, mox de ceteris. De opobalsamo igitur multi huius sunt
opinionis, ut arbitrentur, syncerum ad nos non aduehì, neque
iniuria, quando ex te descriptum opobalsamum, a nobisque sæpius
inspectum, diuersum sanè videatur ab eo, quod omnes prisci rei
herbariæ scriptores memoriæ mandarunt. In primis enim album
multi ipsorum esse prodidere. **Strabo** siquidem dicebat: eius cor-
ticem scindentes succum in uasis suscipiunt tenacè lacti perfimi-
dem. & **Plinius**, succus è plaga manat, quem opobalsamum vocant
proximæ suauitatis, sed tenui gutta ploratu lanis parua colligitur in
cornu, ex his nouo fictili conditur, crassiori similis oleo, & in musto
candida. Et **Simeon Sethus** vir in balsami historia alijs non post-
ponendus dixit: Succusque inde manabat omni oleo visu simi-
lis, quod ideo balsamæ oleum nominatur, succus his aggregatus
uasculis excipiebatur, & id quidem, quod supernatabat, album ac
tenue erat, & ideo preciosius: Alij sunt rursus asserentes, hunc suc-
cum

cum non esse tenuem, sed crassum, veluti qui dixere in conchis susceptum coagulari: Cum vero opobalsamum, quod tu descripsisti, & nos sepe inspeximus, vel viride, vel aureum, vel mellis colore obseruetur, interdumque turbidum, interdum clarum, ac tenue, aliquandoque vt terebinthina crassum cernatur, (nemo enim nostrum est, qui eum succum tot prædictis differentijs euariatum non viderit scilicet oleosum, viride, aureum, ac melleum, clarum, turbidum, tenue, crassum,) de ipso varios, & dubios esse mirum non erit. ABDACH. Facile has ambiguitates noster Abdella ex animis nostris abiget. Præsertim cum harum explicatio ex ijs pendeat, quæ dudum ipse attulit. Dixit enim opobalsamum iuxta eius ætates varias, variari & ipsum, quo ad colorem, substantiam, perspicuitatem, odorem, & leuitatem; continuoque à stipite instillatum ac exceptum, albo colore conspici, præsertimque quod supra enatat, veluti minus quod subsidet, qui color paululo momento in subviridem oleosum mutatur, qui post quinquennium, vt superius etiam dictum meminimus, aureus fit, ac demum senio confectus crassescens, mellis colorem, obscuriorem tamen accipit. Tot etiam mutationes in perspicuitate, substantia, odore, leuitate, eius varias ætates facere aliàs dictum est, quando opobalsamum recenter eductum per quinquennium turbidum maneat, à quo tempore clarescere incipit, per decenniumque ferè ipsum clarissimum, ac vt aurum splendescere obseruatur; postea senescens turbidum rursus euadit. A stipite etiam statim exceptum tenuissimum est, pauloque post parum crassescit, atque hinc Strabo dixit, susceptum in conchis coagulari, peractoque quinquennio, quod tempus pueritiæ datur, purgatur, facemque in fundum vasis deponit, tenuissimumque fit, & totidem geminatis peractis annis senescens crassum, crassiusque est, quo annosius. Odor non minus & sapor, in recentissimo validissimus est, in medio tempore odor fit suauior, thus ac terebinthum redolens cum suauiori tamen odoris fragrantia, sapor est amarus, sub acris, atque adstringens. Demum in senio omnia hac maxime remissa percipiuntur. Hincque Plinium deceptum fuisse arbitror, qui putauerit, optimi huius succi lachrymam fricando percipi odoratam. Siquidem opobalsamum senio solummodo confectum inodoratum fit, vt tunc solum frictione dignosci queat. In principio etiam hic succus tenuissimus est, qui quam maxima difficultate in aqua, vel alio liquo

D E V B A L S A M O

re instillatus confidat, sed continuò in aquæ superficiem feratur, citoque cum aqua dissolvitur: annis vero consistentiæ medio se habet modo, senescēsq; colore eius imminuto, crassescit, quo fit vt subito in aquam proiectus confidat, tardissimeque sursum in aquæ superficie feratur, difficillimeq; ac tardissime cū ea dissolvatur. Hæcque etsi non ita concinna oratione, tamen ad tuarum difficultatum explicationem accommodata satis esse Abdella noster iudicabit. **ABDE L.** Ego vero sic ea vera iudico, vt omnes, qui de opobalsamo scribentes, aut loquentes ab his dissenferint, rem prorsus ignorent, ex quibus Plinium ex uarijs coloribus, ac substantijs in opobalsamo inspectis, varias eiusce succi differentias vel species facientem errasse clarissime patet; dixerat enim ille: Lachrymæ probatio, ut sit pinguis, tenuis, ac modice ruffa, & in fricando odorata, secundus candidus color peior viridis, crassusque pessimus niger. Nemo Aegyptiorum, vel Arabum album opobalsamum nisi ex arbore recentissime stillatum vidit, qui tamen color quam paucissimis diebus euanescit, atque, ut dictum est, in olei colorem vertitur, atque ab eo colore in aureum, & de nique in melleum obscuriorem. Nigrum vero nunquam ab aliquo nostrorum, uel Arabum visum est, neque auditum. Nisi fortasse produceretur nouissime ab Occidentalibus Indijs delatum, à quibusdam pro legitimo opobalsamo, ut superius quoque meminimus, receptum. Quod tamen falsum esse planè constat, cum ij, qui eius historiam scripsere, affirmant illum succum improprie opobalsamum vocatum, in Occidentalibus Indijs ex procera, ac magna arbore nasci, quæ quidem magnitudine, figura, ramis, folijs, fructibus à vera balsami arbore longissime differt. Quod ijs qui vtramque norunt arborem, nō erit difficile suadere. **ALPIN.** Simeon Sethus confirmare & ipse videtur, optimum opobalsamū recentissime à stipite distillatum album colorem habere, nec non, & Strabo, qui opobalsamum læti similem esse scribit. Sed quamquam huiusce succi albus color pauculis diebus a stillatione euanescat, atque in alium colorem mutetur, nihilominus, quod non paucis valde admirandum videbitur, opobalsamum oleoso colore inspectum, in aqua vel lacte stillatum, album rursus videri: & idem etiam facere aureum, & melleum. Perpetuoque verum opobalsamum cuiuscumque coloris sit, in aqua, vel lacte stillatū, ac liquatum album spectabitur. Hincque Dioscorides doctissime dixit:

dixit: Quin etiam syncerus in aqua, aut lacte celerrime liquatur, coloreque lactescit. Nunquam quisquam opobalsamum uisui non album, album esse iudicarit, quod tamen verum esse experientia docebit, si inquam quis sinet stillatum in aqua, liquari, ac coagulari, ipsum etenim liquatum supra aquam ita album redditur, ut vix ab aqua distinguatur, sed paululo momento in ea coagulatur, eique instar telæ albæ incumbere, & in ea supernatare cernitur, manifestiorque eius albus color fiet, si coagulatum stilo quopiam ab aqua eximatur, aut extrahatur. Sed hæc illius succi experientia per æstatis tempus est facienda, uel si hyeme, prope ignem, opobalsamo probe prius calore attenuato. At cur ex albo tam citò in aliū colorem mutatur? ABDEL. An quod lactei illiusce coloris substantia mollis, ac tenuissima, quam citò resoluitur ac dissipatur? vel quia nondum eius calor præualidus in eum succū agendo ipsum turbauit? Idem in Zebet obseruatur, etenim statim è testibus extractus lacteo colore inficitur, pauloq; ebullire incipiens, uirescit, & tandem subnigrescit. ALPIN. Rectè sunt a te hæcenus explicata, & enarrata omnia. Nunc igitur ego idem a te fieri cupio, pro indagandis, ac docendis notis vel signis, quibus uerum a non uero, syncerum ab adulterato rectè distinguatur.

*De notis, quibus uerum opobalsamum à non uero,
Syncerum ab adulterato tuto cognoscitur, ac
discernitur. Cap. V.*

ABDELLA.

HIS notis quisque probè ac exactissime uerum hunc succum, a non uero, & legitimum ab adulterato dignoscet, neque ab aliquo ita facile decipi poterit, etenim succus is, qui nondum ad senium, inclinare cæperit, colore albo conspicitur (quod rarissime, & non nisi dum ipsum est stipite stillat, vel recentissime eductum uidere contingit) vel uiridis est, oleosus subturbidus, oleoque substantia & colore valde similis, uel aureus fulgentissimus, tenuissimus, atque clarissimus. Qui sanè omnes has notas habebit, uehementis erit odoris, & quo magis etiam recens est, acutioris, terebinthum cum alio sua uiori

uiori odore redolentis, gratissimusque olfactui erit. Gustu etiam subamarus, adstringens, & modice mordens percipietur, lævis, diluique facilis, quæ nota, eo instillato in aqua vel lacte dignoscetur, lævis enim extabit, & vel nihil sub aqua morabitur, uel parum, & quasi continuò supra eam sursum assurget. In qua citò diluitur, vel liquatur, nil vinctuosi retinens, vel oleosi, tenax, siue lentore aliquo præditus est, hisque omnibus notis uerum, syncerumque opobalsamum semper omnibus apparebit. ALPIN. possit ne quis aliquod factitium oleum ita simile opobalsamo parare, ut eo multos decipiat? ABDEL. Sine dubio, cum Gal. suo tempore etiam ipsum usque adeo adulterari dixerit, ut vix adulteratum cognosceretur. Veruntamen quod adulteratur, necesse est, ut aliquo liquore, vel oleo, vel vnguento vitietur. Dioscorides dixit, opobalsamum vitiari posse admisto teribinthi, cypri, lentisci, balanique vnguento, & susino, metopio, melle, cypriaque cera liquida. Serapio his addidit oleum rosaceum, myrtinū, & de alcanna, quod cyprum appellant. Plinius ex seminibus veri balsami, quæ vocant carpobalsamum, extrahi simile oleum asserit, qua via multi ex ipsis oleum exprimunt, uero opobalsamo admodum simile; quod tamen ab eo discernitur amariore sapore, odoreque opobalsami longe obscuriore. Prodit etiam ipsum adulterari posse oleo rosaceo, cyperino, lenthiscino, balanino, terebinthino, myrtino, resina, galbano, & cera cypria, quæ sanè eadem existunt, quorum nuperrime Dioscoridem subnomine vnguentorum meminisse, dictum est. Sed forsitan melius ipse dixisset, oleis, quàm unguentis adulterari posse, quod ille succus tenuis perinde ac oleum sit, minimèque crassus, nisi senio fuerit confectus. His igitur opobalsamum vitiari potest, cuius maleficium facile deprehenditur, oleoque adulteratum trifariam detegitur, atque in primis, quod digitis contrèctatū, nullo lentore, vel viscositate adhæreat, quando verus balsami succus lentore, ac viscositate quapiam non carere à nobis aliàs dictum sit, à multisque ex antiquis scriptoribus confirmatum, oleo siquidem resinarum omnium tenacitatem abigi omnibus manifestum est. In aqua præterea instillatum supra eius superficiem orbiculorum formis expandi nemo nostrum ignorat. Quod syncerum opobalsamum non facere posterius docebitur. Demum in panno oleo infecto macula relinquitur, quæ & difficile aufertur, & quotidie etiam magis maiorem

in circulum expanditur, quod non fit in syncero opobalsamo. His igitur notis opobalsamum oleo vitiatum cuique patere poterit. His etiam comperietur vitium, si vnguenta ijsdem oleis composita misceantur, sed hoc amplius ijs aderit, quod in opobalsamo parui temporis spatium in fundo vasis vnguenta sidere necesse est. Cera vero mistum comprehendetur turbido colore, nunquam clarescente. Melle etiam infectum dulcis sapor detegit, atque ad ipsum, ut Plinius quoque testatur, muscas alliciet. Resina adulteratum in carbones instillatum, nigriorem flammam edit, substantiaque crassiore quam in syncero sit, spectabitur. Syncerum vero his notis innotescet, namque præter ea signa, quæ illum iuxta varias ætates præferre diximus, hæc etiam addidimus, scilicet præterquam quod sit validi odoris, in aqua etiam stillatum, tametsi parva satis sit gutta, supra totam aquæ superficiem expandi, eamque liquatum totam supernatare, ac obtegere, atque in ipsa etiam citò coagulari, lactisque colorem adipisci, ac non minus ex ipsa coagulatum totum stilo quopiam excipi, ac auferri, quodque fustum in laneam vestem, eam, ut oleum non inficit, quamquam ei adhæreat. Lacque coagulat, etsi non ita, ut coagulum facit, quia lac non perfecte coagulat, quinimo cum ipso coagulatur. ALPIN. Multo plura, quam tu de synceri opobalsami, ac vitiati notis complexus es, apud multos leguntur. Dioscorides siquidem hæc utique nobis prodiderat. Succiprobatio est, ut sit recens, validi odoris, Syncerus, non ad acorem vergens, dilui facilis, levis adstringens, ac modice mordens gustu. Et ubi ea, a quibus opobalsamum potest adulterari memineras, hæc subiunxit. Namque merus in laneam vestem fusus neque maculam facit, neque si eluatur notam relinquit. Vitiatus autem inhaeret, & lac instillatus coagulat, quod adulteratur non efficit. Quin etiam syncerus in aqua, aut lacte celerrime liquatur, coloreque lactescit, vitiatus vero olei modo innatat, se conuoluens, aut in stellæ modum diffundens, syncerus senescens crassescit, deteriorque redditur. Hallucinantur, qui a qua concretum pessum ire & ad ima sidere, arbitrantur, postea dissipatum supernatare. Et Plinius ait, syncerum inhaerescere, & in tepida aqua eius guttam coagulari & ad ima sidere, lac coagulare, & in vestem maculam non facere. Et Avicennas: lac coagulare, aquaque ipsum misceri, & in ipsa densari, densatumque conservari, atque a gossypio receptum ablui posse. Serapio eadem a

„ Dioscoride iam recitata, de ipso nobis prodidit. Simeon vero
 „ Sethus hæc & ipse scripsit. At vero nonnulli hac ratione probant,
 „ quod ferrum eo infictum ignique ad motum incandescat, id quod
 „ & oleo caphuræ, alijsque dictis oleis accidit. Alij quod in
 „ aquam datum minime supernaret, sed statim fundum petat, vere
 „ hoc quidem, sed enim quando hæc duo concurrunt, uidelicet fer-
 „ rum candeat, & in aqua facile subsistat, de eo statim arripe. Est
 „ enim legitimum, & non factitium. Scire autem præterea oportet,
 „ quod dum recens est, & in proprio uigore super aquam ena-
 „ rat actum ita probatur. Linteo in eo irrigato, ac postea sublato à
 „ linteo totum recedit, non colorem, sed odoris duntaxat suauita-
 „ tem illi relinquens. Hæc omnia, ad inter se admodum diuersa cum
 „ apud hos grauissimos plantarum scriptores legerim, atque opobal-
 „ samum, quod tu uere synecerum affirmas, apud me sit, non omnia
 „ que ab his scriptoribus de eo perdocta, reprehenderit, quinimo
 „ aliqua sint, quibus ipsum planè non respondere uideatur, quam-
 „ quam enim ipsum recens sit, minimeque ad ullum acorem uer-
 „ gens, ualidique odoris, oleosi coloris, turbidum in primis eius
 „ annis obseruatum, mox clarum, aureum subamarum, adstringens,
 „ & modice mordens gustum, tenax, leue, dilui facile, lacque coagu-
 „ let, & linteum non inficiat, atque ut ait Auicenas, aquæ etiam
 „ stillatum, misceatur, in ipsaque coaguletur, supraque aquam coa-
 „ gulatum enatet, atque eo etiam ferrum, ut Sethus ipsum hac ex-
 „ perientia cognoscendum uoluit, inunctum probè in ignem posi-
 „ tum candeat, Tamen, quod apud omnes prædictos antiquos
 „ scriptores affirmatur, quippè ipsum laneæ uesti instillatum aqua
 „ ablutum, omnino ab ea abigi posse, nihilque ei adherere, nun-
 „ quam potui obseruare. Nullum enim reperitur opobalsamum,
 „ quod instillatum in pannum, ei aliquatenus non adhæreat: ex quo
 „ ego etiam puto, nullum uerum opobalsamum eam experientiam
 „ facere posse, quando ipsum, ut in alijs omnibus resinis obserua-
 „ tur (cum succus resinofus sit, inter resinasque possit sine errore re-
 „ cenferi) uiscositatis ac lentoris non sit expertus. Ex quibus ualde
 „ de huius succi signo, ab antiquis ferè omnibus animaduerso
 „ dubius, ac anceps sum. Cupioque tuam hac in re sententiam
 „ audire, ut in ea tandem acquiescam. A B D E L. Dignus es
 „ cum isto tuo scrupulo non parua reprehensione, qui uno signo
 „ magis quàm pluribus, quibus tuum opobalsamum omnibus pro-
 „ bè

bè respondere scis, fidere uolueris, quod neque uerum signum huius succi dicendum esse puto, siquidem quo pacto hic succus lentoris, ac uiscositatis non expers, (cum ipse nihil quidem aliud quàm resina quapiam sit) lineo, uel laneo panno, uel gossopio instillatum aliquantulum non adhærebit? Etenim non modo succus iste tenax est, sed ramuli quoque uirides, si digitis contrectentur, eis proculdubio adhærent, quod non nos modo, sed etiam aliquos antiquorum nouisse certum est, nonne Strabo dixit: Eius corticem scindentes succum in uasis suscipiunt tenaci lacti per similem. Quid? nonne Plinius notas synceri opobalsami docens dixit? Succum balsami syncerum debere in hærescere? At ne amplius remorer desiderium tuum, paucis de nota hac à Dioscoride proposita dicam, quid sentiam. Puto enim syncerum opobalsamum non aliam ob causam, Dioscoridem, atque una cum eo alios dixisse, uestibus uel panno non adhærere, nisi ut nos docerent mistum aliquo oleo, uel quopiam unguento hinc deprehendi, quoniam, ut ego nuper etiam uos docui (quod à plerisque oleo eo tempore uitaretur) oleo uitiatum in pannum instillatum, laneumque præsertim, quod facilius sit ad emaculandum, instar olei inficit, eique perpetuò non modo adhæret, sed quotidie magis in eo recepta macula augetur, ac dilatatur. At syncerum, quamquam paululum panno etiam instillatum in hæreat, tamen ipsum ut oleum non inficit, neque maculam relinquit, quinimo secus atque oleum panno adhærescens quotidie decrefcit, usquequo tandem omnino aliquo tempore sponte dissoluatur, atque euanescat. Quamobrem syncerum opobalsamum panno quidem, at non olei modo adhæret, neque aliquam maculam relinquit. Quod sæpe uobis meum opobalsamum in meam uestem instillatum ostendit. Verum non debet hoc experiri in pannis ijs, quos uos in Italia paratis, nostris longe crassioribus, in quibus fortassè cum olim uestri hi crassi panni lana parati ex Italia huc nò asportarentur, neque nostri his, ut nunc faciunt, uterentur, Dioscorides in his periculum faciendum, non sentit, sed in nostris ijs longe gracilioribus. Clarius verò hoc signum Plinius docuisse est uisus, cum dixit, & in ueste maculas non faciat, non autem, ut in Dioscoride habetur, uesti non adhæreat. Verius forrasse Sethus opobalsami cognitionem ex hoc signo habendam tradidit, quod his uerbis apud ipsum legitur; Linteo in

eo irrigato, ac postea sublato à linteo totum recedit, non colore, sed odoris duntaxat suauitatem relinquens: quod planè in nostro sic ad unguem obseruari licebit. Cœterum ex his, quæ ita diuerse de notis uerum opobalsamum a falso distinguuntibus, apud diuersos antiquos scriptores leguntur; dubitandum non immeritò à nobis existimo, hosce authores nunquam fortasse, neque uiuentem plantam uspiam offendisse, atque multo minus syncerum eius succum inspexisse, cunctaque potius aliorum relatione, quam uera obseruatione de eo ab his prodita fuisse. Qua de causa non ab antiquis scriptoribus, inter se de balsami historia discordantibus ueritas, hæc petenda esset, sed ab his populis, præsertimque medicis, qui loca in quibus balsamum, omnium scriptorum cōsensu, uixit, perpetuò habitarunt, & sepissime obseruarunt. His etenim iuremeritò de ipso firmior fides habenda erit. Hi sunt Aegyptij, atque Arabes, qui omnes uno consensu asserunt, hoc excepto opobalsamo, quod uos uerum esse non creditis, nullum aliud usquam uel in toto Aegypto, uel in tota Arabia, uel Syria, fuisse cognitum, aut usitatum. Cuius ueritatis clarissimum ac certissimum signum erit; aliud opobalsami genus ab hoc diuersum, apud Turcarum Regem, ijs locis imperantem, atque apud plures Turcas; qui uarijs temporibus his omnibus prædictis locis, præsertimque Aegypto præfuerunt, nunquam fuisse repertum, quinimo apud hos inuentum idem planè esse cum nostro, atque nihil ab isto communiter recepto, differre. Rex enim Turcarum singulis annis à Seriph Mechæ, atque Medinæ domino binas, & plures etiam opobalsami libras dono missas accipit, perpetuoque, postquam Aegypto imperauit, ab ipso opobalsamum recepit. Quod sanè idem planè est eū eo, quo omnes Aegyptij, Arabes, Syri, atque alij utuntur. ALP I N. Verum dicis; Nam ego certo scio idem esse opobalsamum uulgo receptum cum eo, quod apud multos dominos Turcas Consulesque Venetos habetur, quibus à præfecto Aegypti: ac alijs nobilibus Turcis dono datum fuit, idemque cum eo, quod apud Serenissimum Franciscum Medicem Ducem Florentiæ à Turcarum Rege olim ei dono datum, hodie conspicitur. quod cū meo etiam opobalsamo ex Aegypto, ad prædictum Sereniss. Ducem anno superiori misso, rectè ab ipso comparatum, idem planè esse, certum est. Quamobrem omnes, qui negant uulgo receptum uerum esse, si ipsum cum opobalsamo comparent, quod apud mul-

tos extat, Venetos, olim huius loci Consules Clarissimos, atque apud alios plures, qui olim hæc loca peragrarunt, & opobalsamū à nonnullis Dominis Turcis acceptum illuc comportarunt, probe an ipsum verum sit, cognoscent. ABDEL. Multum tamen Auicenam admiror, qui dixerit, à gossypio, hunc succum aqua ablui posse, cum tamen superius dixerit, ipsum in aquam instillarum coagulari ac densari: quod cum verum sit, quomodo in gossypio receptum, ac imbibitum, aqua ab ipso ablui poterit? hoc enim fieri non posse cuique patebit. Est demum alterum opobalsamum ex seminibus balsami expressum, cuius etiam inter adulterata nuper recensuimus, quod pro vero succo opobalsami aliquando venditur, quod tamen facile, ut dictum est, ex obscuriore eius odore, amarioreque sapore à vero diuersum ab his esse comprehenditur. Ac de opobalsamo hæc à nobis dicta sufficiant. Restat modo, ut de balsami fructibus, & virgis loquamur, quando multi quoque non desint, qui contendant verum neque carpobalsamum, neque xilobalsamum esse.

Veri carpobalsami, & xilobalsami cognitio, & confideratio. Cap. VI.

A L P I N V S .

HACTENVS balsami plantæ, atq; ab ea educti succi ambiguitates omnes vir doctissime dissoluisti, veritatemque ita claram effecisti, ut de arbore, ac succo nostri amplius contendere non debeant, sed ipsum potius agnoscere, atque in vsum medicinæ restituere, quod quidem facientes summa laude digni erunt, tantum auxilium in vsum renouantes, atque recipientes. Cum nemo nostrum dubitet amplius veri opobalsami ex Aegypto, & Syria in Italiam cōportari, quod facile à nuper adductis notis ibi an syncerum sit, cognoscetur. Restat modo, ut de eiusdem plantæ fructibus, & virgis, quod apud nostros dubij supersit ab illorum animis euellas. Quando vulgaria semina, pro vulgari falso carpobalsamo à multis recepta, quorum ad nos singulis annis multa copia aduehitur, verum esse antiquorum carpobalsamum me iudice etiam affirmandum sit. Animaduertendum tamen est, duplex genus carpobalsami circumfer-

ri &

ri & vtrumque pro balsami seminibus apud nonnullos recipi, quorum vnum semen est terebinthi magnitudine, atque ferè etià forma, rotundumque & oblongum, ouo simile, in extremis acutum, flauum, folliculo nigro rubescente vndique contextum; Hocque verum est antiquorum carpobalsamum. Alterum vero pseudocarpobalsamum huic admodum magnitudine, colore, figuraq; est simile; differt tamen à vero, quia ipso est oblongius, ex medietate tantum folliculo contextum est, nam illud extremum, quod suo pediculo appensum est, folliculo caret, minimeque eo totum congitur, sed tantum ad eius vsque medietatem, de hoc uero, quod falsò pro balsami semine me iudice recipitur, non loquimur. quàmquam odoratum sit, atque aromaticum. Illudque fortassè esset, quod olim Dioscoridis tempore ex Petra oppido Arabiæ pro carpobalsamo asportabatur, & quo uerum carpobalsamum adulterabatur, si piperis saporem præferret. De altero uero ab hoc prædictis notis discrepante, quod præsertim à falso differt, quia totum folliculo suo contextum est, quando falsi, ut iam dictum est, tantum medietas folliculo contexta appareat, a nobis sermo habendus est. Audio nunc Venetijs omnes pharmacopolas consilio excellentissimi collegij medicorum in componenda theriaca, atque mitridatio, pro ueris balsami fructibus Iuniperi fructus substituere. quod quanta dignum reprehensione sit, ac in quanto illi uersentur errore, uobis doctissimis uiris nunquam latuit. Et utinam nunc perspectis rationibus iidem non permittant sine his tanto artis cum dedecore (quando hæc omnia non sit difficile apud eos reperiri) Theriacam atque alia medicamenta amplius parari; sed uereor, ne magis in antiquis erroribus persistere, quàm rei ueritatem amplecti uelint. A B D E L. Quid? etiam ne fructus balsami, quorū in Italiam; aliaque loca hinc copia multa aduecta, illis non deest, negant ueros esse, atque pro eis in componenda theriaca alijsque medicamentis baccas Iuniperi substituunt? quid de te audio? pudet me tantorum medicorum, qui hos hætenus ueros fructus neglexerint, minimeque his utantur. Sed quibus rationibus adducti, negant ista semina meritò ex te pro uero antiquorum carpobalsamo recepta, ueros esse fructus balsami. An non ipsorum magnitudo, color & forma ad eos recognoscendos satis illis erunt? Theophrastus dixit: illos esse similes therebinthi fructibus magnitudine, figura ac colore. Et clarius Serapio ex Dioscoridis mente hunc

hunc in modo eos descripsit : Et granum quidem ipsius, quod no-
 minatur carpobalsamum, est grauum rotundum ad longitudinem
 aliquantulum tendens ad acuitatem in ambobus capitibus, in me-
 dio uero grossius. Cuius color tendit ad rubicunditatem, & est
 plenum, graue, mordēs linguam mordicatione aliqua non multa,
 & quando frangitur interius habet humiditatem similem melli, &
 eius odor est bonus. At Dioscorides addidit hoc semen redolere
 opobalsamum. Certè, ut uerum fatear, fructus balsami ab Italis
 tuis medicis, atque pharmacopeis neglecti, tum Serapionis descri-
 prioni omnino respondere cognoscuntur, tum etiā notis à Theo-
 phraστο allatis, quando hi colore, figura, atque magnitudine uere
 fructibus terebinthi proximi spectentur. Serapio uero eos multo
 diligentius ac exquisitius declarauit, qui ipsos grana esse rotunda
 statuit, oblonga, extremis acutis, & medio crassiore, ad coloremq;
 subrubrum tendentia, grauiā plēnaque esse, ac modice gustum
 mordentia, quæ intus substantiam melli similem habent. Ex qui-
 bus notis vulgare carpobalsamum uerum omnino esse certissime
 ostenditur, sed quamobrem isti negant hos, ueros balsami esse fru-
 ctus, scilicet carpobalsamum antiquorum? ALPIN. Omnes
 uno ore prædicant prædicta semina non una, at omnibus carere
 prædictis notis, quibus ea prædita esse Dioscorides omnium anti-
 quorum in plantarum descriptione facile primus, memoriæ olim
 prodiderat, hisque speciatim verbis. Quare eligatur flauum, ple-
 num, grande, ponderosum, mordens gustū, feruens in ore modice,
 opobalsamum olens. Dicunt itaque istæc semina à uobis pro car-
 pobalsamo monstrata, non flaua, ut Dioscor. docuit, sed nigra sub-
 rubescentia spectari, vacuaque non plena esse, leuia & non grauiā,
 parua & non magna, neque gustum aliquo pacto mordere, neque
 opobalsamum olere. Hisque rationibus negant illa semina uerum
 carpobalsamum antiquorum esse, sed potius ea, quæ olim ex Pe-
 tra oppido Arabiæ aduecta, uerum carpobalsamū adulterari Dio-
 scorides animaduertit, quod ipse hisce verbis docuit, dicēs: Adul-
 teratur semine hyperico simili, quod à Petra oppido deferitur, sed
 coarguitur magnitudine, inanitate, virium ignauia, sapore piperis.
 Idemque ferè Plinius testatum reliquit: atque hæc sunt aduersus
 balsami vulgares fructus à quampluribus Italiæ, aliarumque natio-
 num medicis, & pharmacopeis disputata. ABDACH. Ex his
 duobus alterum uerum esse arbitror, vel illos scilicet viros à te re-

citas

D E B A L S A M O

citatas carpobalsami notas nunquam probè cognouisse, aut nun-
 quam hos fructus, vel semina, quæ præ oculis omnes hi pharmaco-
 polæ quotidie habent, inspexisse, quod si illi hæc aliquando inspe-
 xissent, ac rectè obseruassent, proculdubio fieri non potuisset, vt ex
 omnibus notis ipsos non agnouissent, veros esse balsami fructus,
 quando non solum falsum sit ipsos omnibus notis à Dioscor. tradi-
 tis carere, sed ne vnâ quidem illis deesse. Nam istæc semina
 sunt humiditate melli simili plena, quorum si multa fracta intus
 ij inspexissent, nisi cæci omnino fuissent, fieri nullo modo poterat
 vt non id animaduertissent. Cernuntur etiam longe hyperici se-
 minibus maiora, sunt grauiora, cum aliqua mordicatione, atque
 opobalsami odoris fragrantia, quorum saporem; atque odorem
 unusquisque gustu, ac olfactu minime destituto, poterit cogno-
 scere. Nemo mea quidem sententia erit, qui prius opobalsamum
 olfecerit, ac gustauerit, mox ista fracta semina olfaciendo & gu-
 stando, in ipsis eundem saporem, atque odorem opobalsami aper-
 tissime non cognoscat. A B D E L. Verissima prædicas, neque
 indigna, vt ab illis medicis audirentur, ac animaduertentur. Nam
 hæc semina vulgaria à nobis pro carpobalsamo recepta, ead-
 dem esse, quæ in multis Arabiæ Foelicis locis supra balsami fruti-
 ces colliguntur, omnes, qui illa loca peragrarunt, vere testan-
 tur: neque vllis unquam alijs Aegyptij pharmacopæi pro balsa-
 mi fructibus ad componenda medicamenta usi fuere. Neque alio-
 rum Aegyptiorum memoria constat, vtiqum ex Petra oppido,
 quod nunc Mecha dicitur, alios, quàm hos fructus pro carpobal-
 samo ad nos delatos fuisse. Neque Galenus existimat homines
 in eorum seminum cognitione hallucinari, ac decipi posse, quan-
 do in libro de Antiq. dixerit, carpobalsamum non posse adultera-
 ri, idqum merito, cum minime fieri posse videatur, vt aliquis, qui
 vera balsami semina semel tantum viderit, posset ab alijs decipi;
 sed concedatur posse adulterari, tamen cognosceretur id saltem,
 ut Dioscor. docuerat, inanitate, paruitate, & sapore piperis. Ve-
 rum non possum non vehèmenter illos medicos admirari, dicen-
 tes, notas à Dioscoride nobis carpobalsami eo traditas fuisse, ut
 ista semina ab alijs distingueretur, quando ipse illas notas non
 ob id tradiderit, sed potius, vt ijs homines perdocti felligerent ex
 seminibus balsami, ea, quæ flaua existunt, plena, maiora, grauiora,
 sapore, atque odore opobalsami prædita, quoniam hæc cæteris
meliora

meliora existunt . Quis ignorat, agricolas etiam ipsos aliqua semina ementes, siue triticum sit, siue hordeum, seligere plena, magna, ponderosa, optimi saporis, atque odoris, abijcereque inania, parua, leuia? Quamobrem istud? quia hæc inutilia, illa optima existunt. ALP I N. Dicunt, flauum colorem, quo vera semina balsami spectari Dioscor. tradidit, in istis seminibus non conspici, cum ipsa subrubra potius, & nigrescentia cernantur. A B D E L. Rectè dicunt, sed hinc conijcitur, ipsos minime esse in horum seminum obseruatione exercitatos, seduloque nunquam ea inspexisse, quoniam si sæpe multa sedulo, varijsque modis obseruassent, proculdubio duplici colore referta esse cognouissent, quippè nigro rubescens, suis folliculis vestita, hisque spoliata, ac nudata, flauo. Ex qua obseruatione, nec Dioscoridem, docentem illud semen flauum esse, nec Theophrastum cum Serapione subrubrum nigrescens, falsum prodidisse, patet. Quando hi semen vestitum suo folliculo, quod nigrum subrubescens cernitur: & Dioscor. folliculo spoliatum, quod flauum est, intellexerint. Hæcque à nobis de carpobalsamo dicta sufficiant. De xilobalsamo vero non puto à nobis multa esse dicenda, quando nō ita omnibus, vt carpobalsamum, ignotum videatur. esse illas virgas communiter ab omnibus pharmacopæis pro carpobalsamo receptas, etsi ijs tamen non vtantur, argumentum erit certissimum, ipsas redolere odorem opobalsami, & carpobalsami, eundemque gustui saporem etiam præferre. Optimæ autem existunt, sarmentosa, tenues, fuluæ, & recenter excisæ, odorem opobalsami manifestissimum spirantes. Quem odorem eximium spirare a Theophrasto ac Serapione proditum est. His vero recentibus pharmacopæi uti debent, cum paruo etiam tempore omni odore ac sapore destituantur; tanta est enim illius humidæ substantiæ, in qua odor, saporque fundantur, tenuitas, vt cito exolnatur, simulque cum ea sapor, atque odor euanescat. ALP I N. Fascem recentissimarum virgarum Dominicus à Rege noster pharmacopola ab amico suo Turca, apud oppidum Sues, illuc Mecha aduectum habuit, qui multum opobalsami odorem spirabat, qui tamen paucis mensibus ferè omnino exolutus est. Multas virgas recentes habui, quæ apud me adhuc asseruantur; quas comparatas cum ijs, quæ apud Venetos pharmacopolas sunt, easdem utique esse sine dubio cognoscitur, quæ si recentes conseruarentur, ueritas

DEVBALISAIMO

hec omnibus esset manifestissima, ita ualidus, ac manifestus in ijs odor opobalsami perciperetur, ex quo omne dubium ex ipsorum animis sponte excidisset. ABDEL. Tibi sufficiat, hæc de balsami planta, succo, fructibus, virgis, ex nobis audiuisse, atque didicisse, veramque hanc huius plantæ ichonem, nunc Alpine spectare poteris, atque ex dictis ipsam recognoscere. Sed absoluto de ijs sermone, cum iam Sol supra orizontem multum ascenderit, aeremque inflammare coeperit, satius erit nos hinc abire, & in urbem redire, priusquam augeatur caloris æstus. ALPIN. Re-

cte suades, abeamus, vobisque, quod tantum hæctenus

fusceperitis laborẽ, multas gratias refero, meq; vt

pro vestra humanitate ametis, quemadmo-

dum facitis, etiam, atque etiam rogo.

valete. ABDEL. Atq; tu interim

vale. mementoq; nos tui

esse studiofissimos, te

q; multum, atq;

multum ob

serua-

re-



BALSAMVM

BALSAMVM.



X 2 Cur

*Cur Petri Bellonij observationes in Aegypto circa
balsami plantam factæ hic adnotatæ sint.*

Cap. VII.

CVM hisce diebus librum olim in Aegypto a me de
balsamo conscriptum in publicum emissurus essem,
Ecce in manus meas perueniunt doctissimæ itinerariæ
observationes a Petro Bellonio Cenomano, uiro tum
in alijs, tum in plantarum materia doctissimo, ante annos ab hinc
quadraginta litteris traditæ, atque hoc tantum anno in lucem edi
tæ. In quibus cum balsami nonnullarum plantarum olim in
Aegypto uiuentium diligentissimam observationem ab eo rectis
simè exaratam, ac descriptam legerim, optimum fore putauij, si eā
sub fine huius libelli adijcerem, Siquidem speraui ex tanti uiri in
plantarum materia exercitatissimi lectione, ea, quæ dicta sunt à no
bis, ac litteris de balsami historia mandata, posse haud parum
animos legentium confirmare, quod is omnia ferè complexus sit,
quæ in meo libello leguntur. Hæcque priusquam balsami obser
uationem Bellonij hic adiecissim, præfari libuit; ne ex abrupto hic
ea inserta candido lectori uiderentur.

*Aegyptij balsami observatio: ex Petro Bellonio in libro II. itine
rariarum observationum, capite XXXIX. collecta.*

Cap. VIII.

IN quodam pago spectatum iuimus hortum balsami
fruticibus confitum, qui à Cayro longius haud abest,
quam Lendit à Luretia. Quoniam porro balsami plan
ta admodum celebris, preciosa, raraque est; hic scribere
libuit quidquid ad eius historiam pertinere arbitrari sumus. Quos
dam esse scimus, qui Matareæ Balsamum ex Iudæa delatum esse
putent: rem autem haud ita se habere, postea demonstrabi
mus. In magno quodam horto sunt, sed angusto loco muris con
clusæ, quos extractos fuisse aiunt, postquam Turca Aegyptum
Sultano ademit: Bacha autè à Turcarum Imperatore huic regio
ni

ni præfectum, ea arbuta digna existimasse, quæ peculiari loco concluderentur. Cum istic effemus, nouem, aut decē duntaxat frutices eius aderant, qui nullum liquorem præbebant. Inter notas à veteribus proditas, quibus balsamum dignosci possit, una est, ut perpetuo uireat: illud tamen in Materea, apud Cayrum, pauca admodum folia Septembri mense habebat: quod nobis insolens visum est. Nam reliquæ arbores, quæ hyeme virere solent, folia solum nouo vere abijciunt, cum videlicet noua germina produxerunt: solentque autumnno magis virere, quàm nouo vere. At reliquæ, quæ folia abijciunt, id sub hyemem facere solent, ut æstate noua adquirant. Ideoque nobis præter naturam videbatur, balsamum folia abijcere, ut hyeme noua germina produceret: nobis enim id obseruantibus, quæcumque habuit folia, recens nata erāt. Eius iustam magnitudinem tradere nequimus; nam quotquot eius frutices in horto aderant, stipitem solum habebant pedis longitudine, & pollicari crassitie, tenuibus ramulis præditum, raris foliis obsitis. Vbicunque autem tandem nascantur, duorum aut triū cubitorum altitudinem non superāt; & pedali altitudine cum sint, in multos graciles ramulos anserinæ pennæ caule haud crassiores finduntur. Balsami frutices Matereæ iam recens putati fuerant, sic ut soli stipites superessent, qui ramulorum rudimenta producebant. Eiusdem etenim est balsamum cum vite naturæ, quam singulis annis putare necesse est, alioqui degenerat. Noua illa balsami germina sub rubente cortice erāt tecta, foliaque viridia habebant, lentiscinorum foliorum modo formata, hoc utrinque in nervo nata, ut in rosarum, vel fraxini, vel iuglandis folijs videre est, ciceris tamen foliorum magnitudinem non excedebant, sicque cōstructa erat eorum series, ut postremum foliolum extimam alam occupans, imparem numerum efficeret: nam totius alæ foliolis numeratis, terna; quina, aut septena inueniuntur, septenarium certe numerum superare uix animaduertimus: extremum autem foliolum reliquis maius est, factum etenim ab illo progressu, reliqua sensim minutiora fiunt, ut in rutæ folijs. Plinius in eius historia Theophrastum per omnia sequutus est, quemadmodū etiam Dioscorides, eiusque vestigijs insistentes, balsami folia rutæ folijs compararunt: quod veritati consonum esse deprehendimus. Quoniam autem primum in Materea illud exacte non obseruaueramus, de nouo illud spectatum iuimus, eiusque ramulum nacti, ipsum atque illius

illius folia degustauimus, quæ facultatis non nihil adstrictoriæ esse comperimus, pinguisque aliquantulum saporis, atque aromatici, ramulorum autem cortex his odorator est. Geminio cortice præditi sunt ramuli, extimo foris subrubente, qui ut membrana intimum viridem operit. Is gustatus inter Thus, & Terebinthi folium sapit, satureiæ syluestri sapore simili admodum grato, atque digitis tritus cardamomum olet: ipsum lignum candicat, odorisque & saporis expers est, non secus atque aliud inutile lignum. Ipsius virgæ rectæ sunt & graciles, rarisque foliorum alis sparsim & confuso ordine nascentibus obsepte, quæ (vt diximus) ternis, quinis, aut septenis foliolis cōstant. Variæ sunt auctorum, qui de balsamo scripserunt opiniones: & nisi nos ipsi plantam conspexissemus, nihil post illos de eo scribere ausi fuisset: atque in eam ferè opinionem inclinarem, illud Hierico planis nunquam cultum fuisse. Quia autem ipsum fruticem vidimus, diligenterque obseruauimus, de eo, tanquam de re quæ diligenti obseruatione digna, differere libuit. Experientia autem didicimus, lignum illud vulgo xilobalsamum nuncupatum, quod ex Fœlici Arabia delatum à mercatoribus venditur, cum Aegypto quod in Matarea colitur, conuenire: nam desiccatum nostrum balsami ramum cum eo, quod in officinis venale reperitur contulimus, atque omnibus notis respondere, deprehendimus: estque ex duobus alterum necessarium, aut xilobalsamum & carpobalsamum, quale in officinis venditur, adulterinum esse, aut illud Aegyptium, quod colitur in Matarea horto, legitimumque balsamum esse censetur. Nam cum in omnibus conueniant, certi que simus idem esse, asserimus, & concludimus id, quod hoc nomine uenale reperitur, simile ei esse, quod ab omni antiquitate in usu fuit. Balsamum nunc temporis in sola Aegypto colitur apud Cayrum. Et licet Theophrastus in ea opinione sit, id syluestre & sponte nasci non inueniri: asserere tamen audemus, ab omni æuo in fœlici Arabia fuisse, atque etiam nunc nasci, cuius lignum, & fructus etiam olim ad nos perlata fuerint cum alijs Arabiæ mercibus. Atque demonstrare uolumus ea non minus cognita fuisse mercatoribus, quàm reliqua aromata, vt ex medicamentorum, quibus perpetuò iniici solita sunt, cōpositionibus apparet. An non Mithridates in suum medicamentum intulit? An non in officinis uenalia reperiebantur? Id ex sola Diosc. auctoritate probari potest, qui in sua ætate carpobalsamum

mū adulterari cōqueritur. Carpobalsamū (inquit) adulteratur se-
mine hyperico simili, quod à Petra oppido defertur per Petrā oppi-
dū Mecā intelligimus, atq; de xilobalsamo: è ligni genere, quod xi-
lobalsamū vocant, probatur recens, sarmento tenui, sūlū odoratū,
quoadatenus opobalsamum spirans. Ex his liquido apparet vulga-
ris vsus inter reliqua aromata fuisse. Sed & ex Diodori Siculi ve-
tustissimi scriptoris Arabiæ felicitatis opes enumerātis, uerbis, manife-
sto liquet. Maritimis enim locis balsamum producere ait. Cul-
tum igitur id esse non intelligit, sed sponte nascens. Pausanias etiā
tradit balsamum Arabiæ fruticem esse. Plerique tamen auctores
de balsamo agentes, inter se non conueniunt. Nam Strabo pro-
dit in Syria nasci apud lacum Genezareth, inter montem Libanū
& Antilibanum. Reliqui volunt solam Iudæam regionem id pro-
ducere, eiusque ramos osseo cultro, aut uitro duntaxat vulneran-
dos esse ad liquorem eliciendum, alioqui si ferro cedantur, statim
emori, Cornelius Tacitus scribit, ferro iuxta adposito, metu exhor-
rescere, idcirco alijs quàm ferreis instrumentis uulnerandum; si li-
quorem elicere quis cupiat. Percontantes a mercatoribus Cayri
de balsamo, cum nostrum ramulum conferremus, nobis affirma-
runt, quidquid xilobalsami, uel carpobalsami unquam uendidis-

scent, id omne ex Meca cum alijs aromatibus accepisse;

atque meminisse suo tempore balsami frutices, qui

nunc in Matarea coluntur, ex Arabia foelici

delatos esse, magnis sumptibus Sulta-

ni. Quoniam uero id nobis tam

multi affirmarunt, existima-

uimus sine ullo scrupulo

aut dissimulatione

nobis licere

id scribe

re.

Laus Deo Opt. Max.

F I N I S.

